




Theodore
Besterman

P

S



I V S T I L I P S I
A D L I B R O S
P O L I T I C O R V M
N O T A E,
E T
D E V N A R E L I G I O N E
L I B E R.


Aucta omnia & innouata.




A N T V E R P I A E,
E X O F F I C I N A P L A N T I N I A N A,
A p u d I o a n n e m M o r e t u m.

C I O . I O C . x .

Cum Priuilegijs Casareo & duorum Regum.



REVERENDO ET AMPLISSIMO³
P R A E S V L I
IOHANNI SARACENO
ABBATI VEDASTINO,
ET A CONSILIIS
STATVS BELGICI.

 OTAS quas vides, & adiunctum *De*
vnâ religione librum, aucta hæc
variè aut innouata, tibi datum dica-
tumque imus, Amplissime Præsul:
atque intimo meo voto, ytinam ma-
ius aliquod aut speciosius munus! Certè merebaris,
& impensè ego volebam. sed quid est? aliud præ
manu nunc non erat, & differre diutius professio-
nem huius æris alieni, pudor meus & ingenuus ani-
mus recusabant. Tu ille es, cuius beneficia à qua-
driennio iam in me summa: qui aduenientem in
amicitiam tuam admisisti, aut potiùs aduocasti;
fontem benignitatis tuæ vltro referasti, & verè fon-
tem: ita largiter & perenniter in me fluxit. Nec in
me tantùm. publica & testata beneficia tua sunt in
omnes, quibus commendatio aut insigne aliquod
est Religionis, Virtutis, aut Doctrinæ. Enimverò sa-
cra siintuear, quis magis ea defendit, ornauit, am-
pliavit? Aræ & templa vetera instaurata, aut noua
instituta, tui operis sunt; tui, religiosorum cætus cor-
recti, aucti, propagati; & vno verbo, omnes pietatis

veræ, id est antiquæ, mystæ aut cultores, te habent decus, subsidium, portum. Quid aliæ virtutes? simile. & cum nullâ in re minùs ratio constare tibi videatur quàm in donando, mirâ prudentiâ domesticâ tuâ aut parcimoniâ fit, vt supersit semper quod dones. Nec ista in gratiam aut gloriam. Deo soli & vñsibus humanis imputas: & fructum beneficij vnum censes, fecisse. Vt stellæ in cælo lucent, hoc tantùm vt luceant: sic tu naturâ & inclinatione beneficus, sine aliâ affectatione aut aspectu. O rarum mirumque virum! & in litteris magis hoc lubet diffundere, id est, in re nostrâ. Quis earum titulum in Belgicâ sibi inscripsit, & te Patronum non ascripsit? rarus: cum etiam eos qui colorem & speciem earum habent, iuues. De Nicolao Quinto, egregio inter Pontifices, fama tenuit, cum sermo aliquando esset, de Musicis litteratisque viris, & diceret quispiam, *Poëtas aliquot bonos Romæ esse. Non credo*, illum subiecisse: *cur enim ad me non veniant, qui etiam malis pateo?* Magni, sed & candidi animi vox. quâ significabat, non compotes solùm optimarum artium, sed & candidatos à se diligi: & in iis demerendis munerandisque decipi se, etsi non deceptum. Excitabat scilicet ita alios: & ad rem magis invitabat, cum & spem viderent honorari. Simile in te est: & quisquis nomen hoc litterarum habet, velamenta & infulas, vt sic dicam, præfert, quibus apud te exoret. Ah vtinam in hac & aliâ virtute tibi similes, qui gradu similes! quorum aliqui (plerique nolo dicere) in illâ altitudine, nil nisi alti sunt: & vt cupressi,

cupressi, cetera steriles, præter speciem nihil habent. At verò in te laudanda etiam alia. hoc in primis, quòd curas tuas à singulis ad publica etiam profers: & patriam consiliis & prudentiâ opportunè iuuas. En tenebras & confusionem temporum; tempestatem in mari, in terrâ; bella pro religione, pro imperio; dissidia cum veris hostibus, cum ciuibus; & omnia sic turbata aut desperata, vt pars consilij censeatur, consilij non se miscere. Sed tu is obuiam, & in quiete aut subductione aliorum, manum ad clauum porrigis: porrigis dico, sed aduocatus. Ille, ille Rex post hominum memoriam Optimus Maximus, bona tua vidit, cùm te coràm vidit: illam dignitatem corporis, eloquium oris, animi prudentiam: & statim in sanctius illud consilium, quod rerum statusque vocant, adsciuit. Quàm iudicio hoc fecerit, iudicia omnium consentiunt. qui te mirantur, vt Numam aliquem aut Lycurgum, sacris humanisque rebus, pacis belli que artibus, mixtum & idoneum: & in duplici munere, feliciter & industriè omnia, sic vt in vno alius, obeuntem. Maacte his virtutibus PRÆSVL, & aliis, quas fileo: quia iam nunc grauari te sentio hos sermones. in quos nec me dedissem, nisi quia publicè interest, aliquod virtutibus præmium, aut præconium saltem esse: & ne iis sit tantum ex conscientia merces. Tu meum animum, quod præcipuè volebam, vides. tuum nunc & postea; etiam tunc, credo, cùm auulsus ab hoc corpore in æternis illis locis erit. Quæso vt ita censeas, & eius obnoxij addictique testes, ac velut

obsides, hos libellos capias : si per se haud magni pretij, operi tamen adnexos, cui pretium aliquod Fama adhuc esse voluit, & spero volet. Quòd autem non perfeci vno tenore & protelo totum opus, non mea culpa aut ignauia est : sed valetudo interpellauit, tum & occupatiunculæ, quæ nimis sæpè distrahunt aut diuellunt. Fiet aliàs, si ille volet, qui super nos vult & potest: qui te **AMPLISSIME PRÆSVL**, Religioni, Patriæ, nobis diu seruet. Louanij, postridie Natalem Dominicum. ∞ . **IO. XCV.**



SVETONIVS IN AVGVSTO

CAP. LXXXIX.

IN euoluendis vtriusque linguae auctoribus, nihil laquè sectabatur, quam *Præcepta & Exempla*, publicè vel priuatim salubria : eaq; ad verbum excerpta, vel ad domesticos, vel ad prouinciarum exercituumq; rectores, vel ad urbis magistratus plerumque mittebat : prout quisque monitione indigeret.

IVSTI LIPSI

AD I. LIB.

POLITICORVM

NOTÆ.

POLITICORVM LIBRI.] *Ita inscripsi, De titulo nec perperam. Nam etsi proprie de principatu librorum. agimus, & eius instructio mihi scopus: tamen & librorum prior pars velut commune προαυ- λιον ad quamque Rempubl. est: & passim præcepta ad omnem Civilem vitam.*

Siue Civilis doctrinæ.] Rectè ita licet vertere: imò Politicen ipsam Ciuitatem Apuleius reddidit, de Philosophiâ: & Seneca Civilem eius partem dixit.

IN CAPVT I.

Præloquium.

Veterum monitis, imò & verbis.] *Ita fecimus. Lapides & li- PAG. 22.
gna ab alijs accipio: edificij tamen constructio & forma, tota nostra. Forma seri
Architectus ego sum, sed materiam variè undique conduxì. Nec
aranearum sanè textus ideò melior, quia ex se fila gignunt: nec no-
ster vilior, quia ex alienis libamus, vt apes.*

Duos Rectores, Prudentiam & Virtutem.] *Siue duo etiam Fulcra bi-
fulcra: sine quibus laudabilis & firma Respublica nulla unquam
fuit, nulla erit. Tetigerunt vtrumque aly: sed si neminem distin-
ctè aut plenè præceptis id amplexum dixerim, libera magis vox
erit quam superba.*

IN CAP. II.

De Deo.

RECTVS de deo sensus, in deum cultus.] *Ita Pietatem PAG. 22.
definimus. & hac duo sanè præcipua eius munera siue partes, Pietatis
Noſſe ſupremum illud numen, & Venerari. Lactantius: Omnis ſa-
pientia hominis in hoc vno eſt, vt Deum cognoſcat & colat. A
ſenſu tamen veniendum eſt ad Cultum. Idem: Sapientia præcedit,
Religio ſequitur: quia prius eſt Deum ſcire; conſequens colere.*

*Ita appello Summum illud.] Heu miſeriam! adeò à cognitio-
ne Sum-*

Dei propriū
nomen igno-
ramus.

Quod i
conueniat
tissimum

Deus est,
quis est
quod est.

Dimisso
animi hic
tuta.

Deus men-
te purior.

Quo sensu
deus in mo-
tu?
Viuat per-
petuo.

Mouet, non
inmouetur.

PAG. 23.

Pauca de
deo dicenda:

Nec nisi in
sacris tra-
dicta.

Vitū ani-
mī, in illud
inquirere.

Et inquisi-
tio inuana.

ne Summi illius remoti sumus, ut ignoremus & nomen. Ipse incre-
pat: Cur quæris nomen meum, quod est Mirabile? Et Damascē-
nus: τὸ θεῖον ἀπὸ πάντων ἀνθρώπων, & ἀνῶντων ἐστὶ: Comprehēdi om-
nino diuinum illud non potest, neq; nominari. Et si nos tamen no-
mina ab antiquo habemus, & quod miremur, plerūq; gentes quadri-
littera. Sed cum eodem Damasceno sentio, nullum nomen aptius
Deo tribui, τὸ ὄντος. Causa. ὅλον γὰρ ἐν ἑαυτῷ συλλαβῶν ἔχει τὸ εἶναι,
ὅσον πῖ πλάτος ἐστὶς ἀπειρον καὶ ἀόριστον: Vniuersum enim illud Eise
complectens in seipso habet, quasi mare quoddam infinitum &
immentum. Pulcherrimè Hermes: Ἐν αὐτῷ καὶ τὸ ὄν, καὶ τὰ μὴ ὄντα.
Ipse est, & quæ sunt, & quæ non sunt. Quo sensu? addit. τὰ μὴ γὰρ
ὄντα ἐφανερώσει, τὰ δὲ μὴ ὄντα ἔχει ἐν ἑαυτῷ: Nam & quæ sunt, aperuit;
& quæ non sunt, habet in seipso. Ille scilicet est (Aegyptiorum tem-
plis ritè inscriptum) τὸ γεγονός, καὶ ὄν, καὶ ἐσόμενον: quod fuit, quod
est, quod erit. ille, ut Apostolus ait, ex quo omnia, per quem omnia,
in quo omnia. Hæc talia nec impiè nec inscitè dici possunt: sed quā-
to augustior & Deo dignior illa confessio! Αὐτεκλήτως, ἀρρητῶς, σιω-
τῇ φωνέμεν: ineffabilis, non dicendus, silentio exprimendus.

Mentem solutam quamdam.] Mentem, sed mente subtilio-
rem. Hermes ille verè Ter maximus in his diuinis: Ὑψις μὲν τὸ λεῖψο-
μενέεσθαι, ἀήρ. ἀέρας δὲ, ψυχὴ. ψυχῆς δὲ, νῆς. νῆς δὲ, ὁ θεός. Materiā
subtilior, aër. aëre, anima. animā, mens. mente, ipse deus.

Præditam motu sempiterno.] Rectè accipe: pro vitā & actio-
ne sempiternā. Aristoteles explicabit: Θεὸς δὲ ἐνέργεια, ἀθανασία.
τὸ δὲ ἐστὶ ζωὴ αἰδίου, ὥς ἐ ἀνάγκη τῷ θεῷ κίνησιν αἰδίου ὑπάρχειν. Dei
actio, immortalitas, hoc autem est perpetua vita: ut necessum sit
Diuinitati motum perpetuum inesse. Nam de alio motu, sanè fal-
sum. Ille omnia mouet, immobilis: omnia quatit inconcussus. Her-
mes: Πᾶν δὲ τὸ κινέμενον ἐκ ἐν κινεμῶν κινεῖται, ἀλλ' ἐν ἐσῶν καὶ
τὸ κινεῖν δὲ ἐσηκον. Omne motum non in moto mouetur, sed in
quiescente. & id quod mouet, quiescit.

De deo etiam vera dicere, periculosum.] Qui enim scis, an
dicas vera? Circumludis infinitum & aeternum illud, tu pusille, tu
mortalis. Atque hoc sensu, istud verum. Aliās, non nego quin
de deo liberè & verè dicamus, quæ de se ipse. id est, quæ in sacris
mysticisq; libris referantur.

Qui melius scitur, nesciendo.] Hoc quoque pari cautione &
sensu. Curiosos tantum excludimus: quoniam, ut ait Basiliius, ἡ ψυ-
χῆς νόσος ἐστὶ, τὸ κακῶς καὶ περὶ θεῶν ζῆτεῖν περὶ θεῶν: Animi morbus
est, malè & superflue de deo quærere. Quid autem queramus?
Celi aut sideris vnius naturam plenè nondum cepimus: & volu-
mus

Lib. I.
cum cap.
xii.
i. De F.
cap. xii.

Pœmar
cap. v.

Ad Ro
xi.

Hermes
Pœmar
cap. i.

Pœmar
cap. v.

ii. De
lo, c. 11.

Pœmar
cap. ii.

mus calisiderumq; auctorem? Vani, Vani! Poëtam audiamus:

Philetas.

Θεὸν νόμιζε, καὶ σέβου, ζῆται δὲ μή.

Πλεῖστον γὰρ οὐδὲν ἄλλο τῷ ζῆταϊν ἔχεις.

Deum esse crede, & colito, sed non quærito.

Nam nil habebis aliud hîc, quàm quærere.

Laërt. in
eius vitâ.
Hilar. De
Trin.

Sed & Bias olim monuit: Θεὸν λέγε, ως εἰσί: De diis hoc tantum dic, esse. Pius noster scriptor magis pië: Deus religione intellegendus est, pietate profutendus est, sensû verò persequendus non est, sed adorandus.

Venerare,
non rimare.

Cap. II.

Effectus tamen eius.] Omnino Dei opera & effectus noscenda, si vis ipsum. Νῆς δεῖται ἐν τῷ νοεῖν, ὁ θεὸς ἐν τῷ ποιεῖν, ait Hermes. Ut solem deficientem non directò, sed in aquis intuemur: sic deum in operibus.

Deus in effectibus, & ab
in noscendus.

De Fide.

De Trin.

In Phædone.

Affectus (si ita appellare fas.) Meritò dubito, imò non dubito. Nam reuera affectiones nulla in perfectâ illâ simplici, naturâ, sed pura res ipse. Damascenus: ποιότης, τὸ θεὸν ἐλθεῖν: Qualitatis Deus expers. Itaque propriè non ille Sapiens, Bonus, Iustus: sed Sapientia, Bonitas, Iustitia. Hilarius: Quidquid in deo est, deus est: totum quod in eo est, vnum est Et Augustinus: Quidquid ibi intellegi potest, substantia est. Nec Plato ignoravit: Αὐτὸ τὸ ἴσον, αὐτὸ τὸ καλὸν, αὐτὸ ἕκαστον, ὅ ἐστι τὸ ὅν: Ipsum æquale, ipsum pulchrum, ipsum singulum, quod est id quod est.

Affectus
nulli in
Deo.

Totus, Substantia est.

Intereit animis & mediis cogitationibus interuenit.] Alitè hoc imprimite mortales, vix peccatis. Hesiodus:

Πάντα ἰδὼν Δίδας ὀφθαλμοῖς καὶ πάντα νοήσας.

Et Epictetus planè diuinitus: Όταν κλείσῃτε τὰς θύρας, καὶ σκότος ἐνδὸν ποιήσῃτε, μέμνηθε μηδέποτε λέγειν, ὅτι μόνος εἰμι. ἔ γὰρ εἰμι. ἀλλ' ὁ θεὸς ἐνδὸν ἐστὶ, καὶ οὐ μόνος δαίμων ἐστὶ. Ἐ τίς τέτοις χρεία φητός, εἰς τὸ βλέπειν τί ποιεῖτε; Cum ianuas adduxeritis, & tenebras intus feceritis, ne vñquam in mentem veniat dicere, quòd soli estis. non enim estis, sed Deus intus est, & Genius vester intus est. Quid autem opus iis lumine, vt videant quæ agatis?

In tenebris
Deus.

In Differ-
tate, ab Ar-
riano di-
gest. lib. I.
cap. XIV.

IN CAP. III.

De Religione.

OMNIA prospera colentibus deos, aduersa spernenti-
bus.] *Serio cogitare debet Princeps, Religio neglecta aut pro-*
lapsa, traxit semper temp. secum, & trahet. Vates ille haud vanus:

PAG. 14.
Cum reli-
gione resp.
floreit, aut
crauet.

Horat.

Dî multa neglecti dederunt

Hesperix mala luctuosæ.

Lib. v. In-
stic. c. VII.

Et Lactantius asserit, Ideò mala omnia rebus humanis cottidie in-

b

grauē-

grauescere, quia Deus mundi huius effector & gubernator derelictus est: quia susceptæ sunt, contrà quàm fas est, impiæ religiones.

Superstitionis si nos naturæ:

In quam naturæ vitio nos proni.] Adeò verum est, ut in alia vitia duci videamur, in hoc rapi. Plutarchus haud iniuriâ deplorat τὸ ἀνθρώπων ἀδένεια, ὅτι ἐκ ἐχρυσαν, ἐδὲ κατέπυσαν αὐτῆς, ἀλλ' ἔκπερ μὲν εἰς δεισιδαιμονίαν καὶ τυφοῦ, ὅπως δὲ εἰς ὀλιγωρίαν τῆς θεῶν καὶ ἀειφρόνισιν: humanam infirmitatem, in etiam terminumq; non habentem, nec sui potentem: sed efferentem se, modò in superstitutionem & vanitatem, modò in neglectum rerum diuinarum & contemptum. Atqui, ut idem addit, ἡ δὲ ὀλιζέσια, καὶ τὸ μὴ εἶναι ἄγαν, ἀείρον: Religio, ut nihil nimis, optimum: Si tamen peccandum est, fateor tutius meliusq; peccari in hanc Superstitutionis, quàm illam Impietatis partem. Νόσος δὲ μεγάλη ψυχῆς, ἀδένεια ἐπεῖτα δόξα. Hermes cap. xii.

Aut impietatis.

In medio-critate vitiorum.

Pessima Impietas.

ἔα εἰς πάντας τὰ κακὰ ἐπακολουθεῖ καὶ ἀγαθὸν οὐδ' ἐν. Magnus, magnus animi morbus est, Impietas: quoniam illum opinio & inclinatio ad omnia mala sequitur, boni autem nihil. Et sanè ea stante, numquam res pub. stabit.

Pernicies Rerum publicarum.

Superstitio efficax ad regendum.

Nulla res multitudinem efficacius regit, quàm superstitio.] Liuius de Numâ: Omnium primùm, rem, ad multitudinem imperitam, efficacissimam, deorum metum iniiciendum ratus. Et multitudinem dico, non hanc togatam tantum aut muliebrem, sed etiam illam accinctam & militarem. quæ, ut idem Curtius ait, alio-

Usurpant hoc sine omni.

Virginis Gallicanae enchyristis. fons iure dolus.

qui impotens, fixa, mutabilis, ubi vanâ religione capta est, melius vatibus quàm ducibus suis paret. Itaque usi vel abusi hac sæpè viri Principes. ut P. ille Scipio, qui Iouem in Capitolio consulebat: Q. Sertorius, qui ceruam circūducebat: C. Marius, qui Syram quamdam fatidicam, Martham: P. Sylla, qui in præliis præferre & ostentare solitus sigillum Apollinis. & exempla plura. Sed illud Caroli VII. Gallorum regis eximium: cuius res accisas valdè reparauit hoc commentum. Virguncula fuit Iohanna Lotharinga, (à deone instructa, an humanâ aliquâ fraude subornata?) quæ palàm ad Regem venit: & mirâ constantiâ asseruit diuinitus se missam, pellendâ è Galliâ Angliis. Res relata ad consilium: suasa, dissuasa. Regi admittere visum, & prudenter. Eius sanè operâ, imò & ductu (nam arma gerebat, & viris præibat) Aurelianum arcem obsidione liberatum, & pleraque alia fortiter ac feliciter gesta. Ad extremum tamen vacillauit vaticiniij fides, cum Iohanna capta ab Angliis & Rhotomagum ducta, igne exusta est ut præstigiatrix.

PAG. 25. Princeps delectat superstitionem.

At tu fuge.] Ab omnibus superstitione arcenda, à Principe maxime. quem altius scilicet erectusq; animus decet: at Superstitio & aniles persuasivuncula, ut cum poetâ dicam,

— faciunt

Depressosque premunt ad terram.

In Setto-
rio.

Et sanè vilium fere aut barbarorum est Superstitio. Plutarchus: Barbari ad
Εὐάλωτον εἰς Διουσιδαιμονίαν φύσιν τὸ βαρβαρικὸν: Inclinant naturā ad
superstitionem barbari. *Quod idem censebis de femineis imbecillisq^{ue}* Aut femi-
naturis. *na ac pueri.*

Epist.
CXXIV.

Deos à superstitioso timeri.] *Intellege, serviliter timeri. Nam duo vitij huius propria, Nimius timor, Nimius cultus. Seneca: Superstitio, error insanus est. amandos timet; quos colit, violat.*

Religentem oportet esse, religiosum nefas.] *Mens prisca* *Intellectus*
huic versui, religionem cum modo habendam, ut omnia bona: quæ *sanus in*
talia esse desinunt, si ille absit. Nam religiosum prisca dicebant in *versu us-*
vitio, & cum copiâ quâdam immodicâ, ut Mulerosum, Vinosum. *teri.*
Si autem alicui modus hîc seruandus, certè Principi: imò omnibus *Modestus*
qui in Rep. versantur. Nicephorus Gregoras haud inscitè: Τὸ δὲ *religio Prin-*
ci communis.

Hitt. 117.

qui in Rep. versantur. Nicephorus Gregoras haud inscitè: Τῶ γὰρ μόνῃ θεωσέσθοντι τὸ νοῦν τῇ καὶ θεῶν θεωρίᾳ, ὅρεσι δ' ἀπηλθούσις ἐναρξάμενοι θεωροῦντες. ὅς τις δὲ καὶ τῆς ἀρετῆς καὶ πολιτικῶν ἡσυχασα ἦτος, καὶ πεύραν ἐργασασμάτων παύσιν, εἶδος λαὸν ὀδηγεῖν ἐς τὰ βέλπιστα καὶ σωτήρια καὶ πρὸς: Nam qui in vnâ Dei contemplatione mentem defigit, huic tali montes & spelunca conueniunt. at qui vnâ cum virtute ciuiles etiam mores coniunxit, & notitiam sibi parauit rerum variarum, ille verò populum ad optima & saluberrima ducere idoneus est.

Optimus animus, pulcherissimus cultus.] *Breuiter hoc ipsum* Religio in
& acurè Lactantius : Religiosissimus est cultus, imitari. *Etiā* vita &
Hermes Aegyptius : Θεογονία τοῦ θεοῦ μία ἐστὶ, καὶ εἷναι καλόν : Vni- facta.
cus (certè precipuus) dei cultus est, non esse malum. Possē hīc
quādam appositè & verè: sed Megarensis ille Sapiens mihi incla-
mat, θεὸς τῶν ἄνθρωπων ὁδός.

Lib. v. In-
f. cap. x.

Moysen illum Aegyptium.] *Historiola, quam aspexi, am-
na & hodie utilis est. Tu, si lubet, ab auctore eam pete.*

De Fato.

ET vocem Fata sequuntur.] *Hac mente veteres Fata volue-* P A G. 16.
Erunt Ioui præsto esse cum stilo & tabulis, ad inscribenda eius Fatum, lo-
dicta. Latinus Pacatus: An ut illi maiestatis tuæ participi Deo quæ verba.
reuntur assistere Fata cum tabulis: sic tibi aliquavis diuina subseruit, Veterum
quæ quod dixeris scribat ac suggerat? Et Marcius Capella Par- insolucra.
cas, scribas Iouis appellat, quod eius decreta in æreas tabulas refe-
rant. Ovidius apexit:

In Paneg.
d Theod.

— cernes illic molimine vasto
Ex ære & solido rerum Tabularia ferro.

Metam.
xv.

Voluntas à
Fato im-
munis:

Nec ad ma-
la, nisi à se,
impellitur.

Fatum in-
evitabile.

PAG. 27.
Dotes non
subest Fato.

Nec id ta-
mē mutatur.

Consilia
nostra sibi
Fatum
aptat.

Ipsi homines, tamen in parte.] *A deo enim sunt, ait Augu-
stinus*, omnium potestates, quamvis ab illo non sint omnium vo-
luntates. *Ab uno & perpetuo illo bono, iure amovemus omnia ma-
la. Trismegistus*: Αὐτὸς δ' ἐπὶ τοῦ ποιουμένου ἐδ' ἐν κακῷ, ἐδ' αἰχρὸν νομιζό-
μενον. ταῦτα γὰρ ἐστὶ τὰ πάθη τὰ τῇ γῆρας παρεστώμενα, ὡς περ ἰδὸς τοῦ
χαλκοῦ, καὶ ῥύπος τοῦ σώματος. ἀλλ' οὐτ' ἰδὸς ἡ χαλουργὸς ἐποίησεν, οὐτε ἡ
ῥύπον ὁ ποιητὴς γεγῆσθαι, ἔτε ἡ κακία ὁ Θεός: Ab ipso conditore nihil
malum aut turpe esse existimandum est. Hæc enim sunt affectiones
quædam adhærentes & concomitantes ipsam generationem,
sicut ærugo æs, & sordes corpus. Atqui nec æruginem faber fecit,
nec sordes auctor produxit, nec malitiam Deus.

Lib. v de
Ciuit. cap.
cap. vii. i.

Cap. xiv.

Nullis consiliis vel auxiliis vitamus.] *Ammianus*: Nulla
vis humana vel virtus meruisse umquam potuit, ut quod præscriptit
fatalis ordo, non fiat.

Lib. xxiii.

Heu fatis superi certasse minores!] *Ita Iupiter ipse apud a-
lium poetam* Me quoque fata regunt.

Ovid. i. r.
Metam.
Lib. i.

Et Apollo Pythius apud Herodotum: Ἴω περὶ ἀποφύγειν καὶ θεῷ: Decretam sortem nec deo quidem est ef-
fugere. impiâ sententiâ dicā, an stultâ? Cur enim numen vincatur
à Fato? nunquam certant. Et nos ipsi cum Deum supra Fata esse dici-
mus, magis Stoicis cōtradiciamus, quàm aliquid pro re dicimus. Nam
quæ hic comparatio? proinde est, ac si ambigam Indæxne super sen-
tentiam sit, an ipsa super illum. Sed mutare, inquiunt, Fata an Deus
potest? Abi inepte: scito eum nolle. & hoc satis. Ordinem fati æ-
terna series regit, cuius hæc prima lex est, stare decreto.

Senec. i. r.
Natural.
Quæst.

Consilia corrumpit.] *Quæ aut mala scilicet immittit, aut ne-
bona fortunat.* Τῆς γὰρ θείας ἡ συμμαχίας περιποιᾷ τοῖς ἡμῶν ἀνθρώπων
βελούμασι τε καὶ παθήμασι, ποιητὸν ὡς εἰς ἀπαντὰ τὸ τέλος, καὶ σφόδρα τοῖς
ἐναντιώσασιν. ἔτε γὰρ βεληφόρος ὁ βεληφόρος, ἔτ' ἀνδρείος ὁ ἀνδρείος, ἀλ-
λὰ τὰ τε σοφὰ βελούματα παρὰ ἀσφον τελευτῶσι πέρας, καὶ τὰ γῆρας ἐν
ἀνδρικώτατα παθήμασι, ἀναιδρὸν τε καὶ μάλα αἰχρὸν τ' ἦσαν καρποῦν].
Nam vbi diuina Providentia non committat consiliis actionibus
que hominum, malus iis exitus obuenit, & cogitationibus valde
aduersus. Nam tunc neque vir consultus, consultus est; nec fortis,
fortis, sed etiam sapientissima consilia insipienter desinunt, & ge-
nerosa maximè ac fortia facta turpem & infamen exitum conse-
quuntur. *Linus breiter, de Gallorum aduentu ad Urbem*: Occæ-
cat animos Fortuna, vbi vim suam ingruentem frangi non vult.
*Sed & Demosthenes, cum Athenienses suos videt consilio nihil fa-
cere,*

Nicoph.
Greg. lib.
v. i.

Lib. v.

cere, apertè clamat, vereri se μή η δαιμόνιον τὰ πρῶτα ἐλαύνη: ne quid diuinum rebus se inserat & adhaereat: nempe hoc à fato.

Vt quod accidit, etiam meritò accidisse videatur.] *Luca- ni eadem mens:*

Lib. VII.

Hoc placet, ô superi, vobis cùm vertere cuncta
Propositum, nostris erroribus addere crimen?

Et reuerà is ordo caussarum & euentuum, vt etiam humanâ ratione non aliter cadere debuisse iudicemus. O mira sapientia! quæ res omnes ita dirigit & flectit, vt tamen ipsi illuc iussu videamur. Quid ergo? ad peccatum impellit deus? non, non, sed ad lapsum. id est, res & fortunas mutat; ab alto deicit, ab imo attollit; & hæc talia externa, sic vt nos ipsi consiliis factisq; gradum nobis struamus ad fatalitatem illum lapsum, siue ascensum. Vt qui in vinculis à lictore ducitur, plerumque sponte it, trahendus tamen nisi eat: ita hic.

Fata per

caussas

agunt.

Trahit nos
sæpe Deus
in externa
mala.Sed cū cul-
pâ tamen
nostrâ.

PAG. 28.

Tibi quis hîc fructus? Fructum vnum & præcipuum exprefsi, Patientiæ: licet alterum nunc addas, Scientiæ. Vos qui in Regno aut Republicâ, scitè: ferri & volui omnia sursum, deorsum, & nullius rei eodem semper loco stare fortunam.

Regitur fati mortale genus,
Nil sibi quisquam spondere potest
Firmum & stabile.

In Fato con-
sideranda
volubilitas
rerum.Hodie scè,
cras aliter.Tacitus
III. Ann.

Atque vt noster ait, rebus cunctis inest quidam velat orbis, vt quemadmodum temporum vices, ita & morum vertantur: imò & imperiorum. Græci floruerunt? post hos Afri, post hos Romani, post hos Scythæ: & qui scio an non breui noua aliqua gens? Nam fati maligna perpetuaq; in omnibus rebus lex est, vt ad summum perducta, rursus ad intimum; velocius quidem quàm ascenderunt, relabantur.

Regna in-
firma.Sen. parer
in Præfur.
I. Côtrou.Quid. Me-
tan.orph.

—— Sic omnia verti

Cernimus, atque alias assumere pondera gentes,
Concidere has.

Stare in fastigio Scythas siue Turcas iam video: & stare. A multis annis nulli eorum progressus: profectò (verè vaticinor) spectant casum. Hæc talia, quisquis rebus consiliisq; interet, cōsidera: & quantum humano ingenio potest, prouide quò inclinent se fata: & tu ad illa. Nam miser quid pugnes? καὶ γὰρ δὲ ἀπὸ τοῦ ἐδιδόκειτο πρῶτον ἀνθρώπος, ὃς ἄρα καὶ πρῶτος ἐβόησε, τούτοις καὶ γῆνι βλάψαι μάχῃ; καὶ αὖν, ὡς ἔρ τινι δεσπότῃ θεοῦ καὶ τῶ δυνάστεϊ φρασεῖνός ἐπὶ τῇ ἐλευθέρῃ: ex ipsis factis homo discat, quæcumq; coeperantem & cōmilitantem non habent supernam dexteram, his terram & mare & aërem aduersari, tamquam fugitium aliquem Dei & Iustitiæ violatorem efficaciter persequentia. At contrâ, quò Fatum vergit, alia etiam omnia: & velut viam illi muniunt ignari

Niceph.
Gieg. VII.Fatorum
denuergia
videnda.Illic om-
nia si dant,
tracta ce-
lulto sumo.

aut inuiti. *Casar ad Principatum venire debet? Societatem cum illo Pompeius cœeat, & calidè euehat iuxta sese. Deicere postea vult? frustra. causam dumtaxat armorum prebeat, turpiter & imperitè ex Italiâ fugiat, aleam de summâ re vno prælio iaciat festinanter. Romanos imperare fatum est? Annibal à Cannis Romam non petat: Philippus fœdus sine effectu cum illo ineat, & navis cum legatis velut casu capiatur: ceteri item reges quiescant, & alij post alios vincantur, fatali omnium ignaviâ. Quid de hodierno Europa statu cogitem, sileo. Sed Fatum quid tibi vis? quod telum subito in me iniicis? Ecce nuncius, * PLANTINVM illum meum, quo neminem ego, nemo me fidelius amavit; illum pulcherrima artis columen, & filii mei lucem; abiisse. Heu, heu, ego vino & scribo?*

* Obiit
Kal. Iulius,
anni cld.
Id. LXXX-
IX.

Tacit. xv.
Annal.

IN CAP. V.

De Conscientiâ.

PAG. 29. **P**O T E S T contingere nocenti vt lateat, latendi fides non potest.] *Imitatus est & argutè extulit minor Seneca: Scelus aliqua tutum, nulla securum tulit.*

In Hippol.

IN CAP. VI.

De Probitate.

PAG. 30. **E**S S E, quàm videri, probus malis.] *Machiaellum ergo nemo laudiat, qui simulatam nescio quam virtutem Principi induit, & scena seruientem. O dogma ad Principis perniciem pariter & subditorum!*

Pura probitas, proba.

Honestum ei vile est, cui corpus nimis carum est.] Cato Censorius in hanc sententiam: Cultus magna cura tibi, magna virtutis incuria.

Apud Am-
mian. lib.
xvi.

IN CAP. VIII.

De Vfu.

PAG. 33. **Q** V I S Q V I S in re Ciuili intellegens haberi vult, opus ei Experienciâ.] *Multa & pulchra apud Philosophum in loco vide, quem hic citauimus. Illud certum intellegere te aliquid ex lectio-
ne vel auditu in rebus Ciuilibus posse, atque etiam indicare, tangere aut tractare eas non posse, sine vfu.*

Experienciâ in Rep. opus.

IN CAP. IX.

De Memoria rerum.

PAG. 34. **P** L V R A ad Prudentiam confert.] *Si vlla quidem res ad Prudentiam publicam priuatamq; facit, facit Historia. quam Leoni futuro Principi, Basilius pater iam Princeps, egregie commendat, verbis*

Cap. LVII.

verbis quæ meritò adscribo: Ἱστορίας ἀρχαίας ἐξέρχεται μὴ κατόκνη. ἐν αὐταῖς γὰρ οὐρήσῃς ἀκόπως, ἀπερ' ἑτέρῃ συνήξαν ἐνκόπως. Ἐμὰ τοῖς ἐνείδεν τὰς τε τ' ἀσπαδίων ἀρετὰς, καὶ τὰς τ' φαύλων κακίας, τὰς τε τ' βίαι πολυβόπας μεταβολὰς, Ἐτ' ἐν αὐταῖς παραμάτων τὰς ἐναλλαγὰς, καὶ τ' κόσμου τὸ ἄστατον, καὶ τὸ τ' ἀρχῆς ὑμετάπικτον, καὶ ἀπλῶς εἰπεῖν, τῷ μὲν φαύλων τὰς ἀμοιβὰς, τῷ δὲ ἀσπαδίων παραξέξων τὰς αἰπδοσύς, ὥν τὰς μὲν φιλίας, ἵνα τὸ ἐμείδεν δ' ἡμῶς πείραν μὴ λάβῃς, τὰς δὲ κατωρθώσῃς, ἵνα τῷ ἐν τεύδεν ἐσπαδίων καὶ ἄξιωθῇς: Per Historias veteres ire ne recusa. Ibi enim reperies sine labore, quæ alij cum labore collegerunt, atque illinc hauries & bonorum virtutes, & improborum vitia: vitæ humanæ varias mutationes, & rerum in eâ conuersiones: mundi huius instabilitatem, & Imperiorum præcipientes casus. Et, vt verbo complectar, malorum facinorum pœnas, & bonorum præmia. quorum illa fugies, ne in diuinæ Iustitiæ manus incidas; hæc amplectêris, vt præmiis quæ ea comitantur, potiaris. Hæc Græcus ille Imperator, in libello quem Κεφάλαια ᾠδωνενικὰ inscripsit: probo, pio, & Basilijs Monistoria.

Eadem ad Ciuilem hanc partem vtilissima.] Non tamen Pag. 34.
omnis Historia, ne erres. Vt aurum non quævis terra gignit: sic nec hæc promiscua, Prudentiam Ciuilem. Quæ illa igitur? ea, quæ tres Quæ Historia Politica vtilis?
has Notas habet: Veritatem, Explanationem, Iudicium. id est, quæ legitima Historia est, & perfecta. Nec enim talem ego umquā censuero, cui trium horum aliquod deest. Prima, Nota, VERITAS est. Ea qua Veritas
ut nempe res euentusq; omnes puriter & ex fide narret, nec quid- Ea qua Veritas sit?
quam (quò nimis ferè inclinant scribentium animi) haustū ex vano velit. Olim & nūc rara virtus: & à quâ non affectu solū aut aspectu pterique abeunt, sed specie etiam virtutis. Nam fidem in Principem aut statum censent, narrare aliquid non ex fide. At qui hæc fundamentum operis est: καὶ ἡ ἀλήθεια (ait in hac ipsâ re Dionysius) ἀρχὴ Θεωρήσεώς τε καὶ σοφίας: & Veritas, principium prudentiæ simul & Sapientiæ. Vt antmanti oculos si eruas, reliquum corpus inutile reddas: sic Historiam, si ab eâ hoc lumen. In falsâ & errante, quomodo non fallare semper & erres? talis firmiter numquam te diriget, aut tuas actiones. Nota altera EXPLANATIO est. vt rem scilicet non fideliter tantum narret, sed disponat etiam atque exponat. Quæ plana sit?
Quomodo, & quare, quidq; gestum sit, addat: vt non modò casus euentusq; rerum, sed ratio etiam causarūque noscantur. Magna hac laus, & Polybio indice, ita necessaria, vt vsum non habeat quæcumque eâ caret. Ἱστορίας γὰρ, inquit, εἰὼν ἀφέλη τις καὶ διὰ τί, Ἐπὼς, Ἐτί- νος χάριν ἐπιδείξῃ, Ἐτὸ παραχρὲν πότρεα ὡλοζον ἔχει τὸ τέλος, τὸ καὶ λειπτόδρον αὐτῷ, ἀλὼνισμα μὲν, μάθημα δὲ ἐ γίγνεται. Ab Historiâ si quis auferat, Quare, Quomodo, Quo fine quidque sit actum, & an
ex

Eiusus
III.Præfat.
Archæol.Tacit.
I. Histor.

Lib. III.

*Que mixta
iudiciis.*

ex ratione satis ceciderit; quidquid in eâ reliqui, id ludicrum magis erit, quàm doctrina. *At Nota tertia, IUDICIVM. ut discrimen lumenq; rebus adhibeat: & hæc probet, (sed breuiter, & quasi aliud agens,) hæc damnet.* quod præcipuum munus Annalium reor, ne virtutes sileantur; utq; prauis dictis factisque ex posteritate & infamia metus sit. *O pulchra ista pars! & quæ actiones vitamq; omnem format & dirigit, si à iudicio tamen profecta directo.* Nam prauus aliquis aut imperitus, frustra illuc se dabit: & cum suo tamen irrisu magis, quàm nostrâ noxâ. quia vanitas statim apparet. *Hæ sunt tres illæ Notæ; quas in quacumque Historiâ repperies, Veteri siue Nouâ, scito purum probumq; esse illic aurum. Scrutare.*

*Iudicium
Historico-
rum, qui
nobis probi.*

Sed visne etiam ad specimen distindere scriptores aliquot tales tibi ingeram? faciam: etsi in hoc iudicio, iudicium meum ipse in iudicium mitto. Distinguem per Tempora & Gentes. Inter Græcos veteres duo sunt mirifice mihi probi,

*De Thucy-
dide senten-
tia nostra.*

THUCYDIDES: qui res nec multas nec magnas nimis scripsit, sed palmam fortasse præripit omnibus qui multas & magnas. Elocutione totâ grauis & breuis, densus sententiis, sanus iudiciis: occulte ubique instruens, actiones vitamq; dirigens, orationibus & excursibus penè diuinus. Quem quò sæpius legas, plus auferas: & numquam tamen dimittat te sine siti. *Alter ab isto est*

De Polybio.

POLYBIUS, qui multa & præclara libris XL. composuit: sed pars pleraque, aut tota periit, aut mutilata ad nos uenit, cum fraude generis humani. Ille iudicio & prudentiâ Thucydidi haud dispar, curâ & stilo solutior. qui excedit, abrumpit, diffundit, & sæpè non tam narrat, quàm ex professo docet. Sed recta & salutaria ubique eius monita: & quem ego hoc magis Principibus commendatum velim, quòd anxîa in eum inquisitione non opus, sed sensus suos aperit & reuelat ipse. Nam Thucydides sæpè artior & obscurior: eoq; qui circa Principem magis, quàm Principi aptus.

*De Plutar-
cho.*

Inter Græcos medios PLUTARCHVS est. qui non Historiam propriè, sed particulas Historiæ scripsit & ablègit, Illustrum viro- rum vitas. Sed dignus tamen, si quis alius, Principe scriptor. qui iudicium mirifice format, & diffusâ ac planâ quâdam scribendi viâ ad Virtutem ubique & Prudentiam ducit. sed ad illam magis: & nisi fallor, melior omnino quàm acutior doctor.

*De Xeno-
phonte.*

XENOPHONTEM prætereo? absit. Sed laudatissimus ille Cyrus eius non habet hîc locum, quem magis ad exemplû vitæ, quàm ad fidem rerum scripsit. In reliquâ Historiâ (Græcanicâ inquam, aut Persicâ) sanè suauis ille, & fidus, certè circûspectus scriptor: è quo tamen haurias magis Prudentiam hanc Ciuilem, quàm ut vltro eam propinet.

Senten-

Sententias quidem & dogmata raro miscet. Sed iunxit nos hic egregie viâ aliâ. cum Thucydidem adhuc latentem, & in suâ manu ut opprimeret (ô candidam, & ab omni emulatione vacuum mentem!) primus ipse protulit & diuulgauit.

*Iam inter infimos quoque Græcos duo sunt, quos non contemno. Prior est NICETAS CHONIATES, qui res Græcanici imperij De Nicetâ. scripsit, orsus à * Iohanne Commeno Alexij F. ad urbem captam, * Ab anno sue ad Balduinum Flandrum. Is parum adhuc vulgo notus, fateor: Christiano sed dignissimus notitiâ: purû rectumq; ingenium, si aliud illo ævo. ∞. CXVIII. Stilius etiam operosus, poëtas & Homerum sæpe respiciens: at res & usque ad narratio ipsa, distincta, composita, sine vanitate, sine ineptiis, bre- annum cix- citer ∞. CCX. uis quod satis sit, & fida. Crebra apud eum & opportuna monita: iudicia non libera solum, sed sana. Ad summam, legite vos Politici, gratiam mihi aliquis pro indicio habebit. certè debet.*

Alter est, NICEPHORVS GREGORAS, qui historiam & filum De Grego- narrationis eius exceperit, at non laudem. Scripsit enim ab urbe ca- râ. ptâ res, ad Andronici Palæologi posterioris mortē: sed nequaquam pari castigatione aut industriâ, & vitia plura traxit sui æui. Superfluit, aut euagatur: & res orationesq; proprias miscet, indecorè, imò ineptè. Iudicia tamen eius crebra, & plerumque recta: causse euentu curiose pestæ: pietas inculcata, & multa opportunè ad primam illam causam relegata, id est Deum. Sanè Providentiam & fatum non alius scriptor asseruit magis. Legendus cùm hoc nomine, tum etiâ illo, quod plerq; eius Historia ab ævo nostro non disjdet: imò lites dissensusq; in sacris reperies, haud dissimiles hodiernis.

LATINI sequuntur. quorum agmen CORNELIVS TACITVS De Tacito. mihi ducat. Ante Liuium? inquires. Non eloquentiâ, aut aliis virtutibus: sed iis quas nunc consideramus, Prudentiâ, & Iudicij notis. Quis illo veriùs narrat, aut breuiùs? quis narrando magis docet? In moribus quid est, quod non tangat? in affectibus, quod non reuelet? Mirabilis omnino scriptor, & qui seriò hoc ipsum agit, quod non agit. Nec enim Historia solum est, sed velut hortus & seminarium præceptorum. Ut ij qui vestes acu pingunt, ingeniosè gemmas inserunt, sine confusione aut noxâ formarum: sic iste passim Sententias, serie narrationis nihil omisâ aut lesâ. Scaber tamen quibusdam & obscurus videtur. suone vitio, an ipsorum? Nam acutè argutèque scripsisse fateor: & tales esse debere, qui eum legent. Idèò Consiliariis magis Principum, quàm ipsis commendo: qui habeant hunc Sapientia simul & Prudentia verum ducem.

Alter esto C. SALLVSTIVS; omnino primus, si libros modò eius De Sallu- haberemus. Sed Historiarum corpus illud totû perijt: & ex his pau- Bio. culis,

culis, admirari eum magis libet, quàm anxie iudicare. illud video, Thucydidi simillimū esse: & ideo quæ de illo dixi, dixisse hinc me puta.

De T. Livio.

Tertius est T. LIVIUS, magnitudine quidem & maiestate operis ante omnes. Diffusus ille & placidus, in concionibus maxime disertus, & talis omnino qualem Fabius descripsit. Pataunitas ei obiecta ab Asinio: id est, nisi fallor, sermonis quædam peregrinitas, nec tam in verbis quàm stilo toto. Nos quoque supinum eum alibi, aut frigidum, imo & ταυτολογον agnoscimus: deriuaturi libenter tamen in exscriptores hanc culpam. Iudiciis sententiisq; bonus est, etsi non frequens. quid refert? pro ipso loquitur docetq; copiat tot euentuum & exemplorum.

De Q. Curtio.

Sequuntur scriptores duo, velut proprij Principum, & asidue iis in manu sinuq; habendi. Q. CURTIUS: qui me iudice probus est legitimusq; Historicus, si quisquam fuit. Mira in sermone eius facilitas, in narrationibus lepos, astrictus idem, & profluens, subtilis, & clarus, sine curâ ullâ accuratus. Verus in iudiciis, argutus in sententiis, in orationibus suprâ quàm dixerim facundus. Quod si varium magis argumentum habuisset, fallor, aut varia Prudentia eximum magis specimen præbuisset. Sed Alexander, quid nisi bella?

De C. Cæsare.

C. CÆSAR res suas ipse digessit: compositè sanè, & pari modestiâ ac libertate. In stilo sunt quæ culpam, sine eius tamen culpâ. nam malam aliquam & alienam manum accessisse, satis mihi liquet. Prudentiam non è verbis eius hauries, sed è factis: & maxime Militarem. Commentarij enim sunt, & nihil pollicentur præter nudam simplicemq; narrationem.

Inter mediæ ætatis scriptores (proh dedecus!) non est quem pro mediocri Historico laudem. Adeo labente imperio barbaries statim & squallor omnia occuparunt: & siqui scripserunt, ij ferè ad vana delapsi, falso vera, aut maiora vero, miscuerunt. AMMIANVS tamen MARCELLINVS fidei & iudicij satis clarus est, modo stili.

De Ammiano.

Tac. ii. Hist.

De Lamb. Schafnaburgense.

LAMBERTVM etiam SCHAFNABVRGENSEM haud planè contemno in rebus Germanicis.

De Roder. Toletan.

Vti nec RODERICVM TOLETANVM, in Hispanicis. Vterque bonus, quantum potuit in tali ævo.

De Cominæ.

At patrum & nostro ævo videtur Historia se commouisse. Scripsit eam ante annos paullo minùs centum PHILIPPVS COMINÆVS, ita laudabiliter, ut nihil verear componere eum cum quouis antiquorum. Incredibile est quàm ille omnia videat, penetret, arcana consiliorum eruat, & subinde instruat nos salutaribus rarisq; præceptis. & id diffusè, Polybiano quodam exemplo. Quamquam reuera

nerà Polybium aut talem aliquem ille nec vidit: & hoc quoque laudem eius auget, quod tanta prastitit, litterarum omnium rudis, solo usu rerum peritus, & naturali quâdam iudicij bonitate. Itē nunc scioli, & linguarum aliquâ cognitiunculâ vobis placere. At Princeps noster hunc legito, & Enchiridium COMINÆVS illi esto. Dignus Alexandris omnibus hic Philippus.

PAVLLVM ÆMILIVM comitem huic do, qui in Galliis, & res quoque Gallicas scripsit, etsi non Gallus. Ludovicus XII. decus hoc Italiæ abstulit, & vindicavit sibi. Ille, ut rem dicam, penē vnus inter novos, veram & veterem Historiæ viam vidit, eamq. firmo pede calcauit. Genus scribendi eius doctum, nervosum, pressum, ad subtilitatem & argutias inclinans, & relinquens defigensque aliquid in animo serij lectoris. Sententias & dicta sæpè miscet, paria antiquis. Rerum ipsarum sedulus scrutator, seuernus iudex: nec legi nostro ævo, qui magis liber ab affectu. Dedecus aui est, quod minùs ille placeat, quasi pauci sint qui capiant hæc bona. In tantis tamen virtutibus etiam hæc labecule. quod stilum parum nectit, & spargit diuiditq. eum in minuta quedam membra. Hoc cum in omni seriosa oratione parum congruum, tum in Annalibus minimè: quorum est, ut ille ait, tarda quedam & ciners scriptura. Deinde, quod inæqualis. Tacit. de causis corrup. Eloq. alibi nimium anxius & castigatus, ideòq. subobscurus; alibi (sed rarerēter) laxus & solutus. Vetustatis etiam nescio quid affectat in nominibus hominum, locorum, urbium immutandis, & in veterem formam redigendis: sæpè eruditè, interdum vanè, sed, ut ego iudico, semper indecorè. Quorsum Chartierius Gallorum Cancellarius, Quadrigarius mihi sit? Ille ipse Cancellarius, dicitur Prefectus iuris? & ubique rex Tarraconensis, Castulonensis, Dux Geldubensis: qui nobis & maioribus fuerunt, Arragoniæ, Castellæ, Geldriæ? Talia infinita sunt audacter & ambitiosè innouata, & cum fraude pariter ac cruce lectoris. In his, & paucis aliis, si resingere leuiter eum nobis fas: (audeo dicere) virum daremus supra omnem hanc nouitiam, & ad priscam laudem.

Sunt & aui nostri Historici duo, quos tangam. FRANCISCVS GVICCIARDINVS, prudens peritusque scriptor, & qui tales lectores suos facit. liber est & verax; ab affectibus immunis; si tamen ab odio, quod retegere mihi non semel videtur in Ducem Vrbinatē. Sententias bonas utilesq. inserit, sed parum astrictas. Viria duo propria huius aui non effugit, Quod & iusto longior est, & Quod munitissima quæque narret. parum ex lege aut dignitate Historiæ: quæ, ut Ammianus ait, discurrere per negotiorum celsitudines assueta, non humilium minutias indagare caussarum. Sed nec orationes eius satis vegeta mihi, aut castigata. languent

De Paulo
Æmilio.De Franc.
Guicciar-
dino.

sapè, aut solutè vagantur. Denique uno verbo, inter nostros, summus est Historicus: inter veteres, mediocris.

De P. Iouis.

PAVLVS IOVIVS multorum iudicia magis acerba, quàm libera experitur. Acriter valdè in virum eunt. Ego de eo sic censeo. Stilo bonũ grauemq; esse, & planè ad historiam: iudicio ac fide ambiguũ. Vbi affectus non distrahunt, rectum; ubi illi adsunt, obnoxium. Ad gratiam scilicet se dat & anram. Laudationũ nec causam sapè habet, nec modum. Genti suæ, Vastio, Medicis, nimis ex professo additus. his quidè ita, vt Laurentium Medicem parricidij reum velut apud indices agat. Orationibus quoque aut frigidus interdũ aut ineptus. Laudandus tamen legendusq; ob multiplicè & variam rerũ seriem, quas redegit compositè & dilucidè in vnũ Historiæ corpus. Imò nec in Persicis aut Turcicis tam vanus, quàm videri voluit: & fidè ei in plerisq; adstruunt Turcici Annales, qui nuper* prodierũt.

* Hoc an-
ne, edente
Io Leun-
clavio.
De Petro
Bembo.

DE PETRO BEMBO aliquid addam: illustri dignitate & famâ vir fuit: quam tamen Historiâ suâ Venetâ apud me non auxit. Iacet in narrationibus, vel friget: in verbis affectatiunculas habet materie autem viro serio parum dignas. Nulla vox nisi ex Tulliano aut Iuliano penu: & quæ sic dici non possunt (quippe noua, vel iis ignota) miro verborum ambitu comprehendit. Ipsa etiam tota scriptio & formula sic composita, quasi hæc omnia in omnia gesta, & republicâ illâ stante. Sunt in quibus rideam; sunt in quibus indignor. & cum tam curiosè à verbis sibi cauerit, reperio alibi, quæ, non dicam Tulliana non sint, sed vix Latina.

Hæc iudicia nostra super precipuis Historicis sunt. Nec enim omnes sanè aduoco. quid opus? Bonis ad vsum & exemplum hæc satis sunt, improbis ad calumniam plus satis.

IN CAP. X.

De Doctrinâ.

PAG. 35.

Doctrina
mentem
illustrat.

AD Prudentiam facit validè.] Omnis omnino Doctrina ad Prudentiam facit, & animi interior ille cultus. Tacitè enim acuit, & iudicij vim format. Aristoteles dicere solitus: Ἡ μὲν ὁρασις Apud Dio-
gen. Laërt.
ἐπὶ τῷ ἀεὶ ἔχοντος αἰεὶ λαμβάνει τὸ φῶς, ἡ δὲ ψυχὴ ἐπὶ τῷ μετακινουμένῳ : In Aristot.

Aspectus à circumfuso aëre lumen accipit, mens à doctrinâ.

Eadem a-
nimus do-
minat:

Modestiam
inserit.

Quia animum ad accipiendam illam præparant. ! Nam animus noster per se ferox, mollescit per doctrinam & se frangit, discitq; affectus & omnes motus magis habere in Potestate. Plutarchus pulchrè: Οὐδὲν γὰρ ἄλλο Μουσῶν δυνάμειας δουλεύειν ἀνθρώποις In C. Mar-
cio Carol.
τοῦτον, ὅσον ὁ ξημερώσω τὴ φύσιν, ὑπὸ λόβῳ καὶ παιδείᾳ, τῷ λόβῳ δεξαμέ-
νῳ τὸ μέγιστον, & τὸ ἄλαν δυνάμειας : Nihil maius ex Musarum pla-
cido

cido commercio homines capiunt, quàm quòd naturam mitigent, & mansue eam faciant Ratione & Doctrinâ, amplectentem ex iis Modestiam, & quod Nimis est fugientem. Itaq; idem ille scriptor Marcio Coriolano & C. Mario hoc defuisse ostendit, summis aliocui viris: qui, inquit, si Musis Gratiisq; litassent, non impetu ablati tam fadum & turpem rebus suis exitum dedissent. Considera.

Haurienda, sed ad vsum. Absit enim ut Princeps hîc desideat, aut in meditatiunculis consenscat. Ut qui ignem à vicino petit, non illic hæret, sed ablato eo domi focum suum accendit: sic capiendi à Doctrinâ igniculi illi Prudentiæ, & ad vsum actionemq; Civilem transferendi sunt.

Qui fructuosa, non qui multa scit, sapit. Egrege in hac re Aristippus. *σεμνωδύς τις ἐστὶ πολυμαθὴς, ἔφη, ὃς ἀπερὶχ οἱ τὰ πλεῖστα ἐπίστανται, & γυμναζόμενοι ὑμῖν ἐσσι μᾶλλον ἢ τὰ δέοντα ποσφειρομένων, ὅπως ἔχ οἱ πολλὰ, ἀλλ' οἱ χρησιμὰ ἀναγνώσκοντες, εἰσι σπουδαῖοι* quopiam se iactante ob multi-scientiam, dixit, Ut non ij qui plurimum comedunt & exercentur, melius valent iis qui modicè: ita non qui plurima, sed qui vtilissima legerint, docti censendi & studiosi. Ergo modus tenendus, præsertim Principi. nec immeritò Iulianus Desertor (aliàs magnus & multiplici virtute Imperator) male audiuit, tamquam Græculus litterio, & Philosophis nimium deditus. Sed nec Hadrianus extra culpam affectata supra modum doctrine. Peccauit pariter Michaël Duce filius, Byzantij Imperator, qui, ducente Michaële Psello, ita totum litteris se dedit, ut gubernatio rerum penes alios esset, & turpiter imperium dehonestaretur. Ego sanè Traianum ali quem malim, doctum leuiter, sed vigilantem, serius, quàm principem otiosum & in litteris deliciantem.

Tenuitque, quod est difficillimū, ex Sapientiâ modum. Pulchra gnome & admonitio. Sed quis igitur ille Principi aptus modus? Ego hunc censeo, ut neque nihil, neque omnia discat. Nam Lucianum Vndecimum valde damno, qui filium Carolum omnium bonarum artium rudem voluit, Ne esset, ut aiebat, in consiliis capiendi refractor, & tenacior sui sensus. Et mehercule hoc est affectus. Nam illum iam regem duo tresve homunculi, & ij ex vilissimis, huc illuc pro suo arbitrio circumegerunt, cum magnâ subditorum indignatione & damno. Gothorum causa, panè dicam iustior. qui, cum Amalassuintha egregia famina filium suum Atalaricum liberaliter institui doceriq; curaret, catu factò ad eam venerunt, querentes regem suum, nec rectè nec decenter institui. Nam ista omnia litteraria longè à robore & armis abesse, imò effeminari iis animum & ad timorē traduci. Quare hæc omitteret, & magistros exue-

In C. Ma-
rio.

Laërt. in
Aristip.

Ammian.
xvii.

Ioh. Zon-
ar. in An-
nal. to. iiii.

Procop. de
Bell Goth
Lib. i.

Tacit. xiv.
Annal.

Ad retrans-
ferenda
Doctrina.

PAG. 36.
Redundans
sententia,
inutilis.

Iulianus
hic nimius:
Et Hadria-
nus:
Et Michael.

Modus in
Scientiâ.

Non tota
ea spernen-
da.

Assumen-
da saltem
utilis.

* In Libris
De Insti-
tutione.
Artes Prin-
cipe digna.
Trium ge-
nerum:

Eloquen-
tia, & cu-
iusmodi:

Linguarū
scientia:

Et inter eas
Latina.

Eius utili-
tas.

Politica &
Historia.

Qui legēti
in volutis.

ret, satis amplis doctoribus instructus, maioribus suis. *Parere Amalassuinthæ debuit, cum rogantium post-damno. Hæc mala & barbara sunt: atque omnino seriâ institutione formâdi imprimis illi, qui ita nati sunt, ut bona malaque eorum ad rempub. pertineant. Quælis ea esse debeat, * alibi fortasse fusiùs, hic & in compendio dicam.* In *Linio* legi, de *Servio*, postea rege. Eruditum artibus, quibus ingenia ad magnæ fortunæ cultum excitantur. *Tales, neque alias, in Principe ego quæram. Credo triplices eas esse: ad Splendorem, ad Prudentiam, ad Virtutem. Primi generis Eloquentia est & Linguarum scientia. Opus sanè iis, vel in legationibus audiendis, vel in consiliis, vel in publicis alloquiis. Infantem esse Principem, turpe, & detrahit auctoritati. Sed quæ eloquentia eum decet? Tacitus de Augusto præit: Erat ei prompta ac profluens, & quæ Principem deceret, eloquentia. Profectò talis aliqua conveniat, non morosa illa aut affectata, & quæ artem aut studium præferat. Quid tamen Tiberiana illa? de quo idem scriptor, Artem calluisse quæ verba expenderet, validum sensibus, aut consultò ambiguum. Mihi non displiceat. imò in Principe maturo iam cui & regni, hanc ante illam probem. Profluentia & facilitas sermonis sit adolescentiæ, statæ atatis hæc librata & examinata oratio. Sed & si interdum ambigua aut innoluta, haud damnem. quia sic opus inter exploratores aut callidos, qui sæpè legationis aut aliâ specie accedunt. De Linguis censeo, non nisi eas discendas, quarum apud subditos aut vicinos crebrior usus. *Mithridates* hic se iactaverit, qui omnes suarum ditionum: superfluum est, & pompe magis, quàm usus. Romanos illos proceres, vix lego alias calluisse à Latinâ & Græcâ: & sufficiebāt, quia sparse & communes ferè per terrarum orbem. Noster Latinam inter omnes discat, eatenus ut leniter (si opus) in sermone uti possit, sed maxime ad legendum. Quæ disciplina melior, non comprehensa hoc sermone? nec versiones vim illam aut indolem semper habent. Addiscenda est; & facile potest, si Præceptor adsit iudicio probus, qui non circūducatur per varia & superuacua præcepta. Pauca hæc, & lectio, in breui eam dabunt. Addiscenda autem eò magis, quia etiam nunc quasi commune vinculum est, quod Europam inter se commerciis litterarum & sermonis iungit. Scio viros Principes in grandiori iam ætate, cum usum viderent, assumpsisse, prætam aut neglectam male in inuentute. Sed pergo. Ad Prudentiam palam faciunt Politica, & Historia, quas dixeris eorum fontem. Quod illa præceptis cõplexa sunt, hæc præiuvunt exemplis: & prudens aliqua meliorque mens hauriet semper ex istis. Hæc propria & peculiaris lectio ac palestra Principum: se atque otium hic exerceant, incredibili suo & alieno fructu. Sed in quibus auctoribus aut libris? de Historicis iam diximus: de Politicis, nemo mihi ante Aristotelem: cui Platonis leges & Rem.*

Tacitus
IV. Ann.

Lib. I.

XIII. An-
nal.

Ibid.

Rempubicam, & Xenophonis Cyrum velim addi. In hac classe pono Militaria, cuiusmodi vetera & noua noster legat. Inter veteres, Leo Imperator bonus est, in libello huic rei scripto; inter novos sunt multi & erunt, iudicio tamen eligendi. Ad hanc partem etiam addo, Physica, Geographica, Astronomica, Geometrica. Omnia hæc ad Prudentiam necessum est, non dicam plene scire, sed tamen libere. Physica primum, quia mentem attollunt (quod idem in Astrologiis) & abducunt à vano metu aut admiratione rerum. Plutar-^{Physicæ non} chus sapienter considerat, & notat in Pericle, quem ait præceptor-^{bernenda.}em habuisse Anaxagoram, à quo imbutus scientiâ rerum sublimium & cælestium, non solum alto fuit animo, sed & oratione erectâ, longè à plebeiâ & futili loquentiâ. Nec verò, inquit, hunc solum fructum Pericli dedit Anaxagoræ consuetudo, sed etiam omni cum superstitione liberauit, quæ terrorem ex rebus æreis aut æthereis imprimit ignorantibus earum causas. quem eximit natura-^{Meteorolo-}lis disciplina, & pro terrificâ & vrente superstitione tranquillam^{gica utilis.} inferit cum bonâ spe religionem. At Geographica quidni noue-^{Geographi-}rit, ut vnâ prouincias & membra sui regni? Prorsus ad consilia fa-^{ca.}cit (delectationem omitto, quæ maxima & liberalis est) ad consilia, inquam, facit situs terrarum, & magnitudines, atque intervalla nosse, tum etiam portus atque aditus, flumina, maria, montes, denique præcipua opida & munitiones; & siquid aliud eximium Deus in machinâ istâ inferiore ostendit. Astronomica addidi, ut tempo-^{Astrologi-}ra anni, imò & tempestates, nouerit aut præfagiat: dies noctesque^{ca.} alibi diuersas; communiter cursus siderum, & alia iucunda, sed & vsui ad opportunitates aggressionum terrâ aut mari. Polybius hæc diffundit, & Principi aut Duci bono commendat, in libro suo IX. Idem & Geometrica, ac reuerà ad castra locanda, opida munienda, Geometri-^{ca.}propugnacula struenda, tormenta dirigenda, utile hanc esse partem nemo negauerit, & Principi hætenus tangendam ut possit indicare. Nam multum opera studij, in istis postremis ponendum, haud^{Modicæ hæc} dicam: nec probo vel Afrorum reges quosdam, vel Castelle Alphon-^{habenda.}sum Decimum, qui toti in Mathematicis aut Astrologicis, calum potius coluere quàm terram. Atqui haud magnos etiam reges eos fuisse, res & facta clamant. Caueat Princeps ne subtilia hæc & inducentia nimis cum capiant: non item minuta alia. quod Neroni obiectum à graui censore Tacito est: Nero puerilibus statim annis viuudum animum in alia detorsit. cælare, & pingere, cantus, aut regimen equorum exercere. Hæc indigna magno Principe: cui sedere illud summi Poëte debeat,

Tu regere imperio populos Romane memento:

& ad hunc finem atq. artem, alia artium dirigere ac referre. Archi-^{Archite-}tectonica tamen non abiicio. utile & decorum aliquatenus ea scire:^{ctonica ad-}hibenda.
atque

xiii. An.
nol.

Virgil. vi.
Æneid.

atque utinam utantur nostri, non ad Palatia aut Arces solum, sed ad opida tota struenda, quod veteres factitarunt. At verò tertij generis artes, ad Virtutem. Principem probum moribus, ingenio modestum, constantem aduersum metus, æqui amantem esse, publicè expedit: & hæc talia per doctrinam etiam inseruntur. Ethica facient, & quam verè ac propriè Philosophiam licet dicas. Agrippinam non audiemus Neronis matrem, quæ filium, ait Suetonius, à Philosophiâ arcuit, monens imperaturo contrariam esse. O faminam alia quoque improbam! quid ais? imperaturo contrariam? ita, qui ex libidine imperium volet gerere, diuina & humana iura spernere: quod tuus ille eximie fecit. At qui benè iuste, feliciter imperare, instrumentum & adiumentum ei Philosophia est, sed habita etiam cum modo. Aptissimus in hac parte Plutarchus erit, cuius omnis scriptio cum prudentiâ & virtutem inserit, cui Seneca libellos aliquot addere, valde sit è meo voto. Iesum Syrachidem etiam commendo, de quo verissimè Basilius Imperator ad filium: è libris eius ciuiles & regias virtutes colligi atque hauriri. Libros autem sacros tractari interim & volui, etiam cum non dico, dico. Quis enim nescit caput in virtutibus Pietatem esse? petatur è suo fonte, & in omni parte doctrinæ misceatur. Hæc præcipua in Institutione sunt: à quâ molliores illas artes Musicen & Poësin sperno: aut certè nõ exigo. The-
 mistoclis dictum Principi conueniet: qui cum rideretur ab iis, qui scitiores & gnari magis talium artium viderentur, At ego, inquit, lyram aut plalterium tractare nescio, urbem quam paruam acceperim, claram & magnam reddere, id scio. Nec dissensit ab hoc indicio Philippus Macedo. cuius Alexander cum scitè aliquando & suauiter cecinisset: Non te pudet, inquit, tam benè canere? Et addit Plutarchus: Satis enim est, si vel audire vacet regi canentes alios, & Musis abundè honorem habet, si in huiusmodi artibus exercentes se spectet. Hoc si Græci, multo magis Romani. & scribit Cornelius Nepos: Scimus Musicen nostris moribus abesse à personâ Principis, saltare etiam in vitiis poni. Atque hæc si arceo, quid de fabellis ad corruptelam factis? In quo numero Amadeus est, ingeniosi nugatoris proles, pestilens liber, si umquam fuit, & natus blandè inficere aut & interficere iuuentutem. Fugite Princeps & Aulici, qui vera & seria amatis. In clausulâ moneo, plurimum hæc profutura, sed & interdum non profutura. ac verè de Commodò Imperatore Lampridius: Sed tot disciplinarum magistri nihil ei profuerunt. Tantum valet aut ingenij vis, aut eorū qui in aulâ institutores habentur. Nota. cauendum ab aulicis corruptoribus in ipsâ Aulâ, & nil nisi serium ac probum ad iuniores Principes admittendum.

Cap. l.ii.

Cap. vii.

In Pericle.

IUSTI LIPSII

AD II. LIB.

POLITICORVM

NOTÆ.

IN CAP. II.

De præstantiâ Principatus.



EGNUM res inter deos hominesque pul- PAG. 39.
cherriima.] *Dictum simillimum in Isocratis Regni præ-*
Euagorâ: Πάντες αὐτὸν ὁμολογήσασιν τυραννίδα, & τὴν stantia.
δείων ἀγαθῶν καὶ τῶν ἀνθρώπων, μέγιστον καὶ σεμνό-
τατον καὶ ἀειμαχιστότατον εἶναι: Omnes fatean-
tur, Regnum, inter diuina humanaque bona,
maximum, augustissimum, & summo studio
appetendum esse. Atque ego si me effundere in asserendo laudan-
doq, Principatu velim, benigna materia est, & ingenium seruiat:
sed malo te hæc ab aliis petere, qui in Politicis scribendis habent has
Dissertatiunculas velut pro præcipuo scopo. Mihi alia mens est. & Nos stri-
tamen quidquid ad rem dici potest, semina eius in Textu nostro ia- ctum multa
cta ferè habes. Quod scito me (semel moneo) alibi seruasse. diximus.

IN CAP. III.

De Fæminarum imperio.

PRO iisdem consensu aliquot gentes.] *Pleræque gentes in* PAG. 40.
Christiano orbe, excipio Gallie regnum. Sed & veteres Asiatici Fæminas
ita vsurparunt. Arrianus: Νενομισμύχων ἐν τῇ Ἀσίᾳ, ἐπὶ δὲ τοῦ Σεμερά- imperare
μιως, καὶ γυναῖκας ἀρχὴν ἀνδρῶν: Receptum solitumq; in Asiâ, iam- ms.
inde à Semiramî, etiam fæminas imperium in viros exercere.

IN CAP. IV.

De Electione & Successione.

MINORE discrimine sumi Principem, quàm quæri.] PAG. 41.
Asidet Cornelianæ huic sententiæ illud Irenes Imperatri- Ad manū
cis in re simili: Ὡς δὲ βασιλεῖα μὴ ἐν δόξῃ ταῖς ἡμετέροις, παρὸντα δὲ καὶ Principis
μετακινεῖν: Quodd nec absentem Principem quarere oporteat, nec expediendus.
præsentem demouere.

IN CAP. V.

De Initiis & Mutatione in deterius.

PAG. 42.

Ante impe-
rium multi
boni, non in
ipso.

SIVE etiam Regni ipsius natura hoc fert.] *Potui addere causam tertiam, Falsam de regnatura opinionem. Nam quod Galba olim cūcinit, qui omnium iudicio dignus imperio, nisi imperasset: id multis aliis, qui in bonā spe, adepti denique imperium ostendunt eo se minores. Nec temerē à Pittaco dictum: Ἀρχὴ ἀνδρῶν δευτέρων: Imperium virum ostendit.*

Tacit. l. i.
Hist.

Regnum
depravat.

Diuturnitate in superbiam mutant.] *Acgrè scilicet tam magna felicitas fertur, atque ita ipse Tiberius post tantam rerum experientiam, vi dominationis conuulsus est, ait meus scriptor.*

Tacitus
vi. Ann.

Imperium iis artibus facillimè retinetur.] *Clarè & pulchrè pro hac sententiā Polybius, cū querit cur Hispania tam citò à Carthaginensibus amissa? Nam, inquit, aliter censebant queri imperia debere, aliter feruari: nec imbibebant, eos optimè retinere dominia, qui in iisdem institutis perseverāt, quibus ea initio sunt adepti. At verò illud clarum testatumque exemplis est, quòd homines felicitatem assequantur benignitate in alios, & bonā de se opinione. iisdem, cū adepti quæ voluerant, ad iniurias & impotentiam in imperiis delabuntur; fit meritissimò, vt vnā cum imperantium mutatione, ipsi subditi se & affectus mutant.*

Lib. x.

IN CAP. VI.

De fine Principis.

PAG. 43.

Externa
bona à Prin-
cipe postu-
lantur.
Nisi iusto-
ritia.

VT ea opibus firma, copiis locuples.] *Populus ab his externis Principatum bonum maximè metitur. Itaque lègi non sinitur in Mexicanā Historiā (libenter & incunde ritus noui illius orbis considero) morem iis fuisse, vt cū regem alium consecrarent, is iuraret in hæc verba: Iustitiam se administraturum. nullum è subditis oppressurum. bello fortem futurum. Effecturum vt Sol cursum splendoremque suum teneret, nubes pluerent, riuus currerem, & terra produceret omne genus frugum. Quæ postrema, etsi vnius dei propria, tamen & alij à suis regibus expectabant. De Burgundionibus, Ammianus: Apud hos rex appellatur generali nomine Hendinos, & ritu veteri, potestate depositā remouetur, si sub eo fortuna titubauerit belli, vel segetum copiā negauerit terra. quem admodum solent Egyptij casus eiusmodi assignare rectoribus. Et quid fatuitatem accusem? vetus hæc opinio, imò sapientissimo Homero prodita: & sub bono rege vult omnia externa etiam bona. Sic enim Vlysses ad suam Penelopam:*

Iopez Go-
mara.

Lib. xxvii

— ἡ γὰρ

Ody. τ.

— ἡ γὰρ σὺ κλέος ἔρανον Ὀλύμπῳ ἱκάσει.
 Ὡς' εἰ τοῦ ἡ βασιλῆος ἀμύμονος, ὅς τε θεοδὴς
 Ἀνδράσιν ἐν πολλοῖσι καὶ ἰφθίμοισιν ἀνάσων,
 Εὐδιδίαις ἀνέχῃσι φέρῃσι δ' ἐγαῖα μέλαινα
 Πνευρὺς καὶ κραιθὰς, βελίθησι δὲ δένδρεα καρπῶ.
 Τίπτει δ' ἔμπεδα μῆλα· θάλασσα δὲ παρέχει ἰχθύς·
 Ἐξ ὀνηγεσίνε' ἀρετῶσι δὲ λαοὶ ὕπ' αὐτῶ.

— tua laus latum conscendit olympum;
 Sicut percelebris regis, qui numina curat,
 In multisque probisq; viris iura æqua ministrat,
 Ipsa illi tellus nigricans, prompta atque benigna,
 Fert fruges segetesq; , & pomis arbor onusta est,
 Proueniunt pecudes, & suppeditat mare pisces,
 Ob rectum imperium. populi fors tota beata est.

Spart. in
Hadr.

Nec reip. tuam esse, sed te reip.] *Hadrianus Imperator* in Reip. Prin-
 concione sapè dixit, Ita se reipub. gesturum, vt sciret populi rem ceptis seruit.
 esse, non propriam. *Vox aurea, & res multo magis, cum præstatur.*

IN CAP. VIII.

De Regno Virtute firmando.

Lib. vi.

I LLE reip. status optabilis.] *Partem hinc magis Polybianæ* PAG. 45.
Sententie, quam ipsam expressi. Atqui digna adscribi. Εγὼ γὰρ
 οἶμαι δύο ἀρχὰς εἶναι πάσης πολιτείας, δι' ὧν αἰρετὰς ἢ φθιπτάς συμ-
 βαίνει γίγνεται τὰς τε δυνάμεις αὐτῶν & τὰς συστάσεις. αὐτῶν δὲ εἰσὶν ἔθνη,
 καὶ νόμοι· τὰ μὲν αἰρετὰ, τὰς τε κατ' ἰδίαν βίοις τῶν ἀνθρώπων ὅσοις δυ-
 τελεῖ καὶ σώφρονας, τό, τε κοινὸν ἥθος τῆ πόλεως ἡμερον ἀπεργάζεσθαι, καὶ
 δίκαιον. τὰ δὲ φθιπτά, πτωχάντιον.

IN CAP. IX.

De Imitatione & aspectu ciuium in Principem.

Apud Cal-
 siod. 111.
 Var epist.
 111.
 1111. De
 Legib.

Q VALES in rep. Principes, tales ciues.] *Theodericus rex* PAG. 46.
Gothorum ad Senatum populumq; Rom. Facilius est errare na-
 turam, quàm dissimilem sui Princeps possit reipublicam forma-
 re. *Plato etiam exerte:* Μηδὲς ἡμᾶς πειθέτω, ὦ φίλοι, ἀλλ' ἑαττον
 καὶ ῥᾶον μεταβάλλειν αὐ ποτε πόλιν τῶς νόμοις, ἢ τῇ τῶν δυναστῶντων
 ἡγεμονίᾳ. μηδὲ νῦν γε ἀλλ' ἡ γίγνεται, μηδὲ αὐτὸς ποτὲ γυμνασθεῖς: Nemo
 nobis persuadeat, ὁ amici, vllà ratione citius aut facilius ciuitatem
 leges moresque immutare, quàm Principum exemplo præunte:
 neque aliter nunc esse, nec in posterum vniquam futurum. *Vt igitur*
regulam oportet rectam esse, ad quam cetera adaequantur: sic
merito Principem, ad quem alij diriguntur.

IN CAP. X.

De Iustitiâ necessariâ regnis.

PAG. 47.

Julia turpe dictum:

LICET, si libet.] *Julie Augusta dictum est, prinignum suum ad stuprum inuitatis. & addidit amplius: An nescis te Imperatorem esse, & leges dare, non accipere? Scilicet, ut Velleius ait, magnitudinē fortunæ suæ peccandi licentiâ metiuntur, quidquid liberet pro licito iudicantes. Ammianus obscurius, sed hoc ipsum dixit:* Lib. xxvii. Nulla vacat quæstio prauitatum apud eos, qui quod volunt, maximas putât esse virtutes. *Ab hoc fonte Persarum iudicium illa responsio Cambysi, roganti num qua lex permetteret nuptias cum sorore? illi negarunt talem se inuenire, sed quamdam aliam quâ liceat Persarum regi facere quidquid libeat. Aequè turpis & perniciosa illa* Anaxarchi *adulatio. qui, cum Alexander lamentaretur ob Clytū interfectum, nec solatia admitteret: dixit, Ignorare illum, cur veteres sapientes Iustitiam adfetricem Ioui fecerunt. nimirum, quia quidquid à Ioue decretum, id iure quoque factum sit. Anaxarchi tales, sed oculi, utinam non hodie apud imperantes!*

*Anaxarchi perniciosum.**Apud Arrian. De reb. Alex. lib. i v. & Plut. in Alex.*

IN CAP. XI.

De Iustitiæ administratione.

PAG. 49.

Ius possit debet atq; Princeps interdum dicere.

B.

CAVSSAS reosque audiat.] *Ipsene? an per alios? Virumque: & hoc magis. Certè quin ipse quoque interdum Iustitiæ illud munus in publico utiliter ac decorè obeat, non puto ambigendum. Veteres Imperatores ac Reges fecere: & Caroli etiam Magni Constitutio hac legitur. Hoc missi nostri notum faciant Comitibus & populo, quod nos in omni hebdomadâ vnum diem ad causas audiendas sedere volumus. Populo autem dicatur, ut caueat de aliis causis ad nos reclamare, nisi de quibus aut missi nostri, aut Comites, eis iustitiam facere noluerint. Vbi finem etiam huius consilij vides. nempe ut per supremum illum iudicem, ius sicubi labat, corrigatur, firmetur.*

PAG. 50.

Leges & lites retinenda.

Medeatur noster Princeps.] *Utinam, utinam! Ludouico Gallicarum regi xi. hoc propositum: & causidicina illa, vera tabes Gallie, nunc non esset, si ille pauculos annos fuisset. Exoriat alius, & efficiat ut tandem viperæ istæ sibilare desistant.*

*Comin. cap. cxxv.**Apud Flor. lib. iiii. cap. vlt.*

IN CAP. XIV.

De Fide.

PAG. 54.

Fides pro deâ.

IN Capitolio vicinam Iouis opt. max. esse voluerunt.] *Cre-* Lib. ix. in Orat. Post. humij.
do hanc eadem mentem esse in Liuianis verbis: Apud quos (Romanos)

manos) iuxta diuinas religiones Fides humana colitur. Et profecto sanctitas quadam in ipsâ fide. Scytharum legati ad Alexandrum, pulchrè: Iurando gratiam Scythas sancire, ne credideris. Colendo fidem, iurant. Græcorum ista cautio est, qui acta consignant, & deos inuocant: nos religionem in ipsâ fide nouimus. Qui non reuerentur homines, fallent deos.

CURT. VII.

IN CAP. XV.

De Modestiâ.

IN alto positum non alta sapere, difficile est.] Certè difficile. PAG. 55.
Alc. & magnæ felicitatis est, à felicitate non vinci. Vt quibus haud facile multum vini fert: non item abundantem fortunam. Da mihi circumspèctissimum regem: tamen inter tot obsequia fortunæ, non satis cauta mortalitas est. Natura, educatio, adulatio deprauant.

Augustin.

Curtius

VIII.

Preni ad
superbiam
reges.

Non minùs hominem se, quàm hominibus præesse, cogit. PAG. 56.
Hoc primum remedium & cautio à Fastu, se cogitare. Externa illa omnia sunt quæ te instant; æstimari debes à teipso. Illa abeunt, veniunt: tu quid es, nisi vile infirmumq; corpus? Vide non quid in te magnum habeas, sed quid tuum. Saladinus, Christianorum olim terror, qui Syriam, Aegyptum, & Africæ bonam partem subegit, mortuam iam vicinam, in cogitationem hanc seriò descendit: & solam interiorem tunicam, pro omni pompâ funebri, in hastâ sublimem ferri insit, cum acclamatione, Hoc vnum ex domitore Orientis restare. O virum illa & maiore fortunâ dignum, qui tam benè eam cepit! Nihil hîc proprium aut tuum. corona, sceptrum, & omnia hæc ad quæ stupemus, à Deo sunt: & ne auferat, tu ad eum refer. Thymoleon, magnus laudatusq; dux, qui Dionysium Siciliâ eiecit, & in illustri gloriâ vixit, exemplo hîc tibi esto. de quo Probus: Nihil vnumquam neque insolens, neque gloriosum ex ore eius exiit. Qui quidè cum suas laudes audiret prædicari, numquam aliud dixit, quàm se in eâ re maximas diis gratias agere atque habere, quòd cum Siciliam recreare constituissent, tum se potissimùm ducem esse voluissent. Nihil potest magis sapienter, magis Christianè.

In Thym.

Thymoleon
in medi-
stia.

Magnas arbores diu crescere, vnâ horâ exstirpari.] Remedium alterum, cogitare Superbiæ asiduam comitè, Deiectionem, & Penam. Superbia
depressio
naharetæ
 Dominare tumidus, spiritus altos gere,
 Sequitur superbos ultor à tergo Deus.

Seneca
Herc. Fur.Laërt. in
Chilone.

Nihil altum ille, præter se, vult. eiꝯ proprium, τὰ μὲν ὑψιλά & πεινωῦ, τὰ δὲ ἑπεῖνα ὑψιλά: erecta deiicere, deiecta erigere.

Vidi cruentos carcere includi duces.] Remedium tertium, à varia fortunâ variâ nimis & incertâ. Hodie magnus es? cras alius, aut nullus.

Tomam-
bais exitus:

Atabalipa.
pe.

Quahuiti-
moci.

nullus. Iugurtham in carcere, Perseum in custodiâ obuisse scimus: & patrum memoriâ, quàm illustre exemplum Tomambais est! Ille Aegypti Africæq; Sultanus, in veteri & felicissimo regno, non solum eo subito exiit, sed & vitâ. Arbitratur paulo ante vitæ necisq; gentium, in urbe suâ principe, mulo vicitim per ludibrium circumductus, infami laqueo, & manu carnificis, strangulatus est. Quid subidem illud cui, Attabalipa in nouo orbe magnus Rex, nonne in carcere, post infinitam vim auri quasi pro vitâ extortam, amisit & vitam? In eodem tractu, rex regum Mexicanus, nec vîsitatâ quidem morte obiit, lento igne per summum cruciatum vîsulatus. Quæ tam tragica exëpla meritisimò verbis Seneca concludo: Quod regnum est, cui non parata sit ruina & proculcatio, & dominus, & carnifex? Nec magnis ista intervallis diuisa: sed horæ momentum interest inter solum, & aliena genua.

De Tran-
quil. Ani-
m., cap. xi.

Brevis ser-
mo opti-
mus.

Oratio pressa.] *Vt moneta illa optima, quæ pretij plurimum habet in parua mole: sic sermo, qui sensus. Quid visurus sim, nescio. sed verbosos valde & vnâ sapientes, nondum ego vidi. Caterum hæc Breuitas imprimis decet Principem. Tacitus de Gallâ: Imperatoriâ, inquit, breuitate adoptari à se Pisonem pronunciat. Causa apud Demetrium Phalercum hæc: Nam præcepta & iussiones, quæ Principi conueniunt, breuib; verbis formantur, preces autem, quæ humilioribus, verbosæ & longæ esse debent.*

I. Hist.

Vestis, &
hæc talia,
negligentia.

In Cultu ne exuberet.] *Iuliani Imperatoris familiare dictum fuit: Turpe esse sapienti, cum animum habeat, captare laudes ex corpore. Et sanè viri magni, incuriosi rerum istarum leuium. Carolus noster Quintus in veste restrictus. Ludovicus xi. cultu corporis neminem familiarium anteiuit. Iulius Agricola (ita scribit de eo Tacitus) cultu modicus; sermone facilis; adeò vt plerique quibus magnos viros per ambitionem æstimare mos est, viso aspectoque Agricolâ, quærent famam, pauci interpretarentur. Sic de Annibale Liuius: Vestitus nihil inter æquales excellens, arma atq; equi conspiciebantur. Et quid exemplis opus? vno verbo, pleriq; illi veteres ἀπλὰς ἐαυτῶν εἶχον, ἐκ δὲ τοῦ σκελετοῦ, ἀλλ' ὑπὸ τῇ λυγρῇ βασιλείᾳ ἐν- πες, καὶ ταῖς δουρὶ παλαιοῖς διαπερσοῖν, τὰ δὲ ἐν τοῖς ὁμοιοῖς αἰγυλίοις ἐκεί- νοιτο. leuiter & sine curâ seipsos habuerunt, non ab apparatu, sed ab animo reges; & introrsum à plebe differabant, extrorsum vel gregariis similes videbantur. Ego Græcorum Imperatores (imagines enim exstant) sine risu non aspicio, in purpurâ: in auro, in gemmis, & à capite ad calcem non regiè, sed muliebriter cultos.*

Ammian.
lib. xxv.

In Agric.

Synec.
Orat. de
Regno.

PAG. 57.

Munditias mulieribus conuenire.] *Idcò Hesiodus quoque monet:*

Mund.

11. Oper.
& dicr.

Μηδὲ γυναικείῳ λόγῳ καὶ ἁλοῖσι φασμασμένῳ

Ἀνέξα.

Nec muliebri se comptu lotuque polito

Vir quisquam.

Nec aliter de externâ omni specie censeo.] *Vt in comitatu, Nimia & in victu, in omni tuâ vitâ quàm minimum sit Tragediæ & pompæ. affectata pompa spectanda.* Cari Imperatoris illustre exemplum non omitte dūm, quia nec vulgatum. Synesius ita narrat. (Carino tamen adtribuit, per errorem, uti opinor: quia * Carus res in Persas gessit, Carinus contra molis, deses, & nullâ expeditione nobilis.) sed is ita narrat. Bellum inferebat Persis, & iam ad Armeniorum limites peruenerat. Illic militem curare corpus, & cibum è suo com meatu capere iussit, mox ex hostico (Parrhorum agros ostendebat) petendū. Dum id agunt, ecce hostium legatos, qui adueniunt. Atque illi opinabantur futurum primò, ut ad Proceres quosdam aulicos deducerentur: deinde dierum aliquot interuallo, ad Imperatorem. Atqui inciderant casu in ipsum iam cænantem. Circumstabat frequens miles, sed auro aut argento nihil cultus. Ipse veste puniceâ indutus, iacebat in herbâ. Cibus erat, vetus aliquod nigrum pulmentarium: & in eo frustula quædam falsæ suillæ carnis. Cum autem legatos vidisset, nihil turbatum aiunt, nec quidquam immutasse, sed vocasse ad se ultro, & dixisse, Scire quòd ad se venissent. nam Carum hunc ipsum esse. Iubere igitur ut renuncient iuueni suo Regi, nisi resipiscat, futurum ut intra vnam Lunam omnis eorum silua & omnis ager, magis nuda & læuia sint, quàm Cari ipsum caput. & simul cum dicto pileum sustulit, & caput ostendit tam glabrum quàm galea eius quæ adiacebat. Et si quidem appeterent, iussit manum in ollam mittere: sin minùs, statim abire, & extra Romana præsidia esse, tamquam legatione omni iam defunctos. Ita me Deus amet, hæc virum olent, imò heroem.

* Vide Vo.
piscum &
Eutrop.
De Caro
narratio
attenta.

Orat. de
Regno.

IN CAP. XVI.

De Maiestate.

TRISTITIAM & arrogantiam exuas.] *Quæ duo imperitè nonnulli adsumunt, quasi concilianda Maiestati. Plutarchus hos tales taxat. Qui mentem non habent, Reges & Principes, inquit, imitantur imperitos statuarios, qui existimant colossos suos magnos & venustos futuros, si tibiis quammaximè diductis, & inflatos, & hiantes fecerint: sic isti grauitate vocis, & toruitate aspectus, & morum asperitate, & insociabili quadam vitâ, dignitatem & maiestatem imperantium exprimere se censent.*

PAG. 571

Externa
superbia
non ad Maiestatem.

In Com.
ment. ad
Princip.
iudicet.

Viles.

PAG. 58.

Nimia co-
mitas haud
bona.
Periculis in-
firmum.

Viles plerumque, qui nimium ciuiles.] *Omnino abstractio-
ne quadam opus iis qui gubernant, & ne nimis vulgo se vultgent.
Pericles sciuit: qui antea familiaris maximè & comis, simul temp.
attigit, ab omni cœtu amicorum & conuiuuiis se abiunxit, vitæ ge-
nere quodam subducto, & planè mutato. Causam Plutarchus ad-
iungit. Δεινὰ γὰρ αἰ, αἱ φιλοφροσύναι παντὸς θεοῦ ἀειδέσθαι, καὶ
δοτὰς λαόντων ἐν σωτηρίᾳ, τὸ θεὸς δόξαν σεμνὸν: Comitatus enim faci-
lè fastum omnem atterit, & in familiari consuetudine ægrè custo-
dias illud opinionionis de te augustum.*

In Pericle.

IN CAP. XVII.

De variis Virtutibus decòris Principi.

PAG. 59.

Ne regant
famina.

Interdum
suadeant.

Isabella re-
gina laus.

NEC tamen coniugum imperiis obnoxius.] *Nam quod
subsidium in eo, ut inquit Tacitus, qui à feminâ regatur?
Cui tamen humili & seruili vitio plerumque feroces & militares
gentes obnoxias esse, Aristoteles notauit: & hodie nos videmus. Sed
ut imperia mulierum, ita consilia non semper damno. Vtiliter sapè
eas Princeps audiet: præsertim si qua à naturâ paullo magis facta ad
prudentiam & virtutē. An Augustum pœnituit, Liniâ suam au-
diuisse? Ferdinandum Hispaniæ regem, Isabellam? cui femina Con-
saluum, Canarias, Nouum orbem, ciectos Mauros, & hanc magnitu-
dinē suam Hispania in parte debet. Maritum enim suū, etsi à se vi-
rum magnum, tamen haud æquè altum aut splendidum, ad illustria
illa facta impellebat leniter ac ducebat. At in vitâ priuatâ, eadem
mirifica. Vino atatem abstinuit. artibus litterisq; ita amica, ut ser-
monem Latinum, etate iam grandior didicerit, & auctores librosq;
intellegere atq; interpretari potuerit. In fortunâ & in moribus in-
fracta, atq; etiam in partu sic magnanima, ut emitteret vix vocem.
Rarum heroina exemplum, & cum veteri omni auo comparandum.*

Lib. XII.
Annal.Li. II. Po-
lit. c. VI II.

Magni
Principes
in conuitia
fortes.

Ramirus
alter.

* Non saba
la volpeja
con quica
trobeja.

Conuitia si irascare, agnita videntur: spreta, exolescunt.]
*Spreuit sanè Augustus. qui cùm audiret Aelianum quemdam malè
de se opinari solere: Faciam, inquit, sciat Aelianus & me linguam
habere. Animosè item Philippus Macedo, suadentibus amicis, ma-
ledicum hominem in exilium mitteret: Minime sis, inquit, ne va-
gus & erro, apud plures de nobis malè loquatur. Plura & obuia ta-
lia exempla. sed caute tamen vos canicula: quia non omnes Augu-
sti sunt aut Philippi. Ramirus Hispanorum rex mirè probus fuit &
in moribus simplex: ob eam rem cùm irrisui Aulicis esset, & dictis
idemidem peteretur, ad extremum exarsit, & undecim viros no-
biles ad se vocatos, in Oscâ vrbe gladio percuti iussit: addito dicto,
* Nescit vulpecula cum quo ludat. Reipsâ scilicet ostendit pericu-
losum valdè, & λέοντα ὑπὲρ, leonem vellicare.*

Sucton.
August.
cap. LI.
Plut. in
Apopht.Roder.
Sact. Hist.
Part. III.

Doctri-

Doctrinam nonnihil ad hunc finem promouet.] *Iure mo-*

Lib. I. neo. nam, ut Symmachus ait, scimus bonas artes honore nutrirī, at- *Littera*
Epist. que hoc specimen esse florentis reip. ut disciplinarum professori- *promouenda.*
LXXIII. bus præmia opulenta pendantur. *Sed tamen uoculam, Nonnihil, Sed etiam*
de industriâ addidi: quia ut tollere eas noxium; ita calidè nimis modo.
promouere. Iustinianus τὰς τυποδείους ἀνέκαθεν ἐν ἐκάσῃ τῇ πόλει *Male, quæ*
δίδουσι στήθεϊ τοῖς ἐν αὐταῖς διδασκαλοῖς τῇ λογικῶν τεχνῶν ἢ ὀπισθη- tollunt.
μῶν, ὑποθήκαις τε ἐπαρχοῦ ἐξέκοψε. καὶ ἔπος τῇ ἐν ταῖς πόλεσι δι-
δασκαλείων ἐχολακώτων ἀρετικῇ τῇ ἐν αὐταῖς κατεκράτισε: antiqui-
tus constitutas, in quoque opido annonas, professoribus bonarum
artium dandas, de consilio Præfecti sui sustulit. atque ita frigentibus
passim per opida Scholis, rusticitas & barbaria occupauit in-
habitantes. Mala hæc securis quam Thrax Imperator iniecit: sed
illi quoque occultè noxij, qui effusè nimis promouerūt. Nam otium *Male, qui*
& molitiem nullâ re facilius aut honestius in animos irrepere, *numis uul-*
quam viâ hac litterarum, omnino est fatendum. Atqui robur & *sant.*
virtus non sunt, ubi illa. Ut catuli ad venandum inepti, qui salta- *Virtus re-*
re & eiusmodi delicias docti: sic ad virilia exercitia parum apti, *solutur.*
ciues nimis excultri. Franciscum regem primum, & Leonem deci-
 mum, qui auide litteras excitârunt, in celum tollimus. Si propo-
situm spectamus, meritò; si finem & successum, ambigo. quia reuerà
alter Galliam suam, alter Italiam, cultiorem amanioremq; reddi-
dit, sed vnâ & molliorem. Quid bona spei reliquum, ubi etiam
femina passim in libris & litteris? atqui cò ventum. Mihi Spar-
tani illi probi, qui γεράματα μὲν ἐνεκα τῆς χρείας ἐμαΐθανον. ἡ δὲ ἄλ- *Usurpanda*
λη παιδεία, τοῦ; τὸ ἀρχεῖν καλῶς ἐγίνετο, καὶ καρτερεῖν ποιοῦντε, καὶ *ad usum.*
νικᾶν μάχης: *Litteras ad vsum saltem discabant. reliqua omnis*
disciplina erat ut pulchrè parèrent, ut labores perferrent, ut in pu-
gnâ vincerent. Et à Principe meo in suis ciuibus id seruari, sua-
deam valde. Non nimis, non omnes, studiis se applicent. sed Nobi- *Et inprimis*
litas tamen maximè: quia patres valere decet consilio, populo su- *à Nobili-*
peruacanea est calliditas. *bis.*

IVSTI LIPSI

AD III. LIB.

POLITICORVM

NOTÆ.

IN CAPVT I.

De Prudentiæ necessitate.

PAG. 61.

Difficile
gubernare.



VLLVM animal morosius, nullum maiori arte tractandum.] *Inde Linianum hoc effatum*: Excellentibus ingeniis citius defuerit ars, Lib. II. quâ ciuem regant, quâm quâ hostem supe-
rent.

Mens vna sapiens plurium vincit manus.] *Hoc Vlysses ille apud sapientissimum vatem voluit, cum Minervam (id est Prudentiam) sic affatur*:

Αἰεὶ μοι ὡς μεμῆκα Ὀδυσσεύς γλαυκῶπι,
καίνα ξιμνοσίτισιν ἐγὼν ἀνδρείῳ μαχίμῳ
Σὺν σοὶ, πότνια Δία, ὅτε μοι Δεῖφρος ἐπαρήγοις:
Atqui ego, si mihi sic adstistas cæxia diua,
Vel tercentum contra homines concurrere pugna
Ausim, te fretus comite, ô dea, & adiutrice.

Odyss. N.

IN CAP. II.

De duplici Prudentiâ.

PAG. 62.

Viri cele-
bres & sa-
pientes in
domo Prin-
cipis decori.

PRINCEPS sapiens, sapientium commercio.] *Cominatus*:
Nullum maius indicium bonæ mentis Princeps potest osten- Cap. XXX-
dere, quâm vt adiungat sibi & familiariter vtatur viros virtute & III.
famâ celebres. Nam omnes statim iudicabunt eum talem esse,
quales ij qui apud illum. *Hoc sine vtile, non tantum in consilio, sed*
etiam in contubernio quosdam habere, insigni tranquillitate vitæ, Tacit.
nullis reip. negotiis permixtos. *Nam aliena hac fama valde ad tuâ* IV. Ann.
famam. Ita Alexandro Callisthenem, Scipioni Panætium & Poly-
bium, Augusto Arcum & Athenodorum, aliis alios adhaesisse
scimus, priuatim magis ornamenta quâm publicè adiumenta.

IN

IN CAP. III.

De Adiutoribus Principis.

SED quâ parabis? iudicij hâc res est.] Imò res etiam aliqua PAG. 61.
Industrie. Nam iamantè preparari quidam possunt, ut fiât apti. A pueris
Turcarum Princeps à pueritiâ instituit, pacis aut belli futuros ad- quidam
ministròs. & Germanorum proceres Alumnos quosdam (ita appel- formandi
lant) suo sumptu educant, in eundem usum. Quid si imitetur Prin- ad veni.
ceps, & selecta quâdam ingenia à teneris formari curet ad res Ci-
uiles? laudem. Apud Macedones quid seruatum, Q. Curtij ver-
bis dicam. Mos erat Principibus Macedonum, adultos liberos regi-
bustradere, ad munia haud multum seruilibus ministeriis abhor-
rentia. Excubant seruatis noctium vicibus proximi foribus eius
ædis, in quâ rex acquiescebat. Ij actos ab agaloniibus equos, cum
rex ascensurus esset, admovebant: comitabanturque & venantem,
& in præliis, omnibus artibus studiorum liberalium exculti. Præ-
cipuus honos habebatur, quòd licebat sedentibus vesci cum rege.
Castigandi eos verberibus, nullius potestas præter ipsum erat. Hæc
cohors, velut Seminarium Ducum Præfectorumque apud Mace-
donas fuit. hinc habuere posteri reges, quorum stirpi post multas
atates Romani opes ademerunt.

Lib. VIII.

Macedonũ
ritu.

IN CAP. IV.

De Consiliariis.

OPTIMUM quemque fidelissimum puta.] Rex Salomon PAG. 64.
(cuius scripta diuinæ humanæq; Sapientiæ plenissima, uti &
Syrachide, vnicè tibi commendo.) paucis verbis: Consilia impio- Salomonis
rum fraudulenta. Excludo autem ab hac probitate etiam eos, qui scripta pla-
rem suam priuatim malè gesserunt, conturbatores aut decoctores. ne diuina.
Basilius Imp. ad filium: Συμβέλοις δὲ καὶ τοῖς καλῶς περὶ τῶν οἰκείων Decoctores
βελούσταυροις καὶ διοικήσασιν, ἀλλὰ μὴ τοῖς κακῶς ἐξ ἀβελτίας τὰ ἐαυτῶν Consilia,
οἰκονομήσασιν. ὁ γὰρ κακῶς περὶ τὰ οἰκεία ἔχετε δεῖς, ἐδέποτε καλῶς βου-
λεύσει) περὶ τῶν ἀλλοτρίων: Consiliariis vttere iis, qui rebus propriis
benè consuluerunt, rectèque eas administrârunt, non autem qui
per imprudentiam malè. Nam qui suis rebus malè prospexerit,
numquam ille benè cōsuluerit alienis.

Prouerb.
cap. XII.

Ca. XVIII.

Morum animorumque prouinciæ gnaros.] Etiam linguæ: Consiliarij
si tamen sermo diuersus, in locis qui tibi prærent. Nam isti qui per linguarum
interpretem accipiunt omnia aut reddunt, nec tam grati nec tam scripsit.
idonei ad agendum. ac multa necessario eos fallunt.

Non exteros temerè, non aduenas.] Nota Princeps. nam hîc Consiliarij
peccamus. Vt vulgò remedia quâdam ab Afris aut Indis petita esti- exteri ma-
li.

Turbant
statum

Imperiti
eius sunt.

Non amari
eum aut
citant.

Infelices
sunt.

Ruit respu-
blica, quam
sustinent.

PAG. 64.
Quales
moribus
quicque
astimandi.

Iuvenes
inopis ad
temp.

Causâ
vnâ.

Causâ al-
terâ.

Soloneos
omnino ar-
eant.

Annales
leges uti-
lissimæ.

Felices vix
sapiunt.

manus: sic plerumque externa ingenia præferuntur internis. *At non oportet. Primum, quia ab hac re turba. Indigenæ haud facile concoquunt, in suâ rep. plus aliquid credi aut tribui alienis. Inde liuor, questus, & auersio quadam animorum. Secundo, quia raro illi, morum, ingeniorum, & totius reip. periti. Plato autem breuiter & rectè dixit: Εἰδὼς δὲ ἐν ἑαυτῷ ἢ συνελθὴν*: Consilium eius est, qui rei cuiusque peritus. *Quod idem alibi diffusius: δὲ παντὸς μίαν ἀ- χὴ τοῖς μέλλουσι καλῶς βεβουλευθῆναι, εἰδὲν αὐτῷ ἢ ἢ βελή, ἢ ἀ-παντὶ ἀμαρτανῶν ἀνάγκη*: In omni re consulendi principium, nosse id de quo consilium institutum: aut totâ viâ aberrare necessum est. *Ter- tiò, quia etiamsi iis peritia, vix tamen affectus aut fides. Quî potest in alienam rempublicam? in quâ semper illud cogitent: Mili istuc nec feritur, nec metitur. Itaque ad commodum suum, aut arbitrium Principis, videbis pleraque ab iis referri. Quartò & ultimò, quia vsu compertum, consilia externa ferè esse infasta. Alexander malè audire capit, cum Persas audit: Romani labi, cum Græcos & exteros: noster Carolus Audax, (ne plura cumulem) cui ruinam suam nisi Campobacchio debet? Effatum hoc habe. Ut in quam domum vespillones veniunt, signum est funeris: sic reip. labentis, ad quam fulciendam adhibentur peregrini. Quod tamen ita intellego, si multi. nam ut vnus aut alter interdum, fide aut ingenio valdè cognitus, haud pertinaciter damnum.*

AlciB. r.

In Pha-
dio.

Plaut.
Epid.

Epist. rv.

vii. Po-
lit. cap. xx.

Cic. de Se-
nest.

Iuuenes
apud Stob.

Liuius
Fortu-
xxx.

Item senes.] *Qui tales non annis magis, quàm moribus. Nam in quibusdam, ut ait Seneca, non pueritia, sed, quod est grauius, puerilitas remanet.*

Consilia senum, hastas iuuenum esse.] *Pindari dictum est, uti è Plutarchi Lycurgo videbis. cui hoc Aristotelæum velut inter- pretamentum adde: ἡ μὲν δυνάμεις ἐν νεότητι, ἡ δὲ φρόνησις ἐν ἀρε- σιότητι ἐστὶν ὄντι: Vires in iuuenibus, Prudentia est in senibus. Iuuenes autem non solum à consiliis, sed omnino à rep. amouendi, causâ duplici. Primum, quia Temeritas & calor in iis. Atqui cum ad gu- bernacula reip. temerarii atque audaces homines accedunt, maxi- ma ac miserima naufragia fiunt. Deinde, quia non cadit in etatem eam Auctoritas: quæ tamen ad iubendum suadendumq; plurimum valet. Opinio sæpè de aliquo, plebem magis mouet, quàm res aut ratio ipsa. Solon igitur iure vetuit τὸ σφόδρα νέον μὴτε ἀρχεῖν, οὐτε συμ- βαλεῖν, εἰ καὶ ἀεὶ σα δοκοῖσι γνώμης ἔχειν: valdè iuuenem neque ma- gistratum gerere, neque consulere, etiam si optimè à mente consti- titutus esse videretur. Rei etiam Romanæ grande olim fulcrum, An- nariæ leges: quas malè amissas bonus sapiensq; Princeps reuocabit.*

Fortunâ variâ exercitos.] *Nam qui assiduè in rebus prosperis & latis, quid sapiat? Non temerè aduersa casuum reputat, quem*

Fortuna numquam deceptit. *At qui aliam eam expertus est, magis ille ad Modestiam factus & Cautionem, præcipuas Prudentiæ partes. Pindarus rectè:* Magis qui aliquando adfuit.

— ὁ πονηρὸς διὰ νόον

Kαὶ οὐδὲν ἴδιον φέρε:

— Qui mente laborauit,

Prudentiam inde aufert.

Ann. xii. Tacitus item de Caractaco, Quem multa ambigua, multa prospera extulerant, vt ceteros Britannorum Imperatores præmineret. An-

Lib. xxv. nibal de se, ad Antiochum: Hæc suadeo, qui vt non omnis peritissimus sum belli, cum Romanis certè bellare bonis malisque meis

didici. Nec solum consiliarij, sed ipsi Principes optimi & prudentissimi, qui aliquando in aduersâ sorte. Carolus v. Galliarum rex mirâ sapientiâ fuit, atque adeo cognomen id etiam tulit: sed quem Principes tales, optimi.
Fortuna à teneris annis magis iactauit? Patrem suum Iohannem Carolus v. Sapiens.
capi abducique vidit, & regnum pænè totum occupari ab Anglis.

Ludouicus xi. planè callidus. sed ille quoque nōne per annos sex Ludouicus xi. callidus.
à patre & patriâ profugus, apud Philippum Ducem Burgundiæ e- Emanuel cautus.
git, quid nisi exsul? Emanuel Allobrogum nuper Princeps, in eâ- * A quibus læsus, ab his doctus.
dem hac classē. Verissimum igitur Græcorum verbum: "Εἰς ὧν ἐπα-
δεῖ, ἐπὶ αὐτῶν: & Miseria Prudentiæ bona mater.

Quod sitis sit, acutos.] Profectò mali & inepti, qui nimis. Nimis ingeniosi, mali suaflores.
Disputare & sermocinari magis, quàm suadere possunt: & tempus sæpè terunt, milium, quod dicitur terebrando. Tu jcito, caput omne consilij esse, non in acumine, aut sermonum rationumq; copiâ, sed in directâ quâdam indicij normâ. Ea autem plerumque his acriculis Exempla:
abest. Machiauellum vide. quid eo acutius? at parū bonus aut felix ille Casari Borgiæ Consiliarius, quidquid excuset se & fatum accuset. Vide Clementem vii. Pontificem. miram ei ingenij vim omnes tribuunt: sed in actionibus consilijsque quàm infelix, Roma scit & nunc etiam dolet. In populis ipsis hoc notabis. Quis nescit Athenienses ante Spartanos, Florentinos ante Venetos, ingenio & acrimoniâ fuisse? melius tamen constantiusq; hos rempub. suâ direxisse omnes videmus. Causa huius rei tres. Prima, quam in Textu libani. quod velocia ista ingenia semper mouent aliquid, & nec quietâ, queta sinunt. Altera quod in multiplici inuentione & rationum copiâ plerumque natant, & agrè expediunt aliquid cui insistant. Tertia, quod ea sibi proponunt quæ non sunt, non erunt, & mentem consiliaj, aduersarij æstimant à subtili suâ mente. Atqui ille sæpè stipēs: nec quidquam tutius (oliter moneo) quàm de consilijs eius, ex ipsis indole moribusq; iudicare, aut eorum qui apud illum ma- An litterati apti ad Consilia?
gni. Sed aliquis hic querat. Quid ergo? subtiles quoniam damnas,

Per se, non
nimis.

etiā mne litteratos? Haud prorsus. Ego verò libenter eos in Consi-
lium admitto, sed qui non sint hoc tantum. Nam qui solà & nudà
istà cognitione litterarum se iactant, valde repello. Constantius
Imperator Constantini F. me quidē iudice, valde hic peccavit: qui,
ut ait Zonaras, μηδὲν τῇ γενομένῃ τῷ ἄξι, δὲ παιδείας μὴ μετρίαν
ἔχει, id ē ἡκούστος τοῦ λόγου, καὶ ἡδὲ γὰρ ἐμμελὲς τὸ πρῶτον: nemi-
nem in Senatum allēgit, nisi eruditum, quique se ad dicendū exer-
cuiſſet, & sciret scribere vincētā oratione & solutā. Nimis tribuit no-
stro generi: nec vel doctissimi semper ad remp. apti. Necesse est
adsint aliæ illa dotes, de quibus in hoc Capite monemus. Quas si ad-
ferunt: ô magnos tunc, & Principi optandos! Nam desiderabilis
eruditio litterarum, quæ naturam laudabilem eximie reddit orna-
tam. Ibi prudens inuenit, vnde sapientior fiat: ibi bellator reperit,
vnde animi virtute roboretur: inde Princeps accipit, quemadmo-
dum populos sub æqualitate componit. Nec aliqua in mundo po-
test esse fortuna, quam litterarum non augeat gloriosa notitia. De
his talibus ipsa Sapientia loquitur: Ego Sapientia habito in consi-
lio, & eruditis interſum cogitationibus.

Idem Con-
stant.

Cassiod.
Var. lib. x.
epist. i. ii.

Proverb.
viii.

IN CAP. V.

De ratione consulendi.

PAG. 65.

An Sacer-
dotes in
Consiliis?

CONSILIORVM gubernaculum, Lex diuina.] Apparet
ergo meritò Consiliis interesse debere viros sacros religiososq̃:
id est, legis eius peritos. Tamen alij abnuunt, & indecōram atq̃ inu-
tilem censent hanc mixturam. Nicephorus Gregoras inter hos vi-
detur. Οὐ γὰρ, inquit, θεωρεῖν πνευματικὴ καὶ πολιτικὴ, ὥς τὰ
πολλὰ, συνίσταται πρὸς ἕνα: Non enim Spiritalis contemplatio, & Ci-
uilis administratio, ut plurimum, inter se iungūtur. Et Synesius Cy-
renensis Episcopus multo apertius: Πολιτικῶ ἀρετῶν ἡγεμονίῃ σω-
φρονίῃ, τὸ κλῶθειν ἐστὶ τὰ ἀσύντακτα: Ciuilem virtutem iungere cum
sacerdotio velle, est miscere omnino non miscenda. Ac plura &
diffusè in eam rem ibi scribit. Quid ergo nos? cum veniā sic cense-
mus. Interesse eos posse, imò & debere: sed rarerent tunc videlicet,
cum de rebus planè seriis grauibusq̃ agitur, & quæ tangunt vni-
uersum statum. Nam tunc sanè quidni audiantur? siue vi robur &
auctoritatē bonæ sententiæ adferant, siue ut reprimant coercēant-
que in aliam ruentes. Nam quamquam illi rerum Ciuilium propriè
non periti: tamen sæpè etiam in istis saluberrimè consulunt, &
Syrachides non falsò scripsit: Anima viri sancti enunciat aliquādo
vera, quàm septem circūspectores sedentes in excelsò. At semper
tamen eos & assiduè, etiā rebus consiliisq̃ minoribus adhiberi non
probrè: nec id mihi aut ex illorū videatur, aut publico vsu. Districti
vide-

Hist. i. ii.

Epistola
LXVII. to-
rā.

Interdum
utiliter
esse.

Viri sancti
supra Pru-
dentes sæpè
sapiunt.

Eccles. cap.
xxxvii.

videlicet terrenis curis, caelestia illa deseret: nec terrena ipsa (quippe aliud illorum munus) satis commodè aut decorè administrabunt.

Libertatem secundò.] *Magnum in Consiliario atq; utile munus, ut libera ei lingua. Solon olim rectè: Συμβούλει μὴ τὰ ἡδίστα, ἀλλὰ τὰ κάλλιστα: Consule non quæ suauissima, sed quæ optima sint. Sic oportet. nam rara hæc nimis in Aulis Principum virtus: & vis scire cuius rei inopiâ laborant magna fastigia: quid omnia possidentibus desit: ille qui verum dicat. Certamen plerumque adulationis est: & dant se nō magno alicui solū, sed his qui magni apud magnos. Placentini aut Laudenses ferè hoc totū genus, pauci Veronenses. Inter hos tu esto: & scito liberè te semper cum Rege loqui posse, sed non de Rege. Cum modestiā tamen: ad quam Hephæstion ille tibi præit apud Curtium: Libertatis quoque in admonendo (Alexandrum) non alius ius habebat: quod tamen ita vsurpabat, ut magis à rege permissum, quàm vindicatum ab eo videretur.*

Tertiò Constantiam.] *Turpis enim & fœda illa vacillatio sententiam mutantium, & certum signum non certa mentis. Idq; cum singulis Consiliariis, tum magis Consiliis, vitandum. ne audiant illud, quod Carolus v. Imp. faceret conticere in Germanorum conventus solet. quos assimilabat viperis: quia (aiebat) ut ista matres suas tollunt, sic illorum posteriora decreta, priora.*

At non Rigorem.] *Consilia enim ad euentus & tempora accommodanda & sæpe inflectenda sunt: atque, ut Plato ait, καὶ ὥστε ἐν πάσῃ κύβει, πρὸς τὰ πεπλοῦτα τίθεσθαι τὰ αὐτῶν πρᾶγματα, ὅπῃ ὁ λόγος ἐρεῖ βέλπς' ἂν ἔχων, ἀλλὰ μὴ πρὸς πάσι συνάεσθαι, καθάπερ παῖδας, ἐχθροῖς τῶ πλῆθει, ἐν τῶ βωτῶν δ' ἐξίβειν: oportet, tamquam in talorum iactu, ad id quod ceciderit res suas aptare, quocumque modo ratio id optimum esse dixerit. non autem, quasi pueros, ipsos quoque cadentes, firmiter eam rem tenere in quam impeggeris, & clamando quiritandoq; tempus consumere. Consilia ergo noua pro rebus nouis, aut ubi priora improsp̄ra.*

Arte enim & flexu quodam opus sæpè.] *Seneca appositè: Huc illuc frænis leniter motis flectendus est animus, paucis sui rector optimus. Plerique enim rectorum rectore alio egent, et si palam habere eum spernunt. Callisthenes hic offendit, qui præter monita magni sui Doctoris, nimis apud Alexandrum abscessus & asper. Qua debebat dicebat, sed non quomodo debebat. Arriani cautæ sententia ego accedo: καὶ τῶν εἰωθῶσα ἐς ὅσα ἐς ὅσον τ' Ἀλεξάνδρῳ, & ἐς σκαυτῆς τ' Καλλιθένης φέρονται, ἐδὲν ἐδαμὴ ἐπαμνῶ. ἀλλὰ τὸ κατ' αὐτὸν γε κοσμίως τίθεσθαι ἑξαρκεῖν φημι, αὐξοντα (ὡς ἀνυσὸν) τὰ βασιλείῳ πρᾶγματα, ὅτῳ πρὸς ξυνεῖναι ἐκ ἀπὸ τῶν οὐκ οὐκ ἀπεικόντας δι' ἀπεχθείας γλῶσσαις.*

v. De Benef. c. xxv

Lib. III. de reb. Alex.

PAG. 66.

Mutatio in consiliis turpis.

Caroli v. iocui.

Fas aliquādo mutare consilia.

Sed cum causa.

Reges leniter regendi.

Callisthenes praefatus.

ἡμέτερος Ἀλέξανδρος Καλλιθέῳ τίθειμαι, ὅτι τῇ ἀκαίρῳ τι παρρησία, & παρρησία ἀβελτηρία: Ego verò nihil eorum, quæ vel ad Alexandri iniuriam, vel ad Callisthenis morositatem pertinent, laudauerim. Sed illud aio & statuo, sufficere vt seipsum modestè habeat gerat- que, & Regis, quoad fieri potest, negotia promoueat is, quicumque adesse & seruire illi in animum semel induxit. nec immeritò gra- uem fuisse Alexandro Callisthenem, tum ob intempestiuam li- bertatem, tum ob superbam stultitiam.

Regibus nō
frustrā ob-
nuentūm.

Quoties necessitas ingrueret, prudenter moderans.] *Pre- clarum huius Pisonis exemplum, atque omnino imitandum. Plato*

ad Dionis propinquos: Ταυτὸν δὲ & πρὸς πόλεως αὐτῆς θλονόμῳρον καὶ ἔτιν τ' ἐμπερὶα. λέγων μὲν, εἰ μὴ καλῶς αὐτῷ φαίνοιτο πολιτεύεσθαι, εἰ μέλ- λουσι μὴτε μαζείως ἐρεῖν, μὴτε ὑποθαινεῖσθαι λέγων: Hoc eodem animo erga patriam suam affectum, viuere prudentem virum oportet. Di- cere quidem, siquid non rectè administrari ei videatur: sed eā le- ge, si futurum putet vt neque frustra dicat, neque dicendo vitæ pe- riculum incurrat. Quod tamen ita verum, nisi rex aut regnum pe- riclitetur. Nam tunc nullum discrimen bonum consiliarium teneat, quin clamet. Themistocles ille exemplo, qui olim ad Lacedæmo- nium: Feri, sed tamen audi.

Epistola
VI.

Plut. in
Themist.

Consiliarij
taciti sum-
to.

Quintò Silentium.] *Omnino seruandum in Consilio, quod vim habere vis aut vsus. Et seruandū etiam tuā consulētis caus- sâ. quia arduum nimis est, meruisse Principis secretum, vbi siquid cognoscitur, prodi vel ab alio formidatur. Alexander cum arcanas quasdam litteras Hephæstioni legisset, detractum annulum ori eius admouit. quisque sibi id factum putet, & simul in Consilium lectus est, os sibi clausum à Principe signatumque. Persas cogita: apud*

Cassiod.
VI II.
Var. ep. x.

Sicut apud
Persas.

quos, ait *Ammianus*, nemo consiliorum est conficius, præter opti- mates taciturnos & fidos, apud quos silētij quoque colitur numen. De quibus & *Curtius*: More quodam Persarum, arcana regum mi- rra celant fide. non metus, non spes elicit vocem, quā prodantur oc- culta. vetus disciplina regum, silentium vitæ periculo sanxerat. Si- mile apud Romanos. quorum Curia, in tanto numero Senatorum,

Sicut apud
Romanos.

silentio sic undiq; clausa; vt non dicam vnum, sed neminem au- disse crederes, quod tam multorum auribus fuerat cōmissum. No- tabile illud de Eumene rege: qui cum Romam venisset, & regem Per- sen in Senatu accusasset, ac de toto bello cum Patribus deliberasset: in præsentia nihil, præterquam fuisse in Curia regem, scire quis- quam potuit. bello denique perfecto, quæq; dicta ab rege, quæque responsa essent, emanauere. Mira & diuturna silentij fides.

Valer. II.
cap. II.

Li. XLII.

IN CAP. VI.
Vitanda Consiliariis.

ADVERSVS peritos, peruicaces.] *Turpe. & est aliquis, P A G. 47. etiam ubi iuste refragaris, refragandi modus. Demosthenes merito Spartanorum institutum laudat, quod tale. Ferunt, inquit, apud eos dum decernitur, quemque sententiam suam liberè promittit: sed ubi decretum est, eadem laudare omnes, & adiutores esse etiam illos qui contrà dixerant.*

Discordia inter consuafores.] Perniciosa semper, non aliter quàm si remiges & nauta digladiantur in vnà aliquà navi. Tacitus notat: Iulius Clasicianus Suetonio discors, bonum publicum priuatis simultatibus impediēbat. Et semper ita euenit, ubi inter collegas emulationes. Quid remediū? ut aut ponantur eæ, aut certè seponantur. Aristidis exemplo: qui Themistocli valde aduersus, cum tamen vnà in legationem missi essent, & ad portā Vrbs venissent: Visne ô Themistocle, inquit, inimicitias paulisper hîc deponamus, recepturi eas cum redierimus? Sciebat scilicet rem communem, sine communione animorum, numquam rectè administrari.

Auaritia, siue rei suæ studium.] Ab pestis! Nullum enim est officium tam sanctum atque sollempne, quod non auaritia comminuere ac violare soleat. Quinetiam, ut Pindarus ait, κέρδιος σοφία δέσσει: Lucro etiam Sapientia capitur & irretitur. Igitur cauenda illa, & omnes ad eam causse. Ac prouide illi populi: quibus legem fuisse Aristoteles ait, ut qui agros limitaneos hostibus haberent, non admitterentur ad Consilia belli gerendi, quasi ob priuatæ rei aspectum suadere minùs commodè possent. Nec Principi remedium hîc aliud, quàm ut ne naturâ tales eligat: & item ut prolixè cum electis agat, atque omnia à se expectent.

Lex Thebanis, quæ vetuit.] Videntur remouendi à reip. administratione mercatores, causâ non vnâ. Primum, quia consuetudine & inclinatione auari: ideoq; faciliè publicam rem, in suâ vertant. Secundo, quia parum magnanimi aut splendidi: atq; ut Aristotelis verba vsurpem, ἀπορὸν τὸ τῶν τοῦ βίου καὶ τοῦ ἀπορὸν τὸ τῶν ἀνθρώπων: parum generosa hæc ratio vitæ, & virtuti aduersa. Tertiò denique, quia in publicâ personâ Auctoritatē id minuit: & ut Linus ait, quæstus omnis indecōrus Patribus est visus. Ab hac sententiâ fateor me stare, præsertim in regno. Vbi tamen aut rara nobilitas, aut plerique honestiorū amplexantur id genus vitæ: non nimis eos repellam. & scio Venetos, Florentinos, Genuates, Batauos sic vîsasse, haud magno suo malo. Quinetiam olim dignitatē mercature fuisse,

Exord.
xxxix.

Ann. xiv.

Plutarch.

Cic. pro
Quinct.

Polit. vii.
cap. x.

vit. Polit.
cap. ix.

Lib. xxi.

In Solone.

Diffidia in
Consiliis
mala.

Ad lumen
Curia po-
nenda.

Auaritia
arcedenda.

Mercato-
res non apti
ad Consilia.

Causse.

Interdum
tamen ad-
mittendi.

vsus eorum
Principi.

fuisset, *Plutarchus tradidit*: vt, quæ commoda ex regionibus barbaris afferret, amicitias cum dynastis conciliaret, & ad multarum rerum penitiam conferret. *Nota Princeps. & hoc genere hominum cum fructu sæpè utere, siue ad explorandum, siue ad ingressum & aditum aliquem apud longinquos & ignotos faciendum. Nonne hoc Lusitanis regibus limen ad Orientis regna & primus gradus?*

IN CAP. VII.

Impedimenta boni consilij.

PAG. 68.

Præfiden-
tes noxijs.

Cum metu
consulen-
dum.

FIDUCIA.] *Noxia valdè in consilijs, quia suas alienasq; vires parùm librat, & euentus omnes aptat ad sua vota. Principes eadem sæpè fallit. qui naturâ magni, libenter audiunt hos magnanimos, & ipsem magis ipsam, quàm spei causam intuentur. Arcenda, videndumq; semper ne illud audiamus: Πενὲς φαχθαί, δέρεϊς: Πριυ- quàm occideris, excoriaris. Polybij sanum hîc dogma, iubentis: μηδέποτε βεβλόμεθ' ὡς ἢ μέλλοντος, ὡς ἢδε γεγονότος, μηδὲ περὶ αὐτοῦ βεβαιωμένοις ἢ ὡς ἢ ἀκμῇ ἐνδεχόμενον ἔστιν ἀλλως γινέσθαι, νέμειν δὲ μερίδα τῆς ὥρᾳ δόξῃ, πάντα χη μὲν ἀνθρώπους ὄντας, μάλιστα δ' ἐν τοῖς πολεμικοῖς: Numquam de futuris rebus, tamquam iam factis, deliberare; neque præfidere constanter in iis quæ aliter euenire possunt. sed partem aliquam inopinato euentui relinquere, cum vbi- que homines simus, maximè verò in rebus bellicis.*

Li. xxv.
Adag.
Græcor.
Lib. 11.

Imperiti
plerique
stolidi.

Aut adu-
latores.

Cum sapientiâ non commiscetur.] *Non hercules, cum sit imperitia ipsa proles. Thucydides: Ἀμαλία μὲν γέσσε, λογισμὸς δ' ἐκονον φέρει: Inscitia Fiduciam, Prudentia Cunctatione gignit siue vt Hieronymus transtulit: Imperitia Confidentiam, Eruditio Timorem creat. Cui apud reges Adulatio etiam sæpè mixta: dum auribus illorum seruiunt, & tam magnos validosq; eos faciunt, quàm videri volunt. Talis Minio ille apud Antiochum: qui ignarus omnium externorû, viresq; estimans regis ex rebus in Asia Syriaq; gestis, temerè eum impulit ad Romanum bellû. Acceffit eiusdem ingenij nescio quis Alexander Acarnan, qui tamquam non vtrum bellandû necne esset, consuleretur, sed vbi & quâ ratione bellum gereretur, victoriam se haud dubiam animo proponere affirmabat. O pestilens genus, præsertim vbi Princeps ipse ad typhum & fastum inclinat!*

Lib. 11.

Epiq. ad
Euagr.

Li. xxxv.

Ibidem.

Quando
& quato-
pius consilia
subita aut
fortia, utri-
usq;

Consilia calida & audacia.] *Quæ tamen haud semper improba, ne erres. In communi quidè administratione rerum valdè dam- nanda: at in nouo aliquo aut subito discrimine, vtiliter & necessa- riò sæpè adhibenda. Apud Capitolinum scribitur: Hanc nouis re- bus debere inesse constantiam, vt rapienda sint consilia, non qua- rendo. Doctor noster regulam hanc suggerit: Cunctatione non*

In Maxim.

Tacit. 1.
Histor.

opus,

III. Hist.
Ibid.

opus, ubi perniciosior sit quàm temeritas. Imò ab eodem disces: Inter ancipitia, deterrimum esse, media sequi. *Observa. quia plerique hic peccant, & in rebus afflictis, ut idem loquitur, nec provident satis, nec audent.* *Rebus exitum, media speranda.*

Lib VII.

Celeritas, infamis naufragiis.] *Pulchrè Artabanus apud Herodotum. Επειγέμεναι μὲν νῦν πᾶσι ἀπὸ τῆς μεγάλης σφάλλεται ἐν τῇ ζήλει μεγάλοι φιλέουσι γίνεσθαι. ἐν δὲ τῷ ἐπιχειρῆναι ἀγαθὰ, εἰ μὴ παύσασθαι δοκίοντα εἶναι, ἀλλ' ἀναζέοντες εὐροίης ἀν:* Festinare quoduis negotium, gignit errores: unde maxima detrimenta exoriri solent. At in cunctando bona insunt, quæ si non statim talia videantur, tamen in tempore bona quis esse reperiatur.

Consulta oportet exsequi festinanter.] *Velleius M. Agrippæ* PAG. 69. *hanc laudē tribuit: Vir, inquit, labore, vigiliâ, periculo inuictus, & per omnia extra dilationes positus, consultisque facta coniungens.*

IN CAP. VIII.

De Principe, quî se gerat in Consiliis.

I. Hist.

Philip. I.

Tacit. I.
Hist.
Phil. III.

MATURE deliberet.] *Ne eveniat scilicet, quod in consiliis* PAG. 69. *infelicibus (Taciti verba) ut optima videantur, quorum tempus effugit. Tu verò tempestivè, cum res non erit subita, delibera. quia oportet, ut scitè Demosthenes dixit, ἐκ ἀπολαβεῖν τοῖς ἀγαθῶσι, ἀλλ' ἐμπαροῦντα εἶναι τὰ ἀγαθὰ:* non subsequi & comitari res, sed rebus ipsis antecedere & præire. *Et addit: Sicut Imperatoris est præire exercitui, sic benè consulti viri ipsis negotiis. Aliud tamen in subitis. ubi factò potiùs opus quàm consulto. Tum festinandum, neque hesitandum: ut ij, qui neque alienis consiliis regi, neque sua possunt expedire. Enimvero, ait Demosthenes, dum navis est salua, promptè consulere & providere oportet, ne evertatur: postquam fluctus exsuperat, inane est studium.* *Interdum & celeriter.*

Epist. LXX.
II.

Magna in rep. momenta sunt temporum.] *Quis id nescit? adeò ut super eadem re, alio atque alio tempore, aliud sit censendum. Seneca pulchrè: Consilia rebus aptantur, res nostræ feruntur imò voluntur. ergo consilium sub die nasci debet; & hoc quoque tardum est nimis, sub manu, quod aiunt, nascatur.* *Pro temporibus consilia.*

Peccatur hîc in plurium statu.] *Verissimum est, nec quidquam tam ibi solitum, quàm disputando rem extrahere, & sæpè labefactare. Cavisse olim Achaos video, & legem habuisse, ut in conventibus dies vnus deliberationis esset, alter decreti. Vtilis ipsa aut ex similibus lex, in optinatum aut populi statu: Principi vitare facile, ubi & pauciores consultant, & à nutu eius pendent.*

Ne inutuli contatione.] *Sive in deliberando, sive in apparâdo.* *Tarditas Demo- vitanda.*

Demosthenes Atheniensibus suis non semel hoc obiicit, & tarditati huic imputat res amissas. Τὸν γὰρ, inquit, τὴν ἀεὶ τὴν χρόνον εἰς τὸ παρ- Phil. 1.
 εἰσποδὼν ἐστὶ ἀναλίσκομαι· οἱ δὲ τῶν ἀεὶ γράμπτων καὶ ἐξ ἡμέρας ἡμέρας βραδύτητά τε παρθυρίαν: Nam agendi tempus in apparatu consumimus. rerum autem occasiones non expectant ignauiam vestram & tarditatem.

Super verbis laudiligandum.

Néve dies rerum, verbis terat.] *Sed nec disputatiuncula de verbis: quod in civili hac diffensione euenisse aliquoties memini, & prudentiores risisse. Audiatur Latinorum ille Prator, apud Linium: Ad summam rerum nostrarum pertinere arbitror, ut cogitatis magis quid agendum vobis, quàm quid loquendum sit. Facile erit, explicatis consiliis, accommodare verba. Nec pro meo gustu vniquam consiliarij, qui circa hæc occupati. Compositæ orationes alibi locum habeant, hic brevis dictio & rectum iudicium.*

Sed nec multa ea usurpanda.

PAC. 70.

Res ipsa spectanda.

Audiat cum iudicio.] *Latè hoc patet, & momentum habet. Primum est, quod hic moneo, ut non slectat se affectu quodam & inclinè ad vnum aut alterum, sed res rationesq; ipsas magis spectet. Demosthenes hoc quoque suis Atheniensibus: Sed si quidem verba Exord. LXV
 audituri conuenitis, hæc dicere & audire oportet: si autem super rerum electione deliberaturi, res ipsas per se nudas, quātum potest, diiudicare vos hortor, auferentes sermones omnes qui facti videntur ad fallendum. Secundum, ut peritos in quaque re maximè audiat, atque iis credat. Labet adscribere exemplum Imperatoris Alexandri Seueri, de quo Lampridius: Fuit illi cōsuetudo, ut si de iure aut de negotiis tractaret, solos doctos & disertos adhiberet; si verò de re militari, milites veteres, & senes benè mentos, & locorum peritos ac bellorum & castrorum, & omnes litteratos, & maximè eos QVI HISTORIAM horant: requirens quid in talibus causis quales in disceptatione versabantur, veteres Imperatores vel Romani, vel exterarum gentium, fecissent. Tertium, ut non tam numeret sententias, quàm appendat. Vetus hic querela Plinij: In publicis consiliis nihil tam inæquale quàm ipsa æqualitas. nam cum sit impar omnium prudentia, par omnium ius est. Locum non habet in Principe, qui potens est rerum, & ad suam sententiam omnes trahit.*

Periti in quaque re audienti.

Et meliores, non plures.

Paucis non credendum semper.

Qui à suis ducitur, ut neruis.] *Quod Galba meritisimò obicitum, de quo Suetonius: Regebatur trium arbitrio, quos vnà & intra Palatium habitantes, nec vniquam non adhærètes, Pædagogos vulgò vocabant. Nec tamen abnuo, vnum alterumq; valere gratiâ, auctoritate, fide apud Principem posse, imò & debere: sed cuius nepe nota prudentia & probitas sit: atq; hoc ipsum ita, ut non solus aut alter ille audiantur. Sunt enim vel prudentissimi, tamen profectò nemo*

Cip. XIV.

nemo in omni re, sed nec in omni horâ, aequaliter sapit: & rectè Cominao dictum, à meridie sapè non iidem, qui manè fuimus. Purior illa & sine nube mens, non semper est præsto. Ergo tutius plures audiri, utique in rebus grauib: & sic Artabanus, apud Herodotum,

Homines alij aliâs, & in aliâ.

Lib. VI.

Persarum regi: Rex, nisi diuersæ variantæque sententiæ dicantur, non potest quis eligere meliorem, sed necesse habet uti eâ quæ dicta sit. At cum plures sunt, licet tamquam aurum purum secernere: quod solum separari cum nequeat, alteri applicatû comparatumq; potest. Addo etiam, quod vnus ille aut alter præpotens, facilè à vero abeunt (priuato aliquo aspectu) & à recto. Cominaus ita obseruat, & monet: Siquis singularis tantam habeat fidem apud Principem, ut eum alij obseruent & metuant, is reuerà dominatur, & regnum obtinet, suisq; rebus tantum & facultatibus consulit, publicis neglectis: quod regi (Carolo Octauo) scimus euenisse. Quod ipse de Carolo, impari successore Ludouici patris, idem de pluribus possit, & dederim vel nouitia exempla. Non lubet, nec lèdo, magis illustre vnum, vetustius paullo, de Isaacio Imperatore Græco: qui Theodorum quædam Castamonitam, hominem & ad alias res ciuiles, tum ad pecuniarias aptissimum, non suis tantum sed sibi præfecit. quem inquit Choniates, Logothetam designauit, & ab eo ducebatur, re-ducebatur ut obnoxium aliquod animal, aut potiùs instar mancipij omne quod ab eo imperaretur peragebat, nihil ipse discernens. Contigit autem mori illum Theodorum: quid deinde? querit alium dominum, & adolescentulum quemdam, vix à tabulis & scholis digressum, summæ rei præficit; qui non ipsum Imperatorem solum, uti cetum maximum paruus piscis qui Propompus dicitur, ducebat quò volebat & circumagebat, sed & militares numeros legionesque tractabat: quasi ab ipso femine & incunabulis maximarum rerum administrationi innutritus esset, aut quasi ab ipso natali scilicet sapuisset: haud aliter, quàm Sibyllam, simulatque ab aluo prodiisset, de fabricâ vniuersi differuisse ferunt. Facetè deinde addit Choniates, & subsannat: Erat, inquit, ille adolescens, velut apicula aut culex, aures leonis adliduè circumsonans; aut ut niger pumilio, qui maximum terræ pondus elephantem gubernat, vel ut funiculus, qui camelum naso trahit; vel denique ut angusta porta aut semita, quæ ad Aulam duceret. Et quid miramur? profecto hæc sunt risu, aut morsu potiùs & Satyrâ digna. Faciat qui volet Principum, audiet viuus aut mortuus quod iste.

Plures audiendi.

Vnus alij qui faciliè mutatur.

Imperator, cui imperaturum.

Tamen sine pertinaciâ.] *Alterum hoc est vitium. nec mollem & sequacem nimis esse, nec refractarium oportet. Sapiat ipse aliquid, sed & alios putet. quam animi temperiem pulchrè mihi complexus Homerus videtur.*

Obstinatio vitanda.

Ἀλλὰ ἀνάξ' αὐτός τ' εἶ μὴδεο, πεῖθ' αὐτ' ἄλλω.

Iliad. 6.

Ipse, ô rex, bene consulito, & pareto vicissim.

*Agnata sa- Peccant hic sæpè magni, qui ut fortunâ, sic sensibus, super alios se
pe magnus. putant. Itaque Seneca hunc affectum expressit:*

— regale hoc putat,

In Medea

Sceptris superbas quisquis admouit manus,

Quâ cœpit, ire.

*Imò quidam ita fatui, ut etiam post consilia, ne alienæ sententiæ Tacitus
egère videantur, in diuersa ac deteriora transeant. In hoc numero xv. Ann.*

*Ille Xerxes, qui Græciæ indicturus bellum, (Valerius refert) adhi- Lib. ix.
bitis Asiæ principibus, Ne viderer, inquit, meo tantummodò vsus cap. v.*

consilio, vos contraxi: ceterum mementote, parendum magis vo-
bis esse, quàm suadendum. Nescio insolentius, an stultius dictum.

*At ego hoc quoque nomine, Principem parum aptum esse dixerim
ad puriter consulendum: quòd de re eius maxime agatur. Bene au-
tem hoc Cobares quidam apud Curtium: Natura mortalium hoc Lib. vii.*

quoque nomine praua & sinistra dici potest, quòd in suo quisque
negotio hebetior est, quàm in alieno. Turbida sunt cōsilia eorum,
qui sibi suadent. *Quid tamen in rege sene, & gubernationis iam
gnaro? aliquid plus ei permisierim: sed nō ita, ut cum Tiberio (apud
Suetonium) semper sit sui arbitrij, contentusque se vno. Plus indi- Ca. xvi. i.*
care ipse potest, plus tamen suggerere & inuenire plures.

*Celandæ
sententiæ.*

Sententiam suam celet.] *Quod duplici sensu moneo. ut nec
ipse declarat quòd inclinet, ne ceteris (ait Tacitus) allentiendi neces- iv. Ann.
sititas fiat: sed nec dictis iam sententiis, aperiat quam probet. Deco-
rum enim ita, quasi suæ meditationi quadam relinquat: sed & vti- Tac. xvi.
le ad effectum, ut minus periclitatur efferri. Ann.*

*Iuramen-
tum in
consilio.*

Anima consilij secretum.] *Cui sanciendo, reperio & iura-
mentum interdum interpositum apud Principes. Ita enim Capito-
linus in Gordianis: Omnino exemplum Senatusconsulti taciti non
aliud est hodie, quàm quod vestra clemētia (ad Diocletianum scri-
bit) conuocatis ad interiora maioribus, ea disponit quæ non sunt
omnibus publicanda: de quibus adiurare etiam soletis, nequis an-
te rem completam quisquam vel audiat vel intellegat. Produuntur
autem consilia non verbis tantum, sed & signis. de quo studiosè ita
monuit Polybius: Primum præcipuumque eorum quæ ad feli- Lib. ix.
cem consilij exitum requiruntur, est silere. Itaque neque gaudij
ostentatione, ob spem scilicet inopinatam affulgentem, neque
metus; sed neque familiaritate inductum aut affectu & amore
quidquam communicare cum exteris oportet; sed cum iis dum-
taxat, sine quibus res ad exitum deduci non potest. nec iis ipsi an-
tea quam cuique rei agendæ tempus adiget. Silere autem non lin-
guâ*

*A signis
cauendum,
inductisq.*

guâ tantùm oportet, sed multo magis mente. Multi enim sermone quidem celantes, ipso aspectu & vultu, aut & factorum aliquo, reuelarunt sua decreta. *Ea verò postrema verissima sunt, & quidam suspicari de consiliis suis dant suspensi aut masti, & magnę cogitationis manifesti.*

Tac. xv.
Annal.

Libertatem admittat.] Imò verò & prouocet, atque arte eliciat intimos eorum sensus. Difficile enim & rarum est, ut non aut eò sententias dirigent quò Principem ire cēsent, aut in gratiam eorum flectant, qui ipsi in flagranti gratiā sint regentis. Itaque interdum bonum, Principem subito & quasi aliud agentem, sententiam ab hoc aut illo seorsim exquirere. quod Sfortiam cognomento Magnum callidē & frequenter fecisse, scriptum reliquit Paulus Iouius. Interdum non per se, sed per interpositam personam iubeat explorari. Sed & hoc vtile, sententiam sine ordine, aut immutato ordine ab infimis petere, ne affectu sint potentiorum, ut dixi: sed & ut equaliter omnes parati. Suetonius de Augusto: Sententias de maiore negotio, non more neque ordine, sed prout libuisset, perrogabat, ut perinde quisque animum intenderet, ac si censendum magis, quam assentiendum esset. Vtilissimum autem, in scripto eas exigere & clausis tabellis. Ita enim & accuratior sententia, & certē liberior, sine alterius gratiā aut offensā. Suadet hoc Augusto Macenas, apud Dionem: In causis grauioribus, sententiis non palam rogabis, ne amicis suis fauentes parum liberē quid sentiant pronuncient, sed in tabellis eas scriptas ad te solum, ne cui alij innotescant, perferri iube, & lectas etiam statim deleri. Ita enim verum sensum cuiusque maximē cognosces, si cum illi à nemine alio cognitum iri, persuasum habebunt. Quod si tui aspectu (ita interdum causa aut res est) minùs liberē vel scripturos putes; tum remedium, solos relinquere & inter se deliberare. Mihi etiam non displiceat, quod Turcarum Principes audio usurpare, ut in proximo Senatus habendi loco possint occultē, cum velint, consistere, illinc per cancellos (sed velo opposito) omnium sententias audire: ut tamen adesse eos, etiam cum non adsint, fas sit suspicari: & contrā. Id verò & libertatem dare sententiis videtur, cum non coram ille immineat: sed & intentionem addere, cum semper possit auscultare & adesse.

Libera vox
elicienda.

Huic rei
artes.

In eius vi-
sā, cap.
LXXIX.

Lib. LII.

Regum opes sæpius assentatio, quàm hostis euerit.] Quod vitium ita inhaerens & affixum Aule, ut desperem (nisi crebra Auspicijs) posse euelli. Inuat Seneca verba ruminari & hic apponere: Monstrabo tibi, cuius rei inopiā laborant magna fastigia, quid omnia possidentibus desit: scilicet ille, qui verum dicat, & hominem inter mentientes stupentem, ipsaque consuetudine pro rectis blanda audiendi, ad igno-

Assentatio
crebra Auspicijs.

De Benef.
lib. vi.
cap. xxx.

ignorantiam veri perductum, vindicet à consensu contentuq; fal-
 forum. Non vides, quemadmodum illos in præceps agat extincta
 libertas, & fides in obsequium seruire submissa, dum nemo ex ani-
 mi sui sententiâ suadet dissuadetq; sed adulandi certamen est,
 & vnum omnium amicorum officium, vna contentio, quis blan-
 dissimè fallat? *Nec mirum sanè, tam crebrum hoc genus esse. nam*
& fructum præsentem capiunt, & res in facili ac sine labore. Tacit-
us: Suadere Principi quod oporteat, multi laboris; assentatio erga 1. Hist.
Principem quemcumque sine affectu peragitur. Vult dicere, in re-
cto veroq; consilio adnitendum, & industriè agendum esse: in adu-
latione, cum verus amor aut cura tui publiciq; non sit, ex facili om-
nia dici, tantum ad voluntatem.

At mihi salus illius desperata est.] *Tale hoc Ciceronis: Cu-*
ius aures clausæ sunt veritati, vt verum audire non possit, eius salus
desperanda est. Quid de Perseo rege dicam, qui ab amicis duobus li-
berius admonitus de vitiis præteritis & culpis, vtrumque pugione
interfecit? dignus qui verum postea non audiret, & ipse ac regnum
perirent, vt euénit.

Non remu-
 neranda
 temere aut
 vulgò con-
 silia.

Nec bona quidem consilia præmiis adficiat.] *Causam ha-*
bes in fragilitate vel ambitione humanâ. quia cum semel iterumq;
placuisse se vident, & premium retulisse, extra limites facile ab-
eunt, & tibi se dant muneranti. Sed & sibi placeant, & superbiam in-
duunt: fugiendum. Macenas tamen apud Dionem aduersus nobis
videtur, suadetq; Augusto: Eos qui rectam sententiam probamq; Lib. IIT.
dicent, & lauda & honora. illorum enim ex inuentis ipse bene au-
dies. quiverd aliter, neque ignominia affice, neque accusa. Mentem
enim illorum considerare oportet, non autem aberrationem casti-
gare. Concilio. quod communiter prudentem Consiliarium hono-
rare ac premiari, fas & ius: at non ob singula consulta aut suasa.

Deus supra
 consilia.

Sæpè praua magis, quàm bona cōsilia, prosperè eueniunt.]
Aut si non sapè, vt Sallustius, certè interdū: & dominatur ac ludit
in humanis rebus, præter omnem rationem nostram, præpotens illa

ratio, id est Fatū. *Hæc Demosthenes sapienter: Consultores vestros,*
inquit, vt impostores, siquid aliter accidit, accusatis: neque cōfide-
ratis, quærere & rationibus colligere optima, quantum homo po-
test valetq; id nostrum esse, effici autè isti & succedere felicitet,
id plurimum in fortunâ situm esse. Itaque vir prudens non eò sibi
displicet, si in mente & ratiocinio recto minùs rectus successus. imò
cum Phocione sentiet ac dicet: qui cum aliquando suassisset, nec obti-
nuisset, & contraria etiam sententia feliciter effectui data esset: ro-
gatus, ecquid pæniteret? Minimè, inquit, nam mea meliora, etfi
hæc

Phocionis
 dictum.

Exord.
 XVI.

hæc feliciora. *Cui adsonat hoc Artabani, apud Herodotum: Suae-
deo tibi rex, inquit, bene deliberare in quo maximum est lucrum.
Nam etiam si aliter accidat, nihilominus tamen bene consultum
est, & superavit Fortuna consilium: qui verò male consilium ce-
pit, si Fortuna ei arrisit, ille est quidem voti sui compos, sed nihilo-
secius malè consultum est. Atque hæc de Consiliis. ad quæ quoniam
bellum & commodum est Caput siue tractatio in Leone Imp. de
Apparatu bellico, lubet id totum hîc adscribere, cum fructu imò &
voluptate à Politico legendum.*

Quomodo consilium capiendum sit.

C A P. I I I I.

OMNEM actionem consilium anteat: inconсульта enim rerum tracta-
tio haud satis tuta est. Nam quamquam interdum quis gloriatur se,
quali simul & deliberauerit, & res suas gesserit, multa prosperè atque ex tem-
pore gessisse: tamen perrarè aliquid tale vsu venire fortunatè solet.

2. Propterea in primis præcipimus tibi, vt ante omnes res suscipiendas,
maximè autem bellicas, consilium cum iis præfectis capias, qui tibi ad hoc
idonei videbuntur: cuius generis Tarmachæ reliquique sunt. Vbi vero fir-
mitatem aliquam habere consilium videbitur, rem ipsam de quâ delibera-
sti, omni studio ac diligentia contendas ad exitum perducere, nisi si (quod
persæpè solet accidere) aliquid interim aduersum & contrarium consilio
contingat. Consilium autem quidnam tandem sit, & quemadmodum con-
silium tutè expedire possis, explanabo.
3. Consilium est, deliberatio quædam de re agenda vel non agenda. Si res
agenda non sit, statim sistendum tibi est: sin agenda sit, modum agendi vel
quomodo; tempus vel quâdo; vbi vel locum; quid vel rem agendam; quem
vel personam qui hoc suscepturus & ad exitum perducturus est; propter
quid vel causam cuius gratia res suscipitur; considerare oportet.
4. Qui deliberaturus secum est, ante omnia suam ipsius mentem ab om-
nibus perturbationibus liberam habeat, maximè autem ab amore vel odio
atque omni aliâ perturbatione, quæ rei de quâ deliberatur damnosa esse
potest.
5. Deinde non solùm quid facile sit eligito, & in hoc incumbito, sed etiam
omnia quæ vsu venire possunt animo prospice: fortassis enim post rem in-
cœptam aliquid se tibi quod in primis conducibile est, offeret, quod antea
prætermisisti.
6. Quòd si tecum ipse non solùm capere consilium, verum etiam alios as-
sumere volueris, teipsum tamen ab omni perturbatione vacuum præbe, ac
si solus deliberares. Consultores autem adhibe experientes rerum, proui-
dos, perspicaces, ærumnarum ac prosperitatis tuæ socios, ad excogitan-
dum solertes, fideles, qui tibi neque ad gratiam obtemperabunt, neque illi
qui reiceptor existit, neque sibi mutuo, sed qui quod cogitant dicunt, qui

simplici animo & incorrupto sunt, nullumque ex iis rebus lucrum querunt, sed eo ipso tempore quid maximè utile sit explorant.

7. *Sunt enim qui cùm lucrum aliquod aut compendium, aut ad se, aut eos quos caros habent atque diligunt, pertinere posse vident, totam iudicationem rei eò transferunt: & quia pertinentes sunt, vniuersum consilium ab utilitate communi, ad id quod ipsi volunt deducunt.*

8. *In rebus occultis & abditis, fideles adhibe tibi & temperantes viros, & tacituros, & qui in sua & non aliorum potestate sunt, cùm secreta res ista, vt secretiores fiant, minimè ad cognoscendum multitudine indigent.*

9. *Delibera tardè, nisi aliqua necessitas celeritatem requirit: vbi consuleris, si nullum impedimentum sit, maturè facito.*

10. *Tempus & locum, quemadmodum prædictum est, rei idoneum elige. Sed de eâ referas non ad teipsum solum, sed etiam ad omnes qui tecum consilij participes fuerant, & quid facto opus sit, cum multis delibera: quæ verò agere volueris, cum paucis communica, & vbi optimum ex omnibus consilium ceperis, apud te solum tene, ne aduersariis hoc indicetur, & insidiis illorum appetare.*

11. *Res ipsæ diuersas & plurimas sæpè afferunt sententias. fortassis autem quæuis res circumstans omni ex parte manifesta fiet, si singulæ consultorum sententiæ inter deliberandum in vnum conferantur.*

12. *Omnes autem debent huc spectare & conuenire, ad saluam atque illaeram multitudinem conseruandam, & ad curam prouisionemque eius qui eos conuocauit suscipiendam.*

13. *Finis consilij sit tibi, vt cognoscas in rebus gerendis vbi & quando agendum vel non agendum sit, & quâ de causâ quidque agendum.*

14. *In deliberatione tuâ, & in omnibus sententiis quæ in deliberationem veniunt, adesse hæc duo oportet, posse illud fieri, atque utile esse: hæc enim duo si non adsint, infirmum consilium esse & temerarium statim deprehenditur, & quasi ante oculos illius vitium cernitur.*

15. *Si enim inutile sit de quo deliberas, non modò non commodaberis, verumetiam lædèris. Si verò non possunt de quibus deliberatum est perfici, inanis hæc consideratio ad temerarium exitum, quod fieri nullo modo aut viâ potest, necessariò pertinet. In primis autem vitare oportet eas offensiones, quæ in promptu sunt. vulgus enim hominum solet rerum futurarum cogitationibus seipsum oblectare, offensiones autem circumstantes prouidere non solent.*

16. *Vtilissima autem est in omnes partes animi quasi excubatio, & eorum quæ vllâ ratione fieri possunt in considerandis rebus pertractatio: ita enim fiet, vt neque teipsum nimis cæcæ temeritati exponas, nec rursus nimiam rerum cupiditate illectus, in manifestum aliquod discrimen incidas.*

17. *Rursus timor absque vllâ audaciâ, à vitio non abest: & qui quosuis casus temerarios formidat, temerè sæpè aduersus seipsum multa facit, & quæ ex vsu suo sunt negligit, & ab vtilibus rebus suscipiendis abhorret.*

IN CAP. IX.

De occultis & domesticis consiliis.

VT I spernat genus illud domestici consilij.] *Hoc genus* PAG. 71.
nampe quod subiungo, è vilibus aut seruilibus ingeniis: non Vilium ho-
in vniuersum damno, si quis in familiâ auctoritate & fide dignus: minû consi-
sed ipse quoque inter digniores. Crede hoc semel Princeps, nihil ge- lius baud
nerosum aut altum à seruitiis illis expectandum, & contagione istâ vendum.
tu quoque sordesces. Vide te quæso Ammiani scomma, sed appositû,
in Constantium Imperatorem: Mercari complures nitebantur Eu-
 sebij fauorem, cubiculi tunc præpositum, apud quem (si vera dici
 debent) multa Constantius potuit. *O figuratum, sed asperû morsum!*
multum erat, illum homuncionem Eunuchum, aliquid apud Im-
peratorem posse, at ille inuertit, & quasi ipse potens rerum & arbi-
ter esset, Multa, inquit, apud illum Constantius potuit. Eò veniunt
descenduntq; isti, qui domesticis regimen sui præbent. In Claudio
Imp. nōne olim simile? qui libertis vxoribusq; addictus (ait Sueton-
nus) non Principem se, sed ministrum egit. Vnum hoc incōmodum,
Indignitas: adde alterum, Predationem. Isti enim rapiunt, exha- Rapaces
uriunt, vendunt omnia, & prædas agunt. Crebrum olim malum & hoc genus.
in historiis frequens, præpotentes liberti aut eunuchi. Spreuit Ale-
xander Imp. (bonus, & variè imitādus) qui vt Lampridius ait, Eu-
nuchos nec in consiliis, nec in ministeriis habuit, qui soli Principes
perdunt, dum eos more gentium aut regum Persiarum volunt vi-
uere. qui à populo, etiam amicissimum Principem semouent, qui
internuncij sunt, aliud quàm respondetur sepè referentes, clauden-
tes Principem suum, & ante omnia agentes, nequid sciat. Qui cū
empti sint, & præci fuerint, quid tandem possunt boni sapere?

Bonus, cautus, optimus venditur Imperator.] *Dictum hoc*
& querela Diocletiani fuit, de quo Vopiscus: Sed ego à patre meo Notabilis
audiui, Diocletianum Principem, iam priuatum, dixisse, Nihil esse vix.
difficilius quàm benè imperare. Colligunt se quattuor vel quin-
que, atque vnum consilium ad decipiendū Imperatorem capiunt,
dicunt quid probandum sit. Imperator, qui domi clausus est, vera
non nouit: cogitur hoc tantū scire quod illi loquuntur: facit Iu-
lices quos non oportet, amouet à rep. quos debeat obtinere. Quid
multa? vt Diocletianus ipse dicebat, Bonus, cautus, optimus vendi-
tur Imperator. Nec dissimile, quod Misithens Præfectus pratorio,
vir laudatus, Gordiano Augusto, & genero suo scripsit, apud Ca-
pitolinum: Euasisse nos grauem temporum maculam, quâ per spa- Contra
ditiones & per illos qui amici tibi videbantur (erant autem vehe- Ministris
mentes inimici) omnia vendebantur, voluptati nobis est, & eò improbos.

magis quò tibi gratior emendatio est. Neque enim quisquam ferre potuit, datas eunuchis suffragantibus militum præposituras, negatum laboribus præmium, aut interemptos aut liberatos, pro libidine atque mercede, quos non decebat: vacuatum ætarium per eos, qui cottidie insidiosissime frequentabant: initas factiones, ut tu decipereris, cum inter se de bonis pessimi quique haberent consilia tibimet suggerenda: bonos pellerent, detestandos insinuarent, omnes postremo tuas fabulas venderent. Diis igitur gratias, quòd volente teipso emendata resp. est. Delectat sanè esse boni Principis focerum, & eius qui omnia requirat & velit scire, & qui pepulerit homines, per quos antea velut IN AVCTIONE POSITVS NVNDINABATUR. *Qua talia interdum diffusius exsequor & repono, ut in aliena vitiorum imagine, sua Principes videant, & damnent, si habeant, exsecrentur & abstineant, si non habent.*

IN CAP. X.

De Administris, eorumque lectione.

Boni Mini-
stri, laus
Principum.

ELIGI suadeam cum cura.] *Et mecum Cassiodorus, in personâ Theoderici regis: Ad ornatum palatii credimus pertinere, aptas dignitatibus personas eligere: quia de claritate feruientium, crescit fama dominorum. Tales enim prouehere Principem decet, ut quoties procerem suum fuerit dignatus aspicere, toties se cognoscat recta iudicia habuisse.*

Varian. IV.
epist. II 3.

PAG. 72.

Præsumptio
melior de
Nobilibus.

Vt genus iis honestum.] *Enimvero interest, & de his talibus spes omnino maior meliorq. Theodericus item rex, apud Cassiodorum: Prouidentia nostra ratio est, in tenera ætate merita futura tractare, & ex parentum virtutibus proles iudicare successum. Quia bona certa sunt, quæ fidem ab exordio trahunt, dum origo nescit deficere, quæ consuevit radicitus pullulare. Fertur etiam cursu perenni fontium vena vitalis, & hanc conditionem sustinent cuncta manantia, ut sapor, qui concessus est origini, nisi per accidentia fuerit fortè vitiat, nesciat riuulis abnegari. Atque etiam in omni nobilitate, etsi corrupta, generosum tamen aliquid & ambitiosum inest: Habet autem, ait Seneca, hoc optimū generosus animus, quòd concitatur ad honesta. Neminem excelsum ingenij virum humilia delectant & sordida. Tiberius igitur, in plerag. gubernatione prudens, hoc quoque seruabat, ut mandaret honores (Taciti verba) nobilitatem maiorum, claritudinem militiæ, illustres domi artes spectando, ut satis constaret non alios potiores fuisse.*

II. Var.
epist. XV.

Ut fons, ita
riuuli.

IV. Ann.

Causæ pul-
chre, cur
viles non
promouendi

Vilis ille, qui tantum viles sibi admouet.] *Neque hoc tantum, sed causæ etiam aliæ accedunt, Dioni Cassio, in Agrippæ suasi-
oriâ ad Augustum, dicta. Si remp. inquit, ignauis & non magni*

Lib. I. 11.

pretij

Lib 2.

Lib. 11.

39 3

Melio-

Præui mi-
nistri peri-
culosi.

Meliorem esse remp. & propè tutiorem, in quâ Princeps malus.] *Causa in eodem Lampridio additur: siquidem vnus malus potest à plurimis bonis corrigi, multi autem mali non possunt ab vno; quantumvis bono, vllâ ratione superari. Atque hoc est quod in Traiano desiderabatur, ipso optimo, sed patiente & retinente ministerij mali.*

Favor etiâ
præuehit.

Emitur solâ virtute potestas.] *O bonum Principem, qui sic facit! ô statum felicem, ubi id facit! Sed rara hæc electio, & vel optimi Principes miscant. Theodoricus rex, in Cassiodoro: Dignitas dum ad incognitum venit, donum est; cum ad expertum, compensatio meritorum. quorum alter, debitor iudicij; alter obnoxius est fauori. Hos enim æstimatione subuehimus, alios gratiâ promouemus, & ad omnes indulgentiæ vias se nostra relaxat humanitas.*

Lib. i. Var.
Epist. xlii

Interdum
& Mercaturæ.

Ille verò fatetur, quod res est: & Gratia persæpe in comitia hæc venit, an non & Pecunia? fortasse, sed ô turpe, imò & exitiosum! vel hæc causa: quod rara in talibus integritas, & corrumpuntur facile qui corrumpere. Alexander Senerus dicebat: Ego verò non patiar mercatores potestatum. necesse est enim vt qui emit, vendat. Pariter Seneca: Prouincias spoliari, & nummarium tribunal, auditâvtrunque licitatione, alteri addici, non mirum: quando, quæ emere vendere, gentium ius est. Sed & Ludouicus Duodecimus, rex Galliarum, de talibus solitus dicere, Eos quod auertione emissent, singillatim postea vendere. O Francia, quod iaces & peris, hæc habes vel inter primas causas.

Lamprid.

De Benef.
l. cap. xy.

In Mini-
striu Prin-
ceps peccat.

In Principem culpa cunctorum redit.] *Mæcenæ ita Augusto, apud Dionem: Nulli amicorum aut officialium tuorum nimia est indulgenda potentia, sed ita iis moderandum, vt ne te in culpam aut reprehensionem coniciant. Quidquid enim hi rectè vel sequiùs egerint, id verò tibi adscribetur, talemq; te cuncti censebunt, qualia eos facta exercere permiseris. Ipsa autem ratio, quæ in poetâ nostro adiungitur, Iubere peccare, qui non vetat: prorsus eadem in Philone concipitur, contra Flaccum. Is enim cum Agrippam regem, Alexandria passus esset illudi, atque ipse ibi Præses: obiicit ei Philo, & addit: Ο γὰρ ἐπιπλήττειν ἢ τὸ παύσαντο ἐπέχει ἀνδρωνεῖς, ei non necesse est, δῆλος γὰρ ἐρεῖς, & ἐπιβέπων αὐτός: Qui enim castigare, aut saltem cohibere, cum possit, nec cohibet; palam est, cum permittere & pænè mandare.*

Lib. l. ii.

Permittere,
quasi
iubere est.

Omnes ministros ciuibus & reip. præstet.] *Theodahadi regis, apud Cassiodorum, dictum præclarum: A domesticis incohare volumus disciplinam, vt reliquos pudeat errare, quando nostris cognoscimur excedendi licentiam non præbere.*

Lib. x. Var.
epist. v.

Ille

Ille ad ciuilia, hic ad bellica naturâ aptior.] *Quod Homerus quoque, ut pleraque prudentiæ aut sapientiæ, sic reuelauit :*

Ἄλλ' ὁ μὲν ἀρμωδοῖον, ὁ δὲ ἐν χεῖρὶ πολλὸν ἐτίμα :

Vnus consiliis, alter præstantior hastâ:

de Polydamante & Hectore ab eo prolatum. Et Polybius illustri exemplo hoc notauit in Arato Sicyonio, qui ad ciuilia omnia mirificè vaser & appositus, trepidabat in bellicis: nec exsequi aut facere, cor aut corpus ei firma. Ipsa Polybij verba compendio dabo: Aratus, inquit, erat in rebus ciuilibus vir vndique perfectus. facundè loqui, prudenter cogitare, industriè cogitata exsequi, hæc omnia poterat: discordias etiam ciuiles leniter ferre, & amicos adiungere & socios facere, inter primos artifices. Tum etiam insidias, fraudes, subseffus in hostes comminisci, eademque ad exitum deducere, ob tolerantiam & audaciam, efficax maximè aptusque erat. Hic autem ipse, siquando in aperto acie dimicare vellet, segnis in consiliis, timidus in aggressionibus, nec aspectu quidem aut vultu pugnam tolerans. Ideoque & Peloponnesum repleuit trophæis, sed in se erectis. Aded natura hominibus non corpora solum, sed animos dedit dissimiles variantesque, ut idem ille vir non solum erga res diuersas diuersè se habeat; sed & in iis quæ affimiles, aliàs sapientissimus videatur, aliàs tardissimus, itemque & audacissimus, & timidissimus. Neque hæc inopinata nimis aut paradoxa sunt, sed nota & familiaria iis qui volunt intendere. Nam ecce & in venatibus alij sunt audaces, ferasque subsistunt; iidem ad arma & contra hostes, degeneres. Sed & in bellicis rebus, alij in singulari certamine, & cum vir cum viro componitur, acres & validi sunt; iidem communiter in prælio & instructâ acie, ignaui & nullius pretij. Thessalorum equites turmatim & confertim si ingruant, intolerabiles sunt: extra aciem, in tempore aut loco viritum pugnare, timidi, & inutiles. Ætoli autem contrâ. Scilicet magnus ille Deus hoc voluit, aliud esse aliis, nec in omni re vnum eminere.

De Arati ingenio notabile.

Diuisa dona.

Claud.

— partitum singula quemque

Nobilitant, hunc forma decens, hunc robur in armis,
Hunc rigor, hunc pietas, illum solertia iuris,
Hunc soboles castique thori.

Atque ut alius poeta ait :

Homer.
Iliad. N.

Ἄλλ' ὁ μὲν γὰρ ἐδωκε θεὸς πολέμῳ ἔργα,
Ἄλλ' ὁ δὲ ἐρχομένην ἐτέρῳ κισθάρην καὶ αἰὶς λέω:
Illi bellica nempe Deus donauit, at illi
Saltate, atque alij fidibus cantuque valere.

PAG. 73.

Felicitas quosdam promouet, & summi Genii.

Principum inclinatio in hos, offensio in illos est.] *Quis non cotidie animaduertat? & est sanè in his promotionibus ius ali-*
quod.

quod etiam fortuna. Tacitus de Vespasiano: Multos præfecturis & procurationibus, plerosque senatorij ordinis honore percoluit, egregios viros & mox summa adeptos; quibusdam fortuna pro virtutibus fuit. *Sed* & ius hoc est diuinis regibus, *ut in Homero legi*, Odys. d. alium virorum odisse, alium amare. *Itaque arguè Casiodorus*: Non est maius meritum, quàm gratiam inuenisse regnantium. *Quid, quod ipsa electio visa initio absurdior, sæpe postea laudatur? Verè enim Tacitus*: Multos in prouinciis, contrà quàm spes aut metus de illis fuerit, egisse. excitari quosdam ad meliora magnitudine rerum, hebescere alios.

IN CAP. XI.

Præcepta Administris.

AV DACVLI.] *Seneca de Tranquillitate*: Quorundam parum idonea est verecundia rebus ciuilibus, quæ firmam frontem desiderant: quorundam contumacia non facit ad aulam. Medium ergo tenendum, *ut & fiducia adsit, & contumacia absit.*

PAG. 74.

Iactantia
odiosa.

Aulicimores.

Sine iactantiâ agite. In quo peccant sæpè aulici, & odia atque inuidiam prouocant frustra. Talis ille Heraclides, potens apud Philippum Macedonem, & ex vili humiliq; euectus: de quo Polybius, *ὁρῶν δὲ τοὺς ταπεινότερους καὶ ἐπληκτικώτερος & πολυμώτερος, ὁρῶν δὲ τοὺς ὑπερόχοντας κολακιστάτας*: aduersus inferiores seuerus maximè & superbus, erga superiores in primis adulator. *Atque isti iidem, de quibus Seneca*, regis potentia ministri, quos delectat superbix suæ longum spectaculum; minusq; se iudicant posse, nisi diu multumq; singulis, quid possint, ostendant. Nihil contestim, nihil semel faciunt. Iniuriæ illorum præcipientes, beneficia lenta sunt. *O penicillum, non calamus, & quo temporis etiam nostri egregiè mores effinguntur! Sed & à Dione, de Seiano illo, nō altero à Tiberio, sed altero pænè Tiberio*: Is, inquit, homo superbissimus studiosè ab omnibus colebatur, salutabatur, deducebatur. Omnia enim acriter, & maximè procerū, obseruabat & verba & nutus. Nam qui propriâ potentia nituntur, neque salutationes aut hæc obsequia valdè requirunt; & si omiſsa fuerint, vitio non vertunt, ipsi nempe sibi consicij contemptu sui hoc non factum. Qui verò fūco & adſcitiſcio splendore vtuntur, ij omnia talia magno opere, & tamquam ad dignitatis suæ culmen pertinentia, requirunt, & nisi consequantur, grauiter ferunt vt abiecti, & irascuntur quasi iniuriâ affecti. Ideoq; istos magis pænè, quàm ipsos Imperatores, vulgò obseruant, & circa eos satagunt: quoniam apud hos siquid peccatur, virtus censetur remittere & ignoscere; apud illos, imbecillitas & virium inopia. contrà autem vlscisci, facere ad stabiliendam ostentandamque po-

11. De Benef. cap. v.

Lib. LVIII

ten-

tentiam arbitrantur. *Tales isti, qui potentiam suam non bene ferunt, & ideo nec diu sapè ferunt.*

Ad auctorem & ducem, vt minister, fortunam referas.] *Valde hoc obseruandum, præsertim in bellicis, in quibus haud temerè alios volunt eminere. Ad Principem igitur refer, cuius auspiciis pugnas, per eius fortunam (ita res est) fortunatus. Dirigit enim hac suprema Providentia, & ministros quoque attollit aut deprimit eius, in quo alterutrum vult fieri. Germani hoc erga Principes suos seruabant olim: & illum defendere, tueri, sua quoque fortia facta gloriæ eius assignare, præcipuum sacramentum erat, vt Tacitus scribit. Simile Gallorum Deuoti.*

Hæc est conditio regum, vt casus.] *Quod ingenium regum* Reges gloria anid.

in vno Philippo Macedone benè expressit Demosthenes: Eum ita gloriæ cupidum esse dicunt familiares, vt omnia præclara facinora sua esse videri velit, & magis indignetur ducibus ac præfectis qui prosperè & laudabiliter aliquid gesserint, quàm iis qui infelicitè & ignauè. Ipse hic affectus in filio Alexandro, de quo Curtius: Quippe Alexander hostes vinci voluerat, Antipatrum vicisse ne tacitus quidem indignabatur, suæ demptum gloriæ existimans quidquid celsisset alienè. Susurrant idem & instillant Antiocho regi interiores aulici, apud Liuium: Ipsam eam gloriam belli, quâ, velut dote, Annibal concilietur, nimiam in Præfecto regio esse. Regem conspici, regem vnū ducem, vnum imperatorem videri debere. Denique consensu ita reges: & patrum quoque memoriâ legimus, (vt vetustiora omittam) quicumq; res magnas sub regibus gessere, ad extremum aut in offensâ, aut in exiguâ gratiâ fuisse. Testor Alonsum Albuquerque, qui plerq; India Orientalis Lusitano regi suo subiecit: at idem accusatus maioris spei, & suspectus denique, reuocatus in patriam est, & morte opportunâ fortasse ignominis exemptus. Simile in Duarte Pacieco, qui post magna merita, in custodiam & vincla coniectus etiam fuit, & in clarâ innocentia liberatus tandem, sed vt in paupertate senesceret. Confaluum Magnum, & Ferdinandum Cortesium, nec ipsos parem gratiam meritis retulisse, aliquis arbitretur & dicat. Quid causæ est: beneficij magnitudo, cui reges dolent & nolunt obstringi. Noster Tacitus: Destruui per hæc fortunam suam Cæsar, imparemq; tanto merito rebatur. Nam beneficia vsque eò læta sunt, dum videntur posse exsolui: vbi multum anteuenire, pro gratiâ odium redditur. Sed & simile hîc quod in arboribus, sub quarum umbram, vbi tempestas est, confugimus: cum deseruauit, ramos frangimus, & abimus. Addam prudentissimi Cominai sententiam: Memini regem (Ludouicum) mecum sic loqui, vt diceret, fieri aliquando vt operæ nauatæ laudabiliter minus pre-

Orat ad
Epist. Phi-
lippi.

Lib. vi.

Lib. xxxv.

Ann. iv.

Magni Du-
ces, ferè
postea
neglecti.

tium sit, idque culpâ eorum qui nauassent: dum elati quadam confidentiâ, insolenter & proterue se gererent. Atque addebat, felicem esse, eius sententiâ, cui rex nullo suo magno merito beneficiû conferret: atque id præstare, ut obstringatur aliquis Principi, quàm ut illum habeat obstrictum. Se quoque hoc ingenio esse, ut plus amaret, qui ob beneficentiâ sibi deberent, quàm alios quibus se debere putaret. *Claudit deinde Comineus*: Tam est difficile in omni genere vitæ sic se gerere, ne impingas: magnumque est Dei donum, valere sensu communi, & iudicio naturali. *Præclara omnia: sed age tu Comineæ, qui hæc scis & precipis, satisne cauisti? naturalis tua prudentia sepsit aut munuit? acceperisti plagam, & in tuâ arenâ circumuentus es ab aulicis, qui, mortuo rege Ludouico, effecere calūniis ut in carcerem condereris, per triennium ferè seruareris, denique capitis causam ipse diceres, ne patrocinari quidē quoquā auso. En ludibria vite, & iactationes hominum! quibus nihil usquam, per ullam sapientiâ, est certi: non certè in lubrico illo culmine & fastigio Aulæ.* *Licet dicere*: Summum ad gradum cum claritatis veneris,

Laberius.

Consistes ægre, & quàm descendas, decides.

Cecidi ego, cadet qui sequitur.

Exteri sub
iecti lnni-
dia.

Atque his liuoribus aut periculis exteri maximè sunt expositi (ut ille ipse Comineus:) quod monuit Polybius: Xantippus, restitutus Lib. 1.

Carthaginienfium rebus, paullo post in patriam redit, optimè sibi consulens. Nam res egregiè gestæ & præclara facinora inuidiam & calumnias gignere solent, quas ciues quidem aut indigenæ, amicorum & affinium copiâ atque operâ, possunt repellere, at exteri faciliè & statim ab utroque isto vincuntur, & periclitantur. *Est in mente magnus Princeps, qui voces & suspiciones, in diuturnitate Præfecturæ & fortuna secundantis, non effugit: maior futurus, si in vigore famæ, & tempestiuè discessisset. Plutarchus igitur sapien-*

In tempore
absceden-
dum.

ter monuit: Εἰναί πνα καὶ πολιτικῆς φιλοδοξίας ἀλάστον. τῆς γὰρ ἀθλη- In Lucullo.
τικῶν ἀγῶνων τοὺς πολιτικοὺς εἶδεν ἦτον ἀκμῆς καὶ ὥστε ἀπολιπούσης ἐλέγχου: Esse & politici cursus finem quemdam ac terminum. nec minus ciuilia certamina, quàm athletica, vigore & tempore destituta, vituperari ac coargui.

Gloriam impositæ summæ manus illis relinqueret.] *Hoc sciuit iam olim & fecit Ioab, magister militiæ Davidicæ, de quo libri sacri*: Misitque Ioab nuncios ad Dauid, dicens: Dimicauit aduersum Rabbath, & capienda est Vrbs-aquarum. Nunc igitur congrega reliquam partem populi, & oblide ciuitatem, & cape eam: ne cum à me vastata fuerit vrbs, nomini meo adscribatur victoria. Ergo, uno verbo, gloria omnis Principi adscribenda, & vindicanda. Quàm fecit hoc vanè, aut stultè potius, ipse Princeps Con-

Constanti
vanitas.

stan-

Lib. xvi.

stantius? de quo Ammianus: eum, edictis propositis, se solum (cū gestis non adfuisset) & dimicasse & vicisse, & supplices reges gentium crexisse, aliquoties scripsisse: & talia, quæ sine risu aut miseratione fatua superbia nemo legat.

II. De Irâ,
ca. xxxiii

Iniurias ferendo, & gratias agendo.] *Tacitus & hoc indicat*: Patientiâ
Egit grates, qui finis omnium cum dominante sermonum. Cur autem non ita faciant, qui in aulâ beatitatem quarunt? *Aristippus opus Aulico.*
præbit, versutus philosophus, qui consputus à Dionysio, cum nihil moueretur, & quidâ mirarentur: Nempe piscatores, inquit ut gobium capiant, aquis patiuntur se adspergi; & ego ut balænam, non pariar spūto madidari? *Addo Senecam*: Potentiorum iniuriæ hilari vultu, non tantū patienter sunt ferendæ. facient iterū, si se fecisse crediderint.

Qui secretis criminationibus infament.] *Contra quos quid* PAG. 75.
remedy? Expostulat cum Deo Choniates in hac re: O inspector Arcana
omnium oculus, quem nemo fallit, cur connives sæpè in his hominum, & grauioribus etiam, culpis? nec statim immittis ignes & tonitru & fulmina, sed vindictam superfedens differs? Imperuestigabile tuum iudicium, & humanis ratiociniis inaccessum: nisi quod sapiens profectò es, & norma certa vtilitatis, et si nos tenui mente præditos id latet. At enim venator aliquis serpentem, aut leonem densâ iubâ, qui in montibus videt vel audit, statim declinat & effugit, sed & maleficus aut latro exorabilis est, & precibus aut lacrimis mollescit: virum verò qui proximo & amico malum in corde machinatur, aliudque sentientem aliud loquentem, multæ sapientiæ est euadere, & à diuino auxilio pendet. *Premiserat verò idem de Theodoro Styppiotâ, per Camateri Logothetæ calumnias euerso*: ac miscet deinde præcepta: Esse eos æmulos, quantum potest, obseruandos, qui ingenio moribusque parū liberalibus & occultis sunt præditi, & linguam habet à corde dissentientem. Ante omnia verò, custodiam ori ponendam, nec sinere linguam temerè euagari dentium septum & labiorum propugnaculum, quibus à naturâ, velut duplici vallo, est circumdata. *Benè, & silentium aut circumspectus sermo optima hinc arma.*

Lib. iv.

Quo incautior decipiare, palam laudatum.] *Id verò argutè* Laudando
malignum & mirum genus ledendi est, laudare. Excitatur enim oc- enectere.
cultè Princeps in linorem aut metū, præsertim si animo pusillus est.
Polybius exemplo & sententiâ id docet, de Apelle quodam subdolo calūniatore. qui cū Aratum apud Philippum Macedonum regem traduxisset, ac falsi compertus esset, non ideò destitit, sed transtulit deinde calumniā in Taurionem quemdam, qui Peloponnesi rebus
h 2 præ-

præerat. Hunc non accusauit, sed laudauit, asserens dignissimum esse, qui cum rege ipso in castris atque acie ageret. *Addit deinde:* Καὶνός γὰρ δὴ τις ἔσσις ὄρνις; ἥτοιμος ἡγεσθαι, τὸ μὴ ψέοντες, ἀλλ' ἐπαγορεύειν. *Νοῦς enim calumnix modus repertus iste, non culpantes, sed laudantes, lædere atque euertere alios.*

*Incerta
Aula.*

Nihil rerum mortalium tam instabile & fluxum.] *Quæ secula id non docent? vetera, media, nostra. Inter veteres, Ioab ille vir acer, callidus, militia Davidis & consiliorum arcanorum arbiter, cum à viuo rege non eueritur, iussus est cedi à successore. Quid Apelles inter Græcos? ille à Philippo rege proximus, eo iam gradu & opibus, ut ab ipso timeretur, momento horæ deiicitur, desertus ab iis qui antea stipabant & colebant. Polybius ita narrat: Aratus flagitia & superbiam eius regi aperit, ad vindictam stimulat, & rex id secum statuit, sed ita altâ dissimulatione, ut mentem hanc eius nemo sciret. Vocatur Apelles. ille fidenter veniens, & quasi omnia ex sententiâ patraturus, simulac conspectus esset, ex Chalcide Corinthum venit. Cum appropinquasset, certatim satellitij, militumq; Præfecti, cum ipsis militibus obuiam procedunt, agmine & pompâ in regiam deducunt. Cum autem ingredi statim, ut consuërat, vellet, ianitor quidam præstolari eum iussit, occupatum in præsentem regem dicens. Apelles nouitatem rei demirans, hæsitabundus aliquamdiu constitit: mox mæstus, inopsq; consilij, inde discessit. Comites illi omnes subito dilapsi, ut deniq; solus cum seruulis suis domum peruenerit. Paullò post captus cum filio, uinctus, & interfectus est. Sed post priora illa, Polybius appositè addit: Parua omnino interualla temporis, omnes homines attollunt rursumq; deiiciunt, maximè verò eos qui in Aulis versantur. Reuerà enim isti adsimiles sunt abacorum calculis, qui, ut secundum voluntatem calculatoris, modò obolum æreum, modò talentum valent; ita Aulici, ad nutum Principis, modò beati, modò miseri fiunt. Atque hoc in Apelle exemplum: quàm geminum Romæ, in Seiano? qui diu Tiberij Augusti potens, & ad instar eius statuis, honoribus, cultus; tandem vnâ epistolâ subuersus est, & caput illud toto orbe secundum, ut cum poetâ dicam, laqueo præbuit, & cadauer suum opprobriis, lacerationi, vincto. Quo die illum Senatus deduxerat, populus in frustra diuisit: in quem quidquid congeri poterat, dii hominesq; contulerant, ex eo nihil superfuit quod carnifex traheret. Et similis potentia atque exitus Plautiani, sub Antonino, quæ in Dione Cassio lege. Iam in æuo posteriore, apud Hispanos quàm nobile documentum fluxa potentia Aluarus Luna est? Amabat & euehebat eum Ioannes rex Castella, super omnes homines & amicos. Opibus, titulis, præfecturis, cottidie augebatur; atque ita regem*

*Aulici cal-
culis simi-
les,*

Seneca De
Tranq.
lib. 1.

regem suum fecerat, ut vel bellum eius causâ gereret cum vicinis regibus, & cognatis. Nulla res in maiore famâ & inuidiâ, quàm iste amor: atque is satis diuturnus. Sed quis exitus? Sicut diuisiones a quarum, sic cor regis, ait Hebraeus sapiens. Occultè abduxit se ab Aluaro, odit quantum amauerat, denique paucis confectis, in oppido Burgenfi, sagaciter hominem in vincla coniecit, damnari per sententiam iubet, caput abscindi, & in foro per triduum ostendi. O ceca mortalitas! tu ille superbus paulo ante & insolens, ubi es? quid es? desisti esse, & tot annorum cumulata felicitas subito turbine quassata & euersa est. Verè tu prädixeras Aluare, non sine mali præfagio: admirantibus aliis fortunam tuam & apud te prædicantibus, Improuidi, ne ædificium ante finem operis laudaueritis. Sed mihi finis non sit, si exempla cumulem, obuia, ut verè dixi, in omni aeo. Claudianus Sidonij verbis appositis: Periculosam regum familiaritatem esse. quorum consuetudinem spectatissimus quisque flammæ naturæ benè comparat, quæ sicut paullulum à se remota illuminant, ita satis admota sibi comburant.

Nota Aulice. accedo, insinua, ama, amare; sed non nimis.

Lib. VII.
Epist. LII.

Aluari o-
minofuna-
diūm.
Sidonij o-
grezum.

Speciem magis in amicitia Principis, quàm vim retinent.]
Imagine ad hanc rem vsus pater Themistoclis: quem cum à rep. ge-
rendâ vellet abducere, ostendit ei in litore triremes veteres, abiectas
iam & contemptas: tales administratores reip. esse, cum non ultra
ex iis fructus. In Plutarcho.

Vetus Au-
licus, vetus
naui.

Aratæ aliqua vox erumpat.] Nam & Aratus inter exempla
infidæ regis amicitie. qui Philippo Macedoni diu carius utilisq. ami-
cus veneno tandem ab eo tolli iussus est lento, & sensim occidente.
Non latuit Aratum, sed cum aperire, mederi non esset, tulit tacitus:
nisi quod amicorum cuidam Cephaloni, in cubiculo, cum eo incoram
sanguinem spussset: illo admirante, subiunxit, *Τὸ αὐτὸ καὶ ἐπὶ χερσὶ καὶ
τοῦ παυκινῆς φίλιας*: hæc sunt præmia regis amicitie. Talis Philippus,
& alij: non sic nostri AVSTRIACI (quod verè & in loco dicimus:)
patientes ministrorum suorum, & ad extremum mites.

Aratus ve-
neno periit.

Ista eueniunt, numquam mihi.] Quid ergo? aulam & to-
tum hoc genus damnamus aut despiciamus? absit: sed Sicyonia ista
aut cothurnos pedibus meis cōuenire, hoc nego. Valerius olim, quasi
Apollinis voce, dixit: Magis se probare securitate ridens tugurium,
quàm tristem curis & sollicitudinibus aulam. Nam hæc duo, etiam
in optimâ eâ esse, nemo expertus abnegabit. Nos verò secessum &
otium quarimus: quid tum? otium, sed non ignauiam. Habet ubi
se, etiam in priuato lare, explicet magnus animus: nec ut leonum
animaliumque impetus caueis coercetur; sic hominum, quorum

Otium no-
bis ante
Aulam.

Lib. VII.
cap. I.

maximæ in seductu actiones sunt. Vbicumque otium meum abscondere, prodesse volam singulis & vniuersis, ingenio, voce, consilio. Nec enim is solus reip. prodest, qui candidatos extrahit, & tueretur reos, & de pace belloque censet: sed qui iuuentutem exhortatur, qui in tantâ bonorum præceptorum inopiâ, virtute instruit animos, qui ad pecuniam luxuriamque cursu ruentes prensat ac retrahit, etsi nihil aliud, certè moratur, in priuato publicum negotium agit. *Hæc sapiens Seneca: cuius verba expressi; animum velim, ac conor.*

IUSTI LIPSI

AD IV. LIB.

POLITICORVM

NOTÆ.

IN CAPVT I.

De Prudentiâ, quam Propriam dixi.

PAG. 77.



ONFVSE viam aliquam signabo.] *Propriè & distinctè vix potest. Aristotelem audio:* II. Polit. cap. VII.

Ὡς περ πρὸς τὰς ἄλλας τέχνας, καὶ πρὸς πολιτικὴν τάξιν ἀδυνάτων ἀκριβῶς πάντα γράψωαι. καὶ ὅτι ἀναγκαῖον γράψωαι, αἱ δὲ περὶ ζεῖς, πρὸς τὸν κατ' ἐκαστὸν εἶσι: Sicut in aliis artibus, ita in Politicâ ordinatione, fieri non potest vt omnia

Uniuersalis
præcepti
fructus.

singillatim & accuratè scribantur. Vniuersè enim scribi necessum est, at actiones sunt rerum singularum. Enimuerò eorum est, qui mente & usu valent, ex his communibus formare sententiam & decretum in rebus singulis, & ad hæce velut normas adaptare.

IN CAP. II.

De Prudentiâ Togatâ.

Togatâ pru-
dentia. 7.
dua.

PRVDENTIA duplex est, Togata & Militaris.] *Benè enim hoc Sallustius: Firmanda est respublica, non armis modo neque aduersus hostes; sed quod multo maius multoque asperius est, bonis pacis artibus. Artes pacis ad Togam faciunt, atque* Orat. de Repub. ord. hoc

hoc opus maius asperiusque merito dicit. Idem Linus: Excellentibus ingeniis citius defuerit ars quàm ciuem regant, quàm quàm hostem superent.

Materies duplex, Res diuinæ, Res humanæ.] *Hoc quoque* PAG. 78.

Lib. XVI. *Strabo ita dicit, ubi de Mose disserit; Hoc à naturâ hominibus est insitum, & commune Græcis ac Barbaris, ut in politicâ vitâ, communi præcepto & legibus viuant. Præceptum hoc autem duplex est, aut de Diis aut de Hominibus: & plura addit, de vi religionis in animos nostros, & quàm antiquis ea fuerit curæ. At nos quoniam olim (ante annos paucos) in reliqua capitis huius & sequentium super Religione scripsimus, prouocati ab importuno homine, & quem nec amici ament: iure visum ea hîc inserere, & esse Notarum loco. Tu lege qui voles, en habes.* Duplex Togata prudentia.





IUSTI LIPSI
DE
VNA RELIGIONE,
ADVERSUS
DIALOGISTAM
LIBER.

In quo tria Capita Libri quarti Poli-
ticorum explicantur.



ANTVERPIAE,
EX OFFICINA PLANTINIANA,
Apud Ioannem Moretum.

MD. LXX.

Cum Privilegijs Caesareo & duorum Regum.

ILLVSTRES ORDINES,



LIBER in me nuper prodiit, cui an responderem, iure dubitavi. Auctor an ille est, cui debeam? homo inquietus, turbidus: & cui vnum hoc studium, litigare. Sicut canibus quibusdam insitum est, sine causâ aut discrimine latrare: talem audiebam istum. nec iudicio hæc scribere, sed morbo. Cum hoc me componerem, & velut includerem in eodem campo? quem & vincere inglorium, & à quo atteri sordidum esset. *Facit enim se aduersarium*, ait Seneca, *quisquis contendit, & vt vincat par fuit*. Sed causâ etiam silendi altera, ab ipsâ scriptione. Nam qualis ea est? plebeia, futilis: & concepta plebeio quoque stilo. Quotusquisque ea leget, si ego sileam? nec deprimere aduersarium meum possum, nisi vt attollam. Adde quòd calumniarum conuiciorumque plena: & corniculas citiùs in Africâ, quàm res rationesque solidas reppererim in hoc scripto. Vetus ille versus hîc valet:

* Λογους μὴ ἐβρόδωδες ἐμπορεύεται.

* Sunt Heu
modoruer-
ba, merci-
torium.

& flumen verborum vbique video, mentis vix guttam. Quid igitur reponam aut respondeam? serium aliquid aut eruditum? non est occasio. conuicia & diçteria? non est meum: & ita adhuc viximus scripsimusque, vt nemo de nobis, de nemine queri etiam ego possim. Primus iste est (heu fatum Lipsij!) qui

procaciter & ex superuacuo me laceffit. Quem vt imiter, non adducar : persuaderi tamen mihi passus sum, vt respondeam. siue quia publicè interest, tam effrænem petulantiam reprimi & retundi; siue quia meâ, calumnias & mendacia leui manu abstergeri, quibus nos aspergit. Dicit enim nec scripta mihi, nec dicta: aut certè non sic scripta. *Tantum autem veritati obstreperit adulter sensus, quantum & corruptor stilus.* Quæ ratio præcipuè me mouit, vt rescriberè: nequis silentium meum in consensum duceret, & crederet approbata nobis, quæ non videret refutata. Sed fecimus tamen breuiter. quoniam, vt ait Pindarus, * *δ'ὄνυμον εἰς δίνδω τελέα ἔπεια διαρκέσει*: idemq; modestè. quia vt scopulus assilientes vndas sine motu vlllo suo frangit; sic nos conuiciatores istos, sine acerbitate vllâ aut irâ. Dicta tamen quedam aut ioca miscuimus. cur nō liceat? viri magni, imò & sancti, fecerunt in simili genere: & benè Tertullianus, *Multa sunt sic digna reuinci, ne grauitate adorètur.* *Vanitati propriè festiuit ascedit.* Hæc omnia ad vos

Tertull.
aduer. Hæ-
ref. ca. xvi.

* Iustam
ad causam
tria verba
sufficiunt.

Aduersum
Valent.
cap. vi.

ILLUSTRES ORDINES,

& ad vestrum tribunal deferimus: vt iudicetis tamen nō vt vindicetis. Nam mihi purgatio sola proposita est, non vltio: & auertere plagam volumus, non inferre. Vos, quorum id munus, me meaq; auctoritatis vestræ clypeo regite: neu patiamini *innocentia plus periculi, quàm honoris esse.* Atque hoc eâ lege, si proba ista apud probos. Nam quòd isti ea calumniantur aut carpunt: nihil est. imò hoc quoque boni argumentum, talibus displicere.

Sallust.
Iugurth.

A D

A D L E C T O R E M Q V E M C V M Q V E.



IDES rescriptum meum, Lector, ex amicorum sententiâ potiùs, quàm ex meâ. Nam mihi initio decretissimum fuit, non respondere: qui vetus illud memineram,

Plaut.

Bacchæ bacchanti si velis aduersari, Ex insanâ insaniorem facies, feriet sæpiùs.

*Sed vicerunt iidem illi eò minùs iam reluctantem, quòd eadem operâ NOTAS nostras daturus eram ad trina illa Capita; quæ in calumniam venerunt. Nam quòd illi tantum responderem: nugæ. quis fructus? et aliquis ex hoc concilio, & scriptione, quam vides. Ut etiam ordine & velut pressò pede scripto eius insisterem, non placuit. quid enim ille ordine dicit: prima, media, ultima, pleraque eadem: repetitio ubique & mixtio, & quod Græci dicunt, * ποταμία νόυς. Nos si quid ad rem fecit, non omisimus: conuicia vix attigimus. quia scimus*

*Omnia
idem pul.
nis.

Plaut.
Pœn.

Istunc thesaurum stultis in linguâ situm,

Ut quæstui habeant malè loqui melioribus.

Seneca.

Et ampliùs scimus: Æquo animo audienda esse imperitorum conuicia, & ad honesta vadenti contemnendum esse istum contemptum. Tu quisquis es Lector, in bonâ causâ faue: & siquid est quod minùs pro vestro omnium gustu, scitote me scripsisse & suasisse quæ visa optima, & utilitatem iuandi prætulisse gratiæ placendi.

Plinius
Præfat.

CENSURA

Quæ de vna hîc religione apologeticè scripsit I. Lipsius, ex Auctoris ipsius confessione & totius disceptationis filo, de orthodoxa, catholica & Romana (quæ vna & sola vera est Religio) scripta esse testificor. Louanij, 1X. Calendas Septembres, 1593.

Henricus Cuyckius, D. Petri Louanij Decanus, Academię Cancellarius, & Pontificius ac Regius librorum Censor.

IUSTI LIPSI

ADVERSUS

DIALOGISTAM

LIBER.



LIBRVM tuum legimus, & quæ visum mihi respondere, hîc habes. Pauca mole, sed non pondere: & tu quoque non multa scripsisti, sed multis. Toto libro placuit tibi non solum πολυλοεῖν, sed παυλολογεῖν, & quod poëta dicit, oberras ubique eadem chordâ. Lacon quidam ad luseiniam: Vox es, præterea nihil.

ORDIAR à capite & ab ipsâ fronte tui libri. Titulum fecisti: LIS SIUC PROCESSVS INTER IYSTVM LIPSVM ET.] *Not.* In libri titulum te hoc præscribere, mali augurij est in principio lapsus. Ego tecum litigo? numquam factum. Natura mea, consuetudo, valetudo abhorrent ab omni litigio; & si me non nosti, scito non esse pacatius ingenium in Batauiâ vestrà. Denique ego tecum? si visum mihi litigare, alius esset cum quo consererem manum. Nam, ut ille ait,

— trophæum ferre me à forti viro pulchrum est.

Sin autem & vincar, vinci à tali nullum est probum.

At tu quis es? ignotus es. imò tu quis es? nimis notus es.

DEDICATIO sequitur, eaq; Ad Senatum huius vrbis.] *Gra.* In dedicationem.
ta erit, nisi fallor. Cur tamen ad hunc potissimum? quâne olim hîc turba? & eos fautores putasti turbidi tui animi aut scripti? Scis enim: & te quoque aliquid occulti ligni suggestisse in hanc flammam nos scimus. Sed mi homo erras. ille resederunt, & beata pax ac concordia iterum in hac vrbe. Aeole, non est hic locus tuis flabris.

EPISTOLAS deinde meas subiungis.] *Quo exemplo? nullo*
bono, aut cuiusquam boni. Egône hoc sine scripsi, ut ederes? per somnium non cogitavi. Homo in conspectu, tollis è vitâ commercia aut certe libertatem litterarum. Apud bonos ita solet, ut duobus scripta inter duos pereâr. Tu aliter esto. Cur tamen si visum eas edere, non edis ipsas? Verti, inquires. Ita sanè, sed non in decentiorem formam. *De epistolis*
neis est. 150.
protervâ.
interiud.
Quid enim si parum fideliter? quid si parum expresse? *V. r. m. g. ve-*
runt

rum est. nam nec tu Latine nimis (sine contumeliâ dico) doctus: & quod nolo te nescire, multa sunt in illis nostris propriè & ἐπεφθαρμένως scripta, ad quæ vertenda tu non aspiras. Aliter longè catuli olent, aliter fues. Atque ecce, Ordines, epistola præcipua exemplar ipsum. Plaut.

I. LIPSIVS S. D.

ACRITER tu causam hanc non Libertatis sed Licentiæ agis. Nefas tibi interfici quemquam religionis causâ. Quid ais? etiâ mne seditiosum? etiâ mne palam impium & blasphemum? Vis enim non constare Principi quæ sit proba aut vera Religio. Bellè. Dic fodes, in re tam seriâ ludis? aut vis Academiam iamdiu mortuam excitare, & facere omnia controuersa? Sed video quid agas. Vis me definire quam probam censeam: & hunc quoque tibi campum dare differendi. Non faciam mi: ::::: :::::, nec nunc opus. Illud dogma nostrum ὁρμῶς* firmum maneat, Vnam religionem (eamque probam) in vno regno teneri. Quid tu mihi Iohannem aut Petrum, & martyres adducis? Scilicet qui probam religionem oppugnant sunt Iohannes & Petrus. Quin dic seriò

* Vertete in omnes formas, nō euerites.

* Verissimū est, & aliquot annos iam non alius agat.

* Nūquam fecisti: sed in toto hoc scripto Errores cū Turbatoribus confundis.

* Quæ centena sunt in Bibliis, in Patribus, in Legibus.

* Ita sanè. Ambigere de religionis incipiunt, mox aspernari.

* Nam absurdū Politiā omnē illuc astrin-

gere, quæ facta est, si cū eo non pugnet.

* Puerile erat iuramentum est: & frustra atagis in purgatio.

quod sentis. * Vis quamuis religionem à quouis posse oppugnari: aut tu quid in meâ sententia oppugnes non video. Sæua est, inquis. Quid ita? Statim enim homines ad ferrum & ad ignem. Non ego: ne erres. Et caue imponant tibi illa verba *Vrendi & secandi*. Παρεμπιπτόνως enim ille sermo est, Latinis vsurpatus in omni asperâ & paullū immittiore medicinâ. Puniri nos turbidos Hæreticos volumus (verba mea * nota) sed non omnes vno modo. Vt criminum gradus sunt, ita pœnarum: & quosdam Pecuniâ, alios Exsilio, raros aliquos Morte ego mulctem. In prisca Ecclesiâ nōnne semper factum? utique postquam ea respirare cœpit, & sub Christianis Imperatoribus attollere paullū pressum diu caput: Si exemplis & * auctoritatibus ago, vinco: si rationibus, vna te vincit. quod numquam societas aut resp. stabit, vbi tam indefinita hæc libertas. Audi mi vir. Religionem euerit, quisquis libertatem hanc Religionum inducit: ex quâ confusio, ex quâ * contemptus. Sed enim auctoritatibus Patrum non est agendum, sed nudo meroque Verbo Dei. Seriò in omni re * externa tu hoc sentis? nescio. Sed tamen si etiam illo scuto tegere me debeo, possum. Mæcenatem valde culpas qui hoc Augusto iussit, impio tyranno, inquis, & Christianorum hosti. Vnde hoc tibi in mente aut calamo? Ille Christianorum hostis, qui * Christianos fando non nouit? Replica Annales, docebunt te Christum salutare verbi sui semen non nisi sub Tiberio sparsisse. Plura sunt quæ in tam vberi re possim: sed parco, & referuo me Notis: quas, Deo volente, dabo. Interea qui sedatè & puriter nostra illa leget, nec scuitiam

nec

nec lentitudinem increpabit: & fatebitur viam præscriptam, quam bono generis humani ineant hodie qui regnant. Tu si aliter sentis, quin sententiam tuam potius promis, quam sic per dissertationunculam hæc oppugnas? Effusam licentiam omnes boni viri abhorrent, & quibus exiguum aliquod lumen mentis: si modus coercendi melior apud te aut mitior, scribe. Ego inter primos qui amplectentur. Verum enim amare didici: sed contentiones etiam fugere. &, quod Telemachus apud poetam quem vertisti, de me profiteor,

* Ἀδελφοί τ' ἐσόμεθα, καὶ δὲ θανάτους ἀλλήλοις.

Vale, & fer liberè respondentem, qui liberè prouocasti. Acerbitas certè abest, & sum in te qui soleo,

I. Lipsius.

Lugd. Bat. Kal. Aprilis ∞. I. O. x. c.

Alteram non pono, quia nec exemplar quidem eius (neque tanti est) seruaui. Sic qualem tu ponis.

Sed iam ingrederis in actionem ipsam, & suauiter incipis ἡγελοῦς. Et primum, promissum apud illos tuos sermōcinatores causam quæ impulerit te ad scribendum. Videre te perniciosam conuicia quæ publicè promuntur, valdè peccaturum nisi detegas, cùm Deus te præsertim idoneum aptumq; fecerit huic rei.] Itane Diodore? tu ille es qui cēsuram hic nobis sine suffragio geris? tu qui pronides, nequid res publica capiat detrimenti? Benè est. state firmi Bataui hoc tibi cene & destinā. Sed tamen ego Ordines putabam esse, & Magistratus, quibus hac cura. qui non admonere solum possint, sed compellere: & quibus parère nos non volumus tantum, sed debemus. Illi cùm sileant, tu loqueris? imò illi cùm probent, tu improbas? Nisi tu vnus plus sapias & vides, quàm ceteri. O mi senex, Omnes videmur nobis sapere, festiui, belli, cùm simus coprea. Censor publicus. Custos. Solus sapiens.

Querelam adtexis & scriptionis causam alteram, quod aliquoties prouocatus à te ad colloquium, spreui.] Heu, quod mare me purgabit? Tu me ad colloquium vocas, id est ad tuam LITEM. ego renuo: quid peccauit? Ignosce. liberum hic me censui, nec obnoxium imperio cuiusquam priuati. Et tamen quod colloquio hoc quarebas, nonne præstiti? Nam de sensu meo, binis epistolis respondi, & satisfeci tibi, etsi non satisfeci. Tibi inquam & interiori tuo animo purgatissimus sum: sed dissimulas, quia decretum tibi velitari. Atqui ego quàm abhorruerim ab hac contentione, testis quoque Epistola hæc esto, quam ad amicum tuum misi: amicum, sed moribus & ingenio valdè à te disunctum. Ea hæc est. Imperiosa auctoritas. potestatis.

I. LIPSIVS H. L. S.

S. D.

OCCASIONEM mihi datam abs te gaudeo, vt promam animi mei sensum. Tu vtrique nostrum & Paci amicus es, vtrumque audi. Primum queror, Quid ille vir sibi vult, quod quasi datâ operâ in me incurrit? In Constantiâ nostrâ nuper imponere mihi voluit sententiam, quam non dixi vquam, non scripsi. Nunc simile. Adeo nemo alius est, qui aliquid scribat præter eius mentem? Adde etiam liberè. quid illi cum Latinis meis scriptis, ad quæ aliter responderet, nec prouocat me iisdem armis? Sed hoc leue. Etiamne benè ea capit? ambigo: quia video palàm torqueri in alium & diuersum à sensu meo sensum. In hac ipsâ re, quam clarè scripsi *Hæreticos seditiosos, turbidos* puniendos esse? ille ita accipit, quasi dixerim quoscumque in religione erroneos. Nónne Capita mihi diuersa facta, & disparauit? Si rectam disputandi viam inire vellet, hoc ei docendum, *Puniendos non esse nec quidem tales*. Dialecticam scio te & illum scire. In eâ vitium est, siquid in Hypothesi dictum, ad Thesim & communem aliquem locum referre. Atqui verba nostra inuidiam habent, *Vre, seca*. Non nostra, sed veterum: & quod liquidò ad eum scripsi, non ita arctè capienda, quasi ferrum nobis statim in manu aut ignis. Absit, absit. Prouerbialis ille sermo est, à medicis sumptus, qui in prauo aliquo vlcere vrebant, secabant. Valet igitur, vti asperâ aliquâ medicinâ. Nequid cum turbaret, addidi: *Panarum hic gradus esse*, & Turbatores quosdam Pecuniâ, alios Exilio, raros quosdam Morte à nobis plecti. Hæc scripsi. ille quid? respondet *οὐδὲν τοῦτο ἔπος*, & acerbè ac contumeliose agit: quod ex litteris eius, si voles, videbis. Quinetiam Cardinalè Granuellanum mihi obiicit, & quod hauserim hæc ab illo fonte. Obsecro te, hæc modesti aut philo'sophi hominis sunt? vt omittâ, quod passim impietatis me arguit, & quasi essem in gentilium sectâ. Ego miror magis hanc rationem scribèdi quàm indignor, & ad postremas eius nò respondi, quia nos differere possumus & volumus, non litigare. Iam quàm superbè minatur se contra me scripturum? Ego nihil mihi tribuo, sed nec valdè mihi metuo à tali Antagonistâ. Modestissimè (velim ostendat, & videas) ad primas eius litteras respondi. si alia illi sententia, & decretum ei promere, faceret, sed si ne conuiciis aut dicerio villo in personam. Ille hîc quoque pro suo more, ait hæc sua aspera, esse *Verba pura & nuda veritatis*. Quid dicam mi :: :: :: :: quod res est. Annos supra quadraginta iam vixi, supra viginti scripti: stilum adhuc ego in neminem, & nemo in me intrinxit. Amo scilicet & à naturâ ipsâ factus sum (uastitutio

etiam

etiam accessit) ad modestiam & quietem : nec mihi ingenium aut
votum inclarescendi per turbas. Si priuatim laceſcit, ſilebo: ſi publi-
cè, quid niſi me meaque vindicem, & aſſeram à maligno dente: ſed
ſine conuiciis, & meo more. Vt in viâ ſi quis improuide præteriens
luto me aſpergat, nõ ego in illum regeram, ſed potiùs me purgem:
ita hîc. Dicam tibi hoc quoque. Amici illius tui grande ingenium
eſt, ſed ferox, aſperum, & cû multâ mixtione fellis. Si patriæ cauſ-
ſam agit, & docere Principes meliora vult, cur ſilet: latus hic cam-
pus: nec opus eſt in me aut alium incurrat. Parum progrediuntur in
bonâ viâ, qui in obuios quoſque arietant. Habes meam ſententi-
& quia epistolam hanc nihil opus illi oſtendere (niſi aliter tibi vi-
detur) ecce etiam in * chartâ ſeorſim, quod oſtendas illi. Quæ pro-
ba mihi nunc quidem videntur, & libenter tamen deſiſtam, ſiquis
benignè & comiter docuerit meliora. Vale vir amice, & fratrem
tuum ſaluta. Lugd. Bat. xv. Kal. Maij. ∞. I c. x c.

*En, hæc ipſa ſatis eſſe debebant ad temperandum tuum feruo-
rem: in temitiâ, de re apertâ. Et quid his opponis longo tuo & la-
cinioſo ſcripto? nihil. nugas & nebulas verborum oſfundis: & di-
miſſâ ubique verâ meâ mente, aliam oppugnâs. & ad ſummam,
imaginarium tibi ſtadium exſtruis, & miſerum Lipſum adiungis
cum quo decurras: imò in quem incurras. Sed iam ad rem venia-
mus: niſi quod hoc etiam præmitto.*

*Nam ais, ſpretum ſcilicet te debuiſſe hæc edere, & plebis o-
culis ſubiicere, eamque iudicem capere in hac cauſâ.] Quid
hoc, quid hoc eſt? M. Cato, opinor, olim in iudicio quodam accuſa-
tus, valdè ſenex, initio hoc dixit, Miſerum eſſe apud alios cauſ-
ſam dicere, cû apud alios vixeris: nõne ego iure poſſim? Ad ple-
bem me vocas: abnuo, & teſtor plebi me nihil ſcripſiſſe. Principes
formamus: tu populum iudicem hîc eſſe vis? atqui bouem currus
non trahit, ait vetus verbum. Denique vniuerſe teſtor: Num-
quam volui populo placere. quæ ego ſcio, non probat populus: quæ
probat populus, ego neſcio.*

*Addis, cauſſam à me Ordinum improbari, & hanc quo-
que à te defendi.] O calumniam! ubi ego verbum de Ordinibus? Nõ horum
ubi ad hæc tempora, vel cauſſam, accommodo meum ſcriptum? niſi
forſè quâ de religionis diſidio temperando ſuadeo. Illic ergo con-
tra Ordines? nec verbum: inſpice, reſpice. Sed talia ſunt reliqua
tua conuicia: quibus diſtinctè ſi reſpondeam, quis finis? De re, de
re pugnemus: non amo ventilationes, aut ventos.*

IN CAPVT II.

LIB. IV. POLITIC.

PAG. 78.

Reges, tu-
tores Eccle-
sia.

PRIMUM hoc carpis, quòd scripserim Principi inspectionem esse in sacra, idq; tuendi causâ.] *Censeo iure me scripisse. Sacra littere à me sunt, earum interpretes, ratio ipsa. In illis, Deus per Vatem prädixit, & prädicendo edixit:* Erunt reges nutricij tui (Ec-
clesiam adfatur) & reginæ nutrices tuæ. Iterum: *Ædificabunt filij*
peregrinorum muros tuos, & reges eorum ministrabunt tibi. Aug-
ustinus: Pertinet hoc ad reges sæculi Christianos, vt temporibus
suis pacatam velint habere matrem suam Ecclesiam. *Etiā Leo*
primus hoc probè ad Imp. Leonem: Debes Imperator incunctanter
aduertere, regiam potestatem tibi non solum ad mundi regimen,
sed maximè ad Ecclesiæ præsidium esse collatam. *Causa in Am-*
broσιο: Cum enim omnes homines qui sub ditione Romanâ sunt,
vobis militent Imperatoribus terrarum atque Principibus, tum ipsi
vos omnipotenti Deo & sacre fidei militatis. *Atqui militiæ pri-*
imum sacramentum est, tueri salutem, commoda, dignitatem eius
cui militamus.

Ic. XLIX.
Eiusdē LX.Traçt. 11.
in Ioan.Epist. ad
Valentin.Quatenus
in eamius
habeant.

Tu quid ad hæc opponis? verba. Distinctum esse Ecclesiasticum
& Politicum regimen, & talia quæ suggerit tibi tuus Adnotator.
Quis hæc nescit? aliam quercum excute. Nos Principi in Ecclesiam
ipsam nihil iuris damus: atq; hoc volumus tantum, vt vim, fraudes,
turbas & externa hæc mala ab eâ arceat: & quod in ipso est, pacata
Sacra præstet & quæta. Nonne quâ Christianus est, velle debet: quâ
Princeps est, potest? At tua ista vox, Quid est Imperatori cum Ec-
clesiâ? Ipsa Donati heresiarchæ vox est, & damnata iam olim.

Oprat.
Mileuit.
lib. LII.Diotorus
in Princi-
pes oris so-
luti.

Hic deinde effundis te in conuicia, & in tuum campum. Princi-
pum plerosque insipientes esse, impios, cæcos: & ideo non
aptos ad hanc inspectionem.] *Mirum hoc argumentum est: quò*
efficies vt Principes nec ad ciuilem quidem gubernationem adhi-
beantur. nam illi tales profecto ad eam nõ apti. Ergo vniuersorum
iuri derogamus: & ex tuâ sententiâ subiicimus omnia plebi? Cùm
de Principibus loquimur, de bonis aptisq; loquimur: & qui à se, aut
ab alijs tales. Consilia enim certè volumus adesse: & in hac ipsâ Sa-
crorum re, eorum qui in Sacris periti. At tu lector hoc à me disce,
ita proprium Principis esse curare & tueri sacra, vt plerique vete-
rum habuerint duo hæc munera coniuncta, Sacerdotium inquam &
Regnum. Diotogenis Pythagorici (malè in margine nostri textus
Diog. Stoici) illa mens: qui tria in legitimo Rege requirit, vt Belli
dux sit, vt Iudex, vt Sacerdos. Verba eius: Ἀνάγκη τὸ τέλει βασιλεία,

Olim iudē
Reges &
Sacerdotes.Apud Stob.
de Regno.

σεπτὰ

σεταγόν τε ἀγαθόν ἡμῶν, καὶ δικαστὴν, καὶ ἱερέα. *Sed quia multiples ista cura nimis d'stringere Principem videbantur, institutum ab aliis meritò discernen. Liviū de Numā: Tum sacerdotibus creandis animum adiecit. quamquam ipse plurima sacra obibat, ea maximè quæ nunc ad Flaminem Dialem pertinent. Sed quia in ciuitate bellicosâ, plures Romuli quàm Numæ similes reges putabat fore; iturosque ipsos ad bella: ne sacra defererentur, Flaminem Ioui adfiduum sacerdotem creauit. Ita Numa. tamen Augustus iterum Pontificatum Maximum Imperio iunxit, idemque secuti Principes, maiestati suæ & tutelæ. Quin hodie Malabarum Reges in Orientali Indiâ Sacerdotes siue Bramenes omnes sunt, & lex eos mori cogit velut deo consecratos in loco sacro.*

*Quidam
distingunt
& quare.*

In omni rep. primum est, curatio rerum diuinarum.] *Ita. PAG. 78.*
à deo ordiendum. Atque ut nauis, adium, aliarumque rerum carinas aut fundamenta volumus esse & prima & firmissima: sic debemus in rep. hanc partem. *Synesius: Εὐσέβεια δὲ θεῶν ὑποβελήσθω, κρη-
τὴς ἀσφαλῆς, ἐφ' ἧς ἐσῆκει τὸ ἀγαλμαῖ μπεδὼν τῆ βασιλείας: Pietas pri-
mum subternitor, fulcrum & crepido cui firmiter insistat simu-
lacrum hoc regni.*

*Basis &
fundamen-
tum resp.
Religio.*

Tu quid hinc culpas? In re nihil, aut in verbis, sed quòd ab Aristotele sumpsisti. & sæpe id mihi obiectas. Debui enim è sacris, inquis. Mihi aliter visum Diodore, qui Politicum hinc non Theologum ex professo egi. A profanis cetera omnia mutuatus sum: cur in vno alteroque Capite mutarem? Nisi fortè nihil illi sanum hinc aut pium. Erras. multa eximè ab iis in hac quoque parte scripta, & velut instinctu diuino. Sed audi quod verum est. Tu tuique similes aliquot, & illos, & omnem veterem litteraturam, velletis exstincta. Nocturnæ non feris hunc Solem. Atque ut olim Philistæi Hebræis fabros omnes ferrarios atque opifices armorum ademerunt, ne bellare possent aut rebellare: sic vos hæc doctrina tela, quæ iugulant vana vestra doctrinarum. Nos non audimus: Lactantium magis. Scientia litterarum, non modò nihil nocet religioni atque iustitiæ, sed etiam prodest plurimum: si is qui eas didicerit, sit virtutibus instructor, & veritate sapientior. Et quid Basiliius hac de re quoque scripserit, tenemus.

*Vana ca-
lumnia.*

*Odium tra-
litteras.*

DECET enim quod optimum est ab optimo coli, & quod imperat, ab imperante.] *Omnino decet. Ut enim Principis est in omni virtute populo præire, ita in hac maximè, quæ princeps & caput virtutum. Religionem ipse si non præfert, quomodo alij? Nam secundum iudicem populi, sic & ministri eius: & qualis est rector ciuitatis, tales & inhabitantes eam. Hæc causa una cur debeat: etiam altera. quòd sublimis ille factus, & elatus à Deo, meritò veneratur & colit magnitudinis suæ auctorem. Nisi facit, quid ex-*

*Principem
religiosum
esse decet.
Ob exem-
plum.*

*Ob gra-
titudinem.*

ſpectat niſi iterum deiici? Dominus exercituum cogitavit hoc, vt iſa' x cap. detraheret ſuperbiam omnis gloriæ, & ad ignominiam duceret xxi i. vniuerſos inclytos terræ.

Proterua
maledicen-
tia in tri-
cipis.

At tu nobis hic illudis, & in verbulo argutaris. Vbi ſunt, in-
quis, iſti optimi? quorum centelimus quiſque vix tolerabilis;
neque reges vltra, ſed tyranni; neque ſatui, ſed furioſi.] *En*
roſas, quas Principum capitibus inſpergis: tuto & feliciter, quia
non ſub illis. Sed vaniſſime plebicola, diſce. Ita illi optimi, quomo-
do ratio & inſtitutio noſtra eos format: quomodo poſtulat & exi-
git publica ciuium ſalus. Optimi etiam, quia in pari virtutum gra-
du, magis iſti eminent qui in alto. Quid ſi vtilior quoque eorum
virtus ſit & ad plures pertinens? liquet.

Quæ ſen-
ſentia illi
Optimi.

Subditi re-
ligioſi ma-
gis obediunt.

Princeps
religioſus
Deo curæ.

Tutelæ tuæ primum.] Nihil certius. libenter enim religioſi
Subditi parent, & miti fractaq; ceruice humanum iugum ferunt, qui
ſemel illud diuinum. Sed fideliter etiam parent, quia pietas & Dei
metus, quaſi frænum eſt & coërcitio in animis ab omni rebellione &
inſolenti motu. Hæc vna tutela ratio: altera ab ipſo Principe. Deus
enim illi pio clypeus & tector. Trismegiſtus pulchre: Μία Φυλακή, ὁ-
σέβεια. ὁσεβής γδ ἀνθρώπου ἔτε δαίμων καλός, ἔτε ἑμαυτοῦ κατὰ.
ἑδός γδ ρύει τὸ ὁσεβῆν ἐκ παντὸς κακοῦ: Vna cuſtodia, Pietas. Pium
enim virum non malus Genius, non Fatum ipſum deuincit. Deus
enim eum liberat eripitque ex omni malo.

Apud La-
clant. i. r.
Inſtit. cap.
xvi.

Pietati etiā
externus
fructus.

Ad augmentum etiam imperij.] Non quia bono Principi
Pietatis ſuæ ille finis (ad alia regna aſpiramus:) ſed quia Deo viſum
ſæpe etiam externa hæc vt præmia adiicere, Sceptra inquam & di-
gnitates. Priſci viderunt: interq; eos Valerius: Non dubitauerunt,
inquit, ſacris imperia ſeruire, ita ſe rerum humanarum futura re-
gimen exiſtimitantia, ſi diuinæ potentie bene atque conſtanter ef-
ſent famulata. Etiam poëta:

Lib. i. ca. i.

Dis te minorem quòd geris, imperas.

Horat.

*Tu hæc admordes, ſed admordes tantum. Nam franges citius,
quam imprimes dentem.*

Ieiuna &
in alieno
verbo ca-
lumnia.

Deos proniores eſſe in eos.] Accuſas me hoc aut altero loco
(non enim lubet inſpicere) quòd Deos nominem: ille, inquit, qui
Bembum in epiſtolâ grauiter nuper increpui, quòd feciſſet. Homo
pepone inſultior. ego Deos nomino? Vide iterum, vide. Ariſtote-
les eſt, qui nominat: & vis vt reſingam gentiliū libros, & Deos
vndique tollam? Cùm de iis, aut eorum nomine ſermo eſt, etiam in
ſacris libris oſtendam tibi Deos. At Bembum increpui. Non hæc
cauſa, ſed niſi leuiter, quòd vbiq; & quòd indecorè, in Chriſtia-

noꝝum

norum & grauium virorum personâ, sic loqueretur. Age, excute omnia postrema mea scripta: (iuuenilia non excuso:) an Deos inuenies à me nominatos? nescio: si erunt, iam nunc rescribo & deleo.

RELIGIO & timor Dei solus est, qui custodit hominum inter se societatem.] *Quod facit etiam vana religio: nec umquam aut usquam resp. stetit, sine specie aliquâ religionis. Quanta igitur vere illius vis est, cuius umbra sustinet hanc molem? Plutarchus pulchrè: Ἀλλὰ πόλις ἂν μοι δοκεῖ μᾶλλον ἐδάφους χωρὶς, ἢ πολιτείας ὄναι. Δὲ θεῶν δόξης ἀναμειβίσις παντάπασιν σύστασιν λαβεῖν, ἢ λαβεῖν τι μῆκος: At mihi vrbs videtur citius sine solo, quàm respublica sine opinione de diis aut constitui, aut constituta seruari. Et religionem ibidem appellat, συνεκτικὸν ἀπ' αὐτῶν κοινῶνίας, & νομοθεσίας ἐπέσμινα: Et vinculum suum. Et potuitne aliquid impressius à quoquam Christiano?*

Hic quoque alludias & lambras. Mira dictio, inquis, hic religio mihi vinculum est societatis, alibi dissidij causa. & quomodo vnus calamus tam pugnantia scribit?] *Fas & mihi querere, Quomodo duo oculi & vnemens tam parum vident? Cecule. hic pacata quietaq; religio vinculum est rerum: paullo post, dissidiorum faces à religione accensæ, sed à malâ, turbidâ, & à tuâ illâ dissidente. In Lucretio non legisti,*

— quod sæpius olim

Religio peperit scelerosa atque impia facta?

Item:

Tantum religio potuit suadere malorum?

NEQVE audiendi Aegyptij reges, qui variam & miscellam religionē iuduxerunt, itabiliendo, vt putarunt, scepro.] *Nos non audimus, at tu attollis etiam & dilaudas. Vter iustius? Iterum Primum hoc vide. non tolerasse eos varias religiones scripsi: sed induxisse. Vbi pietas tua, si hoc approbas? vbi acritas, si non vidisti? Atque hoc perpetuò facis, & vinum, vt sic dicam, mee scriptio- nis corrumpis, & diluis affusâ incogitantia tue aquâ. quid si etiam malitia? Sed de re. Potestne cuiquam probo probari ille rex, qui plures falsasq; (nam id consequitur) religiones instituit, firmandi sui causa? qui subditos in dissidiis & turbis habet, vt ipse sit quietior? non mihi talis rex, sed tyrannus. Nam legitimus ille, salutem & commoda subditorum præcipuum habet, imò vnicum finem. In hoc igitur culpo damnosq; Aegypti reges, vt ex professo impios. sed etiam vt impronidos. Nam quæ hæc securitas ab alienâ turbâ infirma. nec ego regnum umquam stabile putauerim, vbi in dissidiis aut odiis ij qui reguntur. Partes enim factionesq; erunt: & in te hi vel illi insurgent, si tu pronior in hos vel illos. Exemplo illi ipsi Aegyptij*

Turbidū &
fluctuans
semper
Ægypti re-
gnū.

Symmachi
subtilis im-
peticus.

Diodori
Ægypti.

Iuliani fa-
ciū.

Obserua
Lector a-
criam
tunc inter
dissidentes
odia.

Causa eius
facti.

Libertas
nimia reli-
gionis, per-
nicio reli-
gionis.

Ægyptij docuerint. & quod regnum magis anceps, varium, imò & cruentum, quàm illud, fuis? Historia leguntor. Exspecto quid tu respondeas, & quo acumine hæc expungas. Aliquid subiicio? nam laboras, scio. Ecce Symmachum pro varietate hæc religionum: Equum est, quidquid omnes colunt, vnum putari. Eadem spectamus astra, commune cælum est, idem mundus inuoluit. Quid interest, quâ quisque prudentiâ verum inquirat? Vno itinere perueniri non potest ad tam grande secretum. Hæc ille disertus vir & Pontifex. Tria verba in aurem Diodore, Tu ita sentis.

Illa que ex Adnotatore huc congeris, aliena sunt. Nihil ad nostrâ Andromacham. Nam ille quid? exempla aliquot Imperatorum adfert, qui varietatem hanc religionum permiscere. Quid opus est? nemo negat, sed permiscere nempe, non instituere. & id alio fine. Proseminare malas errorum herbas semper impium: satas tolerare interdum nec statim euellere, ratio aliqua defendit. Iuliani tamen exemplum fateor huic simile: sed numquid probum? Ammianus ita narrat: Vtque dispositorum roboraret effectum, dissidentes Christianorum antistites cum plebe discissâ in Palatium intromissos monebat, vt ciuilibus discordiis consopitis suâ quisque religionis seruiret intrepidus. quod agebat idem obstinatè, vt DISSENSIONES AVGENTE LICENTIA, non timeret vnanimantem postea plebem: nullas infestas hominibus bestias, vt sunt sibi feralibus plerisque Christianorum, expertus. Nota, nota. duo spectauit alia haud malus, sed in religione pessimus Imperator. Primum, securitatē suam ab hoc Christianorum discidio: quos meritò sibi, vt Æg. Barn & desertori, sciebat infensos. Secundò, exitium ipsum eius religionis, quam licentiâ hæc secabat & quasi diducebat in varios doctrinarum riuos. Hæc Iuliani mens. quam Optatus Mileuitanus peruidit & aperuit: Eo modo, inquit, putans Christianum nomen posse perire de terris, si vnitati Ecclesiæ de quâ lapsus fuerat, inuideret, & sacrilegas dissentiones liberas esse permetteret. Tu si hæc probas, parum Christianus es; si improbas, parum sanus es. Vt quid enim hanc Lunam, quod dicitur, in te detrahis? Mihi autem gloriosum victoriæ genus est, ab eo cum quo decertem arma capere: quasitumque aduersario testem, illinc stare, & istinc dicere.

Sed heus in illo ipso Adnotatore, ecquid ita scriptū est? Tertullianum & Epiphanium recensere, quòd Theodosij temporibus, vt minimum, centum pacificæ sectæ fuerint. Ita ille, an tu? vter vestrum; tam supino & crasso errore, vt sine risu nō legamus. Tertullianus scilicet de temporibus Theodosij potuit scribere, qui ducētis pene annis illo maior. Nam, vt scias, Seueri Afrī temporibus magnus Afer iste noster vixit. Sed hoc simile illi, quod in Epistolâ

Lib. 11. &
August. ep.
CLXVI.

Claud.
Mamer.
lib. 11.
cap. x.

stolâ ad me: Augustum hostem & persecutorem Christianorum fuisse. Quod tamen tu incredibili acumine dissoluisti, & nos docuisti à principio mundi fuisse Christianos. Abi. nimium graphicus nugator es.

*Sed enim operâ precii est videre quâs Adnotator iste, in quo tantum tibi places. Nam ille non solum paginas, sed librû tibi implet: itemq; Ciuitas Leidenfis. Quis igitur ille est? Albada, ut audio. quæ ego quidem nec album nec nigrû noui: sed tu eum habes quasi uap-
 τες εν διδο, δ' α πον. Quid ita? Ordines, inquis, approbarunt. O te ipsum albâ mente! Quàm multa Ordines approbant, pro tempore aut præsentî re scripta, quæ temerè aliorum traxeris, & habueris quasi uocetâs quasdam δ' ἑας! Nobis Albada non nisi Albada est: nec viro cedimus aut credimus, rationibus tamen si quas adfert. Sed ille nihil minus toto scripto illo egit, quàm quod tu agere eum vis: & hoc tantum, in necessitate aliquâ temporû, permitti posse aut debere libertatem. Nec nostra mens dissimilis, etsi tu dissimulas, in Capite tertio huius libri. Quæ autem Ciuitas Leidenfis? mihi quidem aliisq; nota: sed non illa vocem, opinor, emisit, alius pro eâ. Quis igitur ille? quis? quis? Siles & palles? nam erubescere tu quidem non soles. Quid si amicus aliquis tuus: quid si ipse tu, tu? heu quàm rideamus, si te, pro te, in me voces? Sed premo, nec ultra diuulgo hoc arcanum.*

De testibus
Diodori.
Adnotator
sive Al-
bada.
Testem à
tabulis lo-
uis.

Ciuitas
Leidenfis.

Ea est, fors
fuit, Dio-
dorus.

O fatui! vnionis auctor illa vna.] Ego quidem, & sani sanctiq; homines mecû ita sentiunt. Quid magis animos alliget, quàm vnus dominus, vna fides, vnum baptisma? hic amor, hic caritas: & hi tales solliciti seruare vnitatē spiritus in vinculo pacis. At contrâ, ubi hac varia. Nonne ipsi dicunt, qui pro te dicunt? Aegyptij, in quâ, reges & Iulianus: qui palàm fatentur dissidentes religiones induxisse, ut subditi dissideret. Ergo illorû quoque sensu vnionis vna auctor, discordiæ discors. Tu tamen mihi hic inequitas & insultas, quasi omnia ponam nuda, & sine vallo ullo rationis. Non soleo mihi homo, non. Ratio hic & alibi inclusa in meis verbis: sed, ut in pres- so isto scribendi genere, inclusa. quid ego possum si tu non educis? Numquid ego Prometheus tue menti? alia esset, si finxissem. Solare tamen te. Πολλοὶ ἐν Ἀρχῇ ἐν βαδυνάροι.

PAG 79.
Vnitatem
religio vnâ
dat &
Amorem.
Testantur
aduersarij.

Prossim
rationes
ubique ad-
ferimus.
Diodori in
his au, δ' α-
πας.

ET à confusâ eâ semper turbæ.] Vtinam tu aut alius verè mihi neget? Sed heu, funesta nimis exempla non dicam legimus, sed videmus. Vbi mota hac anchora, & non simul turbata reip. nauis? Et ratio hoc ipsa vult, ut in externis istis rebus facile promp- tesq; dissideant, qui in sensu interno & in salutis ipsâ summâ. Odium imò vulgo à religionis dissidio, quasi in impios aut profanos: nec ledere eos verentur, quos læsisse deum ipsum arbitrantur. Sed lubet hic paulum enagari, & cum Politico aut prudenti viro

Turbata
religio poli-
tiâ turbat.
Causâ.
Disputa-
tiuncula.
An, &
Quando,
varia reli-
gionis non
urbent?

*Aegyptiorum
hodie secta
religio.*

(non tecum Diodore) disputare. Quid enim? inquit ille. Si à variâ religione turba: cur ergo apud Aegyptios hodie, apud Iapanes, Turcas, Christianorum quosdâ, pax est? Nam de Aegyptiis ita tradunt: quattuor sectas vigere, quæ inter se ritibus sententiisque differant, etsi ex Mahumedis dogmate initium omnes trahant. Earum tamen antistites & sacerdotes inter se sine odiis & concorditer viuere: sed nec incôditam plebem inimicitias aut rixas idèd fouere. Homines autem qui ingenio aut doctrinâ præstant, sæpè sermones inter se sèrere, & suam quisque sectam asserere: sic tamen vt nemo quattuor illos Doctores, à quibus sectæ ortæ, carpere ausit aut conuiciis lancinare. eiû rei multam grandem constitutam esse, si quis faxit.

Ioh. Leo
lib. viii.

Item Iapanum.

*Turcarum
viri dicitur.*

*Aliquot
gentium
Christia-
norum
Responsum
de Aegyptio.*

Iam de Iapanibus magno potentique populo, etsi insulano, legi: Nouem esse illic religionum genera, integrumq; esse omnibus pro libito quam velit sectari. adèd vt familiis multas reperiatis, in quibus vir huic, vxor alteri, filius iterû alteri alteriq; adhareat: nec id turbare quidquam domesticam quietem. Etiam de Turcis quis ignorat omnè religionem apud eos liberam? quos tamen in summâ atque inuidendâ, imò & pudendâ nobis, pace agitare nemo diffitetur. Sed & inter Christianos populos confusionis huius exempla, in Poloniâ, Transiluanîâ & finitimo tractu. Respondemus, sed ordine & distinctè. Primùm, quod ad Aegyptios. improbiû illud dissidium esse, nondum tamen turbidum ob tres has causas. Primam, quia mutuo non se damnant. Discrimina sunt & electio, sed nullum adhuc preiudicium est probitatis. Non Pontifex, non Princeps, aut vlla maior potestas hanc illamve partem alteri voluit præferre. Secundam, quia sub potenti domino, cuius metu & simul multis illis, siquid peccare incipiunt, rigide coërcentur. Tertiam & præcipuam, quia nullæ illie publicæ conciones, nec stabra atque incitamenta turbarum. Ita dum conuenticula non sunt, priuatis parietibus dissidia illa clauduntur: in tempore tamen, in tempore (vaticinor) eruptura.

In epist.
Iapanicis.

At de Iapanibus, speciosè dictum: sed decoloratur valdè hoc ad-textu. Nam fideliter subdunt: Agitantur interim non rarò seditionibus inter se; quin & armis decertant, dum suam religionem singuli aliis anteferre conantur. Et profectò hoc necessum est: aut religio nō est religio, quæ sic friget. Iam de Turcis, planè discōueniens est. Nam quod ad ipsos attinet, vna inter eos religio: & vna illius capiti, qui verbo aut factō turbet. Alienas tantum, nec corruptas ex eâ, sed planè aduersas permittunt: atq; ita communicandi aut dissendi vix cupiditas est aut causa. Contemnunt enim magis inter se, quam contendunt. Pone in mediâ Europâ Iudæos, Turcas, Sineses (modo ne immani nimis numero) nihil turbabis religionis aut Ecclesiæ pacē. Adde, quod vna religio dominans apud Turcas: reliquæ

Ibid.

mus.

missant, & falsa illi ac barbara vel iniuriosa submitunt fascēs dignitatis. Sed nec ad honores aut militiam cuiquā aditus, nisi per illam unā. quid mirum ergo si oppressa illa sileant, resumptura animos si gens aut Princeps accedat eiusdem sectæ? Videremus Christiani, si tā liberet nobis veros & legitimos illos hostes invadere, quā multum & fraternū sanguinē haurire. Gracia diu victa manus attolleret, armaretq; Christianos suos, etsi flaccidos, pro Christianā gēte.

Postremum de Polonis aut Transilvanis non me mouet. Infida profectō illa quies est, & videmus quā in omni occasione, ut in comitiis aut electione regis, inter se diuidantur, imō in se armētur. Continentur tamen prudentiā & auctoritate paucorum capitum, quæ ubi deserint, vereor ut desinat illa. Denique quis magni & summi hoc incommodi ex cōfusione religionum etiam nunc ibi non videt? quod paulatim assuescunt per hanc licentiam homines non variare in religione nostrā, sed oppugnare. Proh pudor! prodeunt & palām circumferūt ibi Quæstiones & libri in Mosē scripti, quibus creatio mundi euertatur & quidquid Vetus aut Noua scriptura superstruxit. p̄v, p̄v & ad Rom. 6! Illa pleno gradu per confusionis hunc limitem intrat.

At tu de pacatā Germaniā exemplum hic nobis obiciis: imperitū. Nescis quo loco ibi res sint. Nec enim in vno Principatu religiones plures, sed in pluribus: nec illa ipsa valdē quies aut cōcordes. quod scripta & rescripta hæc assidua (Nundinarum Francofurti unica mēsis) clarē docent. Plura sunt, quæ nunc non auguror aut dico.

DIVINVM illud numen, omni modo, omni tempore, & ipse cole iuxta leges patrias, & alij ut colant effice.] Hoc non fers: & palām, inquis, coactionem induco, & impono animis seruitutem. Sententiam nostram modestē non calumniosē accipe. Effice ut colant alij: nempe cā viā quā decet; & quā Christiana lex permittit. Et quid tamen? numquam, aut nulla, licita coactio? Valdē abhorres ab eo verbo, scio: & hic est in ulcere tuo tamquam unguis.

Tamen Tertullianus panē vetustissimus, & planē eruditissimus patrum ita scripsit: Ad officium hæreticos compelli, non illicitum est. Duritia vincenda est, non suadenda hæresis. Augustinus it in eandem sententiam: Melius quidem esse quis dubitauerit, ad Deum colendum homines doctrinā duci, quā timore pœnæ, vel dolore compelli? Sed non quia isti meliores sunt, ideō illi qui tales non sunt, neglegendi sunt. Multis enim profuit, prius timore vel dolore cogi, ut possint postea doceri, aut quod iam verbis didicerunt, opere sectari. Et quod tibi tuisq; assiduē in ore est, ille refutat: Frustrā dicis, Relinquitur libero arbitrio. Cur enim non in homicidiis & stupris, & quibuscumque aliis facinoribus & flagitiis,

*De Polonis
& Transil-
uanis.*

*Germania
verus sta-
tus.*

*Theologorū
dvidioſas.
Pag. 79.*

*An coactio
in religione
licita.*

*Quadem-
terius esse:*

*Nec id at-
terere Li-
bertatem
animi.*

*Aduers.
Gnost.
cap. 11.*

*Epist. l. ad
Bonif.*

*Lib. ix. cō-
tra Crescēt.
cap. 11.*

libero te arbitrio dimittendum esse proclamas? quæ tamen omnia iustis legibus comprimi utilissimum est. Dedit quidem Deus homini liberam voluntatem, sed nec bonam infructuosam, nec malam esse voluit impunitam. *Quid si exempla etiam huius coactio-*

* Anno D.
C. XVI.
Sisebuti
factum:
Et Dagoberti.

nisi? Illud Sisebuti regis (aly Sisevandum vocant) in Hispania nobile. qui omnes Iudeos coëgit Christi nomen & sacra agnoscere: eaq; re multa millia hominum auersa à pestiferâ sectâ referuntur. Quod emulatus Dagobertus rex in Galliâ, diem Iudeis præstituit, intra quam nisi religionem nostram susciperent, hostes indicarentur, pertinaciamq; capite luerent. Vereor tamen ut feruentioris fidei & animi utrumque exemplum sit. ceret actio illa Sisebuti regis,*

163. lib. v.
Etyim. &
Hisp. Ann.

P. Aemil.
in Dagob.

* An. D. C.
XXIII.
* Excerpti
è Can. LVI.
Compulsio
magis &
exstimula-
tio, quàm
coactio pro-
banda.

in IV. Concilio Toletano, pro parte rescissa est: decretumque ut* qui iam sacro lauacro tincti essent, cogerentur ad seruandam fidem quam acceperant; sed ne posterius Iudæi compellerentur ad baptismum. Ego in hæc penetralia Theologiæ non abeo: πολικώς tamen si dissero, non verebor leuem aliquam & cum spe fructus compulsionem admittere; minantem tamen magis, quàm cogentem.*

Coërcendi
Nonatores.

Eos verò qui in diuinis aliquid innouant, odio habe, & coërce. Recalcitras & reclamas: frustrâ. Ita semper in omni bonâ rep. factum, & quidquid licentiosi velint, fiet. De negotiis civilibus siquid statuitur, nemo putat esse violandum: & præceptum de religione calcabitur? Quis autem finis, si semel carceres hos aperis

Ambr. ad
Valent.

Homines
eò inclinât.
Et. pericu-
losi incli-
nant.

* Chordas
non mo-
uendas,
Athenien-
ses punire-
runt.

ad innouandû? Nullâ in re lubentius aut periculosius homines ludimus: ut est mens nostra vaga, & nouitate rerum latissima. Assidue audiendus fanaticus aliquis, aut simulator pietatis, qui mouebit* χορδὰς τὰς ἀκινήτους. Atqui apud omnes gentes coërciti isti, & puniti. Græcos vides? reperies Socratem & Protagoram damnatos, Anaxagoram & Aristotelem accusatos, ob nouitatem in religione. Quin Atheniensium talis hic calor, ὥστε (Iosephi verba sunt) ἐπὶ τοῖς ῥήματι μόνον ὡς τὰς ἐκείνων νόμους φησὶν ὡς ἐπὶ θεῶν, ἢ καὶ κατὰ τοὺς νόμους: ut eos qui verbulum modò effarentur præter leges de diis receptas, sine vllâ veniâ punirent. Abis ad Romanos? par cura & se-

Seneca

Lib. I. r.
contra Ap-
pion.

Romani pu-
nuerunt.

Varietas
religionis,
dissolutio
religionis.

Iulai pu-
nuerunt.

* An. D. C.
XXVII.
Hispani
punuerunt.

uerit. Quoties, inquit Linius, patrum auorumq; ætate negotium magistratibus datum est, ut sacra externa fieri vetarent? Et addit verissimam rationem, etsi in religione vanâ: ludicabant enim prudentissimi viri omnis diuini humaniq; iuris, nihil æquè dissoluedæ religionis esse, quam si nō patrio sed externo ritu sacrificaretur. Nec aliter secuti Romani fecere, & Principes ipsi. Quid Iudæi? quorum respublica & religio extra controuersiam optima. Illi verò hic ita duri, ut nec cohabitationem admitteret cuiusquam à patriâ religione dissidentis. Quod idem in Hispaniâ decretum* olim, lēgi in Concilio VI. Toletano: Ut quisquis succedentium temporum regni fortiretur apicem, non antè conscenderet regiam sedē, quàm inter

Lib. XXXI.

Iosephum
vide contra
Appion.

reli-

reliqua conditionum sacramenta polliceretur, Non siturum se degere in regno suo eum qui non est Catholicus. Si verò postquam ad regni gubernacula accessisset, huius ipse temerator existeret promissi: esset anathema maranatha in conspectu sempiterni Dei, & pabulum efficeretur ignis æterni. *Quin apud Sinenses (vetus & Sinenses composum valde regnum) etiam lex est: Nequa religio alia admittatur, sine scito Regis eiusque Consilij: qui aliter, capitale ei sit. (sive Chineses) prouincium.* *Quæ una res progressum eursumq; ibi valde impedit nostræ religionis. Quid in Ecclesiâ Christianâ veteri? licentia effusa nūquam Christiani fuit, quàm primùm Principes & tutores illa habuit Christianos. fecere, & Constantinus exemplum esto: cuius leges & scita sunt in Arianos. faciunt.* Longum esset de ceteris omnibus dicere. Longum? imò etiam superuacuum. Nam fecerunt ante me alij:

Homer.
Odyll. μ.

Ἰὼν δὲ μοῖσιν
Ἀὐτὸς ἀειζήλωσ ἐιρηδύα μυθολογῶν.

Illud breuiter & vno verbo dico. semper coercionem in Nouatores fuisse: aliàs aliam, pro tempore scilicet astrictam magis aut remissam, pro sectâ lenem aut seueram.

*odi ego
porro,
Rectè dicta aliis,
interum sermone am-
placiti.

Hæc illa sunt quæ suadet noster ille Pater Musarum tanto opere exagitatus tibi & irrisus. Verba autem multa fundis: in quibus, ita me Deus amet, ut nescio quid refutem. Excidis enim semper a li-
Diodori (semper & 2. 3. 15.)
næ, & cum de aliis loquor, tu respondes de cepis.

Hi tales inultos impellunt ad mutationem rerum.] *Serid Nouatores ego vos Principes moneo, cauete. A nullâ re maius periculum imperiis & sceptris, quàm ab innouatâ aut insidiosè simulatâ religio- periculose in omni statu. Exemplis doctum. Eunt.* ne. Hi enim tales commonent animos plebis maximè & per speciem pietatis impellunt quò volūt. *Exempla dabo? ecce hæc pauca.* EV- NVS olim in Sicilia fuit cōditione seruus: qui fanatico furore simulato, dum Syriæ deæ comas iactat, ad libertatem & arma seruos, quali numinum imperio, concitauit: & LX. amplius millium exercitu coacto, palàm Regem se ferens, Siciliam totam subegerat, nisi egrè, egrè, coërenissent Romana arma.

Flor. III.
cap. XIX.
Et Diod.
Sicul. in
fragm.

Quid PSEVDOPROPHETA ille ÆGYPTIVS sub Claudio? qui in Pseudopro- pheta Ægypti, Iudæâ, per hanc ipsam speciem Pictaris ad XXX M. hominum sibi ad- iunxit, cum iis Hierosolyma petiit, arcem illam & sedem regni habiturus: nisi à Floro Preside, qui obuiam egressus, acie victus ca- sūque esset.

Ioseph. II.
Bel Iud.
cap. XII.

Haud dissimile M A R T I C I illius factum sub Vitellio: qui assertor Marici, Galliarum & Deus (id sibi nomen indiderat) concitis octo millibus hominū, proximos Eduorum pagos trahebat: matora & ipse ausurus, cum fanatica multitudo dilecto milite oppressa vel disiecta est.

Quid ELMAHELI in Africâ? is mirâ sanctimonie opinione con-

Ioh. Leo
lib. VI.

Elmaheli,

ciliatâ gente, bellum suo & Maroccensium regi (Abrahamus tunc erat) palam intulit, acie vicit, regno & vitâ spoliavit.

Nec dissimilis fraudis & fati in eâdem Africâ impostor alius

Cheminus, (CHEMIN MENNAL vocant) qui rituum & religionis unitate ille-
Idem Leo
lib. 111.

lectum populum in regem Fessa concitavit, pendere tributû vetuit,
denique per aperta arma eò adiecit, ut pacto sibi traderet Temesna
regnû. Apud Turcas ipsos nōne aliquoties res mota hoc pretextu?

Schacocul- fuit SCHACOCVLIS quidam simulate sanctimonie vir, & hoc fini
lis. in solitudinibus plerumque agitans. cui ipse Princeps Turcarum
An. Christi
100, 10. 11.

Baiazites munuscula annua mittere in speluncam veneratione pie-
tatis solebat. Is ubi maturum visum, post septem annos prodiit, se-
ctam novâ profeminat, fautores affectasq. reperit. cum iis urbes ali-
quot Asiæ innadis & diripit, ipsum Bassam Anatoliæ in suo praelio
vincit. imò paullo post Corcitem quoque Baiazitis filiû, & mox Ali
Bassam cum robustis veteribusq. copiis advenientem. Quid multa? in
discrimen summâ rem Turcicam adduxerat: cum visum ei desclere

* Nam hac
est Sophila-
riorû secta.
qua præci-
pua causâ
etiam nunc
inter virâ-
que istam
gente belli.
Anno 100.
10. XXVI.

re in Persarum fines, quorum rex eiusdem illius * sectæ. Sed cum in
viâ Caravanam quamdam Persicam (agmen viantium ita vocant)
milites eius inuassent ac diripissent, plerisq. viatorum etiam ca-
sis: ita egre Ismaël Sophi Persarum id tulit, ut ipsum, præfectosq.
eius omnes, illicò trucidandos satellitibus suis obiceret: reliquâ
multitudine in servitutem adjudicatâ & diuisâ. Hac iusta Nemesis
nebulonem illum affecta est. In eâdem Asiâ iam nuper, Suleiman-
ne Principe, quidam CALENDER ZE LE BIS insurrexit ad res no-

uâdas, tectus hoc ipso pietatis velo. Is cum aliquo Deruisiorum nu-
mero, Sangiacos plures fudit, & Anatoliam totam vocavit ad ar-
ma. Sed enim missu auspiciisq. Suleimannis, Ibrahimis Bassa, ancipi-
ti praelio, ipsum factionemq. deleuit. Quid in Cretâ insulâ (venien-
dum ad ridenda est) IVDÆVS quidâ, Theodosio Imperatore, quâ
Indei
divanyux.

scelste & periculose genti suæ imposuit! Finxit se novum Mosem
adesse, celitus missum, ut eriperet eos è diutinâ servitute. Opidatim
ergo circumit; hortatur opes, amicos relinquere, se sequi in terrâ il-
lâ promissionis. & addebat (veteris illius Mosi exemplo) per ipsum
mare se eos traducturum. Credunt, conueniunt, immensa multitu-
do. omnis ætas, omnis sexus ad promontorium, illo duce, properant,
ituri in beatam terrâ. Ipse insilire iubet. quod factum insanâ cōfi-
dentiâ à plurimis, qui statim mersi, paucis eorum scaphis piscatoris
exemptis. Caput ipsum sceleris nusquam comparuit, sine homo, sine
humanâ specie Genius malus fuit. Denique nostro aut patrum ævo,
nōne talia monstra? IOHANNES LEYDENSIS ille nobilis, vibex
& macula suæ urbis. qui opificio sartor, regna & sceptrâ somnia-
uit: & adeptus erat, captâ Monasterio urbe, nisi potenti exercitu
Principes Imperij obsedissent, recepissent, ipsum & affectas cōdignis
suppli.

Iohannis
Leydani.

Annal.
Ture.

Socrat. Ec-
clesiast.
vii. c.
xxvii.

Lib. XXXIX *supplicis affecissent. Ut iure hæc concludam Liuiano dicto: Nihil in speciem fallacius, quàm praua religio est, vbi deorum numen pratenditur sceleribus.*

Seneca *Quid ad hæc tu Diodore? periculum nullum tale hodie nobis esse? Tu noster*
 epist. XLII. *nescio. Multorum, quia imbecilla sunt, latent vitia; non minùs au-*
sura, cum illis vires suæ placuerint. *nota.*

NULLA religio alia nisi vnus Dei tenenda est.] Quæ hæc vera reli-
est? Christiana. Vnde petimus? è libris sacris: id est, pro Ecclesiæ Ca-
 Lib. IV. In- *tholicæ sensu. Nam hic est fons veritatis, ait Lactantius, hoc domi-*
 flit. c. p. VII. *cilium fidei, hoc templum Dei: quò si quis non intrauerit, vel à*
quo si quis exiuerit, à spe vitæ ac salutis æternæ alienus est.

ET TENENDA ex ritu veteri.] Hic iam classicum canis, & Aristoteles
conuocas in me turbas. Ite in suffragium de Lipsij capite Quirites. Diodori,
Quid enim feci? Ille est, inquis, qui antiquas omnes sordes retinet.
ille, qui nec in melius quidem mutari quidquam vult. O homo Istro Et turpis
fallacior! Vbi hæc à me scripta aut dicta? In Capite de Auctoritate, παρακρίσις
inquis. Et hæc tu audes ad Religionem trahere, quæ palàm scripsi
& monui de civilibus externisq; rebus? Mens, an frons, an utraque

tibi deest? Considerate ORDINES, (nam iure vos hic appello.) ego
diferre monui Retinere antiqua: sed cum illà cautione, Si proba.
Nonne expressim in margine hoc posui? Clemens enim ille priscus Religio an-
 Inepitoma *me docuerat: Οὐ πάντας φυλάσσειν τὰ πάτρια δὲ ἄλλα φυλάσσειν μὲν, τὰ*
 Vitz Peri. *ἑαλὴν ὁσεβῆν ὑπομένειν δὲ, ὑπὲρ πᾶσιν ἔχοντα: Non omnino & præfracte*
seruare ritus patrios: sed seruare quidem si pij essent, aspernari aut-
tem & abiicere qui non tales. Et ratio in Arnobio: quia religionis
 Lib. I. ad- *auctoris non est tempore æstimanda, sed numine: nec colere quã*
 uerf. Gent. *die, sed quid cøperis, conuenit æstimare. Itaque non omnino dam-*
no mutare, aut siquid lapsu aut incuriã corruptum, corrigere. non.
 i. Dele- *cum Platone scio λοιδορεῖν περὶ ἅπαντα ἀνίαται καὶ πρόβητες ἐκείνωντα*
 gibus. *ἀνὴρας, ἡδαιμάς ἡδὲ, ἀναρχίον δὲ ἐνίοτε εἶναι: Vituperare res malè*

affectas & longius in errorem progressas, minimè iucundum, sed
necessarium interdum esse. Quis tamen id faciet? non priuatus a-
liquis, imò non ipse Princeps, nisi de consilio sententiæq; eorum qui
auctoritate, vitæ & doctrinæ ad hoc apti. Concilia huic rei vtiliter Concilia
reperta, & crebrius quàm nunc, olim usurpata: quorum propriè hoc
munus, videre siquid in doctrinâ aut disciplinâ Ecclesiæ labat, &
reuocare ac reducere ad veteres suos purosq; fontes. *hoc sine.*

Sequitur altera Calumnia, quam multis verbis (nouimus tunc
morem) texis. Ille Lipsius Machiauellissat. ille ad fraudes, ho-
miciid, periuriam Principi suo præt.] Dic sodes, vbi, vbi Diodo-
 Turpis *rei In Capite, inquis, de Fraudibus. Testor Deum & homines, post Ca-*
 i. C. LII *lumniam* *Diodori.*

Et in aper-
to menda-
cio.

lumniam natam, turpiore & apertiore calumniâ neminem petiitum, Ego illa probo aut praeo? Quin disertis clarisq; verbis damno, detestor, repudio: nec nisi ut damnarem, umquam illa scripsi. Tu homo, in istâ luce temporum atque hominum, audes hac sic propalâmentem iri? quasi nemo esset qui mea legisset aut legeret? Mihi crede. scilicet tibi sanum non fuit, cum scripsisti: admoue in tempore curbitas, aut peristi.

Varia con-
silia.

Nondum etiam finis. sed ut corporibus in praeceptis iactis nullum ultra sui arbitrium est, nec eunt sed feruntur: sic tu qui semel ad calumniam dum conuiciandumq; te proiecisti, abis extra omnem honesti metam. Ego superbus & arrogans, qui his de rebus scribam nec Theologus, nec Iurisconsultus: quid denique? ut postea addis, Ludimagister tantum. Bonâ fide, Ordines, virum priscus mos rediit, & conuicia spargimus è plaustro? Et an respondeo? non debebam: tamen breuiter. De Iurisconsulto quidem: non preferre me eum titulum, sed tamen publicè, in magnâ frequentia, & post solemnia experimenta, Lothari* illo donatû. De Theologo: planissimè, nò sum: fateor. & Patres tamen Græcos Latinosq; legi, ac plusculû in iis quàm tu intellexi. At de Ludimagistro quid tibi vis? scholâ priuatim me habuissè? numquam factû. In aliam spem, si nescis, educauerunt me parentes. Bono honestoq; genere sumus: & per Auiam & Proauiam paternam nobilissimis familiis inserti. Illa ex Eeckhoutiis fuit, hæc è Linckebekiis: gente utraque iam intermortuâ, sed tamen in nostris quoque Annalibus non ignotâ. Ipsi Liplij ante annos centum, opibus & dignitate inter Bruxellensium primos. Ista iactare non assueuimus: sed tu adigis, qui, quod olim nescio quis Seneca, mihi nunc inter probra obiicis, Professoriâ linguam. Vtor eâ, fateor. nec cum infamiâ aut damno Batauiæ vestrae vtor. hoc quoque fateor. denique facio, quod ante me nobiles imò Principes viri.

Agrippina
apud Tacit.
xiii Ann.

Non teme-
rè prisca
innotantia.

Nota.

MAIORVM instituta tueri sacris cærimoniisq; retinendis, sapientis est. Omnino. & ausus est Plutarchus scribere, tutius honestiusq; etiam in his errari. Verba eius notabilia: χαλεπὸν μὲν ἐν τοῖς τοῖς ἡ ἀσφάλεια καὶ δύσμετος, ὅτι περὶ πάντων δι' αὐτῆς τῆς ἀσφαλείας καὶ ἀνιδρύσεως. τὸ μὲν δὲ ὁ δὲ παλαιὰ καὶ συνήθεια δι' ἀληθείαν ἀμείνων: Difficilis in istis (quæ ad religionem) certitudo, & comprehensu ardua. benignius tamen erratur, cum receptâ & veteri opinione per circumspectam timiditatem, quàm contra mores, & prædidenter.

In Craſſo.

Βασίλειος
Diodori.

Sed hîc rideo imperitiâ tuam, an malitiâ? Nam Verba ista sic vertis, non quasi fuerit sacris cærimoniisq; sed omisâ copulâ sacris cærimoniis. & linguâ Belgicâ pulchrè me apud tuâ plebeculam traducis, Senex, senex, τὸ γῆρας ὑμῶν εἰς ὁρὰ νοῦν ἐκ ἔχον,

Eurip.

Iam

Iam multa quoque in ipsam sententiam (proprio verbo utar) deblateras: sed quid respondeo? quod olim Aristoteles cuidā simili. qui cum multa nugatus esset, & abiēs excusaret, Nūquid molestus tui? Non mehercules, inquit. non enim attendi. Diodore, ego non legi.

PVNI igitur, siquis turbat.] Numquam scripsi aut sensi aliter: nec hic atque infra errantes in religione punitum iui, sed turbantes. Tu si scis, quid in mē clamas? si nescis,

Του φλός τά τ' ὄτα, τὸν τε νοῦν, τὰ τ' ὄμματα εἶ.

Sed ventum iam est ad locum, qui nisi fuisset, praeclara haec scripta non fuissent. Sic ipse in sermone alteri dixit, Omnia se mihi condonare & remittere posse: non posse insignem calumniam quā Lactantium iussi. Quae ea est? scripsi: Serio, serio, hoc inbibere. Nihil esse in rebus num unis religione praestantius, eamque summā vi oportere defendi.] & in margine Lactantium adscripsi. O facinus, o iniuria! Lactantius haec planē, planē, in contrariam mentem scripsit: & vide Lector quid in aliis quoque Lipio credas, corruptori, fatuo (hem, hem, tolutim badiza.) malitioso: & quid non? Triumphas, & inueheris equis albis. Ego quid? ieneor miser, deprehensus sum, nec Orci galea me teget. Tamen uno alteroque

verbo Diodore. Legisti? MONITA mea ad Lectorem? si non, iniurius es, qui non lecta mea carpis: si sic (& verò legisti, tu ipse prodixisti & clamas:) malitia tua insignis est, impingere mihi culpam, quam aperui antè, & retexi. Si tamen culpa est, uti proborum auctorum verbis in sanam probamq; mentem. Nōne ea hic est? aude negare.

Ambrosius: Nihil maius est religione, nihil sublimius fide. Et quis non religionem ante res humanas habeat, eamq; (probam utique) defendat? Etiam ethnici sciuerunt & fecerunt. Valerius: Omnia post religionem ponenda semper nostra ciuitas duxit. Insitum hoc nobis, ut cum aliquā numinis notitiā aestimemus idem & tueamur.

Tamen peccavi, quod testimonio Lactantij malè utor. Ego testimonio? numquam putavi te tam matulam. Desunt mihi scilicet testimonia clara, aperta, irreprehensa de puniendis haereticis: nisi particulam hanc sumam à Lactantio, & isto fine. Erras, erras. non hoc nobis propositum, ut Testimonia ista adducere, sed mentem sententiamq; nostram exprimere, & filum illud sermonis contexere inuidendum aut irridendum vobis, non imitandum. Interdum tamen ut Testimonia sed tunc comparent. Erras amplius, quod censēs Lactantium hanc sententiam damnare. falsum. Ille Romanos sentire ita dicit: nec de sensu aut defensione carpit, sed de improvidā defensione.

** Malam enim vanamq; religionem, & idè malè, ibant defensum. Iam haec capis? heu vices rerum! detractus es de tuo curru: & triumpharis, qui triumphabas.*

Et alter in Lactantij.

** Idè praemissit: O quam in honesta voluntate, miser errant!*

Voluntas igitur defendendi proba, si probam.

Voluntas igitur defendendi proba, si probam.

Voluntas igitur defendendi proba, si probam.

Voluntas igitur defendendi proba, si probam.

Voluntas igitur defendendi proba, si probam.

Voluntas igitur defendendi proba, si probam.

Voluntas igitur defendendi proba, si probam.

Voluntas igitur defendendi proba, si probam.

Voluntas igitur defendendi proba, si probam.

IN CAPVT III.

PAG. 79.

Limitata
sententia.

VNAM religionem in vno regno seruari.] *In regno, inquam, bono & composito, & quale formamus atque optamus. Nam priora illa nostra, bono tranquilloq; statui scripta sunt: hæc quæ sequuntur, turbido. illa perpetua, hæc temporaria, atq; utinam nunquam eorum vsus!*

PAG. 80.

Bella
ἀσπορδία
ob religio-
nem.

QVAS dissidiorum faces religio tibi accendit!] *Atque ita accendit, ut nulla prudentia videatur posse restringere. Ut enim fratrum odia acerrima sunt: sic eorum ferè qui consortes aliquando eiusdem religionis. Tu, tu Deus adinua.*

Misericordia
huiusfa-
culi.

COLLIDVNTVR inter se Christianæ recip. capita.] *Miserabili & nouo prorsus exemplo. Videamus Annales omnium gētium, & omnis aui: tam acria, tam diuturna bella pugnata non legemus de religione. Iuuenalis pro miro & monstro habuit, duo opida in Aegypto concurrisse inter se ob hanc causam, & id dignum Satyræ censuit: quid nunc diceret aut scriberet, ubi Europa pænè tota?*

Interpre-
tatio.

PERIERVNT ac pereunt per speciem Pietatis.] *Altrinfecus verum est. siue quòd ij qui perdunt, demereri se Deum putant: siue quòd ij qui pereunt, mori pro diuino cultu. Ceterum non nescio ludos & mimos scelestè hîc interuenire: & quorundam ambitionem aut auaritiam velari hoc mantello. Paulus Aemilius pro me loquitur: Nihil in sacris bellis perinde offuit, atque mos iam exortus, ut honestà præscriptione suas quisque respiciat res. In ore omnium Sanctum Piumque versetur: consilio, conatu, animo, secus afficiantur. Si de religione tantum agatur, si obliuio noxæ sanciat, si fanatis mentibus, fortunis hominum absteineatur, omnes idem sentiant. Nunc de Mortalium iure, de Comitatu res est. Dicat virum vatem fuisse, & scripsisse in hoc æuum.*

In Phil. 1. 1.

Maligna
in nos
ἐχθροσύνη.

NEC quidquam tam probè aut prouidè hîc dici, quod non vellicare malignitas possit.] *Tu es exemplo. qui non sensus tantum, sed verba etiam nostra rimaris, & velut in aurariâ trutinâ pendis.*

Modestia
nostra car-
pitur.

CONSILIA non decreta adfero, nec assero aliquid, sed pono.] *Hæc nostra modestia est, quæ sola effrenes tuos impetus debet cohibere. Sed tu ut calx aquâ accenditur: sic efferris temperanti omni sermone. Hîc igitur insultas, & ais repugnâtia me scripsisse. Nam in preloquio ad Lectorem dixi cōmunia quædam præcepta me dare, & velut decreta. hîc Scepticum ago, & nego me discernere. Semper tui similis es, incogitâs, intectus, & paratus inserre tantum*

Αἰσχρία
ἀναισχρησία.

tantum istum, non vitare. Vtrumque ego aio rectè & verè à me dictum. istud in duobus his Capitibus; illud in reliquo opere toto. Et quid ni hic ambigū? res Theologa est: quā haud iniuriā iis subiicio.

* Οἱ μὲρ φέρτε ἐγὶ εἰσι νοήσας τε κελίαι τε.

*Atque ego uniuersè etiam didici * ὡς διπορίας γνωστικῆς μήτηρ ἢ ἐμπη-
τικὴ διπορία. Non desipit, qui aliquid ambigit ὁ Diodore: ille magis
qui in omnibus & supra omnes sapit. Itaque ingenuè & verè præ-
fatus sum illud, quod plus decies in hoc libro mihi impingū: Me la-
bi & errare nō solum posse, sed debere. Nonne ita est: miror amen-
tiam. Solum ego Deum omniscium, & expertem erroris habeo: ho-
minum quidquid est, opinantur, vacillant, errant. Ipsi beati genij
& aeterni spiritus ab * errore non tuti, nisi Deo dirigente. Audi sa-
pientem à prisco aeo: Inter cetera mortalitatis incommoda & hoc
est, caligo mentium: nec tantum NECESSITAS ERRANDI, sed er-
rorum amor. Audi Sapientem à nouo aeo: Nemo est mortalium,
quem non aliqua pars ignorantiae attingat. hanc contagionem ex
ipsa mortalitate traximus. Nam homo cū errat, humanitus er-
rat. Errorē autem in homine calumniari, est toti ipsi mortalitati
conuicium facere. Audi, te respice, respisce.*

*Nescio quid subinde nugaris, me contemnere aliena iudicia, uti-
que Consulū aut Tribunorū. Nam ita dicis me scripsisse Cent. i.
Epistol. LXXXVI II. Tribuni illi me absterreant? nihil. iacent se
apud suam plebem; mihi abundè fatis, si eques hic plaudat & Se-
natus. En, etiāne Epistole hīc mihi defendendæ sunt? fiat. Ego
nihil ibi de Consulibus scripsi, nec nominavi vel verbo. Sententia
etiam mea nec superbiam nec contemptum præfert. Hoc sensi, quod
ille Termaximus: Οἱ ἐν γνώσει ὄντες, ἅτε τοῖς πολλοῖς ἀρέσκουσιν, οὐτὲ δι-
πολλοὶ αὐτοῖς: Qui cognitione imbuti, nec ipsi populo placent, nec
populus ipsis. Tu caudam ibi iacta.*

— οἱ γὰρ ἐν σοφοῖς
Φαῦλοι, παρ' ὅχλου μουσικώτεροι λέγαν.

*Sugillus etiam Breuitatem meam, & in Socratis dicto facetus & ve-
rustus esse voluisti. Quā te non decet! risimus, quod ille ait, came-
lum saltantem. Sed de Breuitate, eam ego amo, amabo: & si fieri pos-
sit, quid sentiam ostendere, quā loqui mallet.*

Paruus & est cygni melior canor, ille gruū quā
Clangor, in æthereis dispersus nubibus Austri.

*Dvo genera eorum facio, qui in religione peccant.] In hac
diuisione consentit mecum Clemens Alexandrinus. Ex iis, inquit,
qui declinant à veritate, alij seipsos solos, alij verò propinquos
quoque conantur fallere. Atque ij quidem qui appellantur δόξο-
σοφοί,*

σοφοί, id est opinione sapientes, qui se veritatem inuenisse existimant, nullam habentes veram demonstrationem, ij seipsos decipiunt: quorum non parua est multitudo, & quaestiones declinantium propter confutationes, & doctrinam vitantium propter condemnationem. Qui autem eos, qui accedunt, decipiunt: ij sunt valde callidi & astuti. qui etiam si satis sciant se nihil scire, probabilibus tamen argumentis obscurant veritatem. *Et verò diuisio haec necessaria ob temperandum feruorem, qui in animis quorundam accenditur importunè.* Difficile enim est modum tenere in eo quod bonum (magis quod pium) esse credideris.

Serena
epist.

Qui alios
inueniunt.

Diuisio
nostra senten-
tia & n. c.
derationi
apta.

Reges ha-
runcos puni-
unt.

PUNIANTVR à te, ne tu pro illis puniaris.] *A te, à te dico, quicumque Rex aut Princeps. Nonne gladius tibi ad diuina humanaq; defendenda? Rex qui sedet in folio iudicij, dissipat OMNE* Prou. xx.
malum intuitu suo. Augustinus: Quomodo reges seruiunt Domino in timore, nisi ea quæ contra iustum Domini fiunt, religiosa Epist. ad
seueritate prohibendo atque plectendo? Bonif.

Duplices
Turbato-
res.

Violenti;
Subdoli.

MAXIME si turbant.] *Et antè & nunc addo. Non enim quoscumque in religione errantes puniri velim (tu ubique confundis & obiciis) sed hos peccantes. Qui ergo turbatores isti sunt? meo iudicio duplices. Nam hoc quoque discrimino ad pænarum discrimen. Priores, qui palam contra leges, contra magistratus, nouam religionem inuehunt, docendo, scribendo, cœtus colligendo. Alteri, qui non tam nouam religionem inuehunt, quàm prodūt: & receptam quoque per disputatiunculas & argutias in publico conuellunt. Quo in genere ventosa ferè ista & praua ingenia; itemq; homines Saturnij, queruli, δυσχεροὺς (ut Philonis verbis utar) τῇ πωρίῳ πολιτεία, φόρον καὶ κατηγορίαν ἀπὸ τῶν νόμων μελετῶντας: malè affecti erga patria instituta, & in reprehensionem semper legum accusationemq; intenti. Denique, vno verbo, quibus nihil placet quod aliis placet. Nosti eos Diodore?*

De confus.
linguar.

Περυσία
fatus Dio-
dori.

Conuiciorū
cumulus.

Sed hic satagis valde vt reperias γυνώσκον istud & commation apud Cyprianum. Subtiliter & acutè multa diuinas. Libero te astu. Verba Cypriani sunt, sententia mea. Post hac erumpis, & lancinas vniuersum meum librum: Farraginem esse, inepta Miscellanea, Moretum, Lancem Satyram, siue, Hispanico verbo, putridam ollam. Euge, euge! Benè sperare de tuo morbo incipio: euomisti. Sed enim uero quid ista ad rem presentem? imò quid ista ad tuam cognitionem? Tu homo, quod ipse fatearis, bonarum artium litterarumq; rudis, indicas de litterato illo scripto? Appello, appello Diodore: agenda hæc sunt apud aliud tribunal. ad subsellia Tribunicia non veniunt hæc causæ. Quid tamen displicet? Confusum est, breue est. De confusione erras. nego quemquā veterum magis dispositè totam hanc

Αἰτιατικῶ-
ς.

Politica
nostra qua-
lia:

Disposita:

hanc rem scripsisse. De breuitate, verum est: & eo magis placet, quod Breuia, & te tuig, similes arcet ab illo scripto. Non capis hic, etiam quæ capis. imperitiis obscura.

Epist. xcv.

Omnium honestarum rerum femina, ait Seneca, animi nostri gerunt: quæ admonitione excitantur, non aliter quàm scintilla flatu leui adiuta ignem suū explicat. Sed oportet, Diodore, prius in animis esse honesti hanc scintillā, prudentiæ hanc scintillam: aliàs nullis foliis excitandam. Denig, ego fateor, minimè popularem esse illum librum: & quo vti aliquis magis possit debeatque, quam frui.

CLEMENTIÆ non hic locus.] Quid ergò? ego sum ille *Erustrā inclementia accusamur.*
Cyclops, Scinis, Phalaris, qui non misereor: cui ludo & ioco sanguis humanus est? Ah, absit. mite mihi pectus, fateor: & utinam Principibus, quos hæc res tangit! Cur igitur ita scribimus? quia publicè *Causa seuerioris dicit.*
expedit: quia seueri pro pietate & legibus esse volumus: quia hæc ipsa clementia est, non esse hic clementem. Multos seruamus, dum unum tollimus, illum ipsum seruamus, certè iuuamus, dum tollimus.

Sen. de Prouid. cap. III.

Non enim id facimus (mox audies) nisi in extremè & desperatè malis: quos sisti & reprimi in illo nequitia cursu, est pro ipsis. Sed & alias, cum citra mortem punimus, bono quoque est & expedit puniri. Si miraris hoc pro aliquo esse, miraberis quosdam ferro & Punio bona punis.
igne curari, nec minus fame & siti. Sed si cogitaueris tecum, remedium causā quibusdam & radi ossa & legi, & extrahi venas, & quædam amputari membra, quæ sine totius perniciæ corporis hæere non poterant: hoc utique patieris tibi probari, quædam incommoda pro his esse, quibus accidunt. Nam emendandi corrigendiq, per

Idem I. d. II, cap. v.

penas, bonus Princeps semper habet finem. Quemadmodum quædam hastilia detorta, vt corrigamus, adurimus, & adactis cuneis non vt frangamus, sed vt explicemus, elidimus: sic ingenia vitio praua, dolore corporis animiq, corrigimus. Augustinus in hac ipsa re: Magis pro eis sunt leges istæ, quæ illis videntur aduersæ, quoniam multi per illas correcti sunt. Iterumque: Molestus est & medicus furenti phrenetico & pater indisciplinato filio, ille ligando, hic cædendo, sed ambo diligendo. Si autem illos neglegant & perire permittant: ista potiùs mansuetudo falsa, crudelitas est. Denique de Turbatoribus hic loquor: ad quos Catonis illud aptem: Misereamini censeo. næ ista vobis mansuetudo & misericordia, si illi arma ceperint, in miseriam vertet.

Epist. ad Boas.

Ibidem.

VRE, seca.] O verba nata in turbas! periissent illa, & calamus, cum scripsi. Et tamen ratione si diiudicamus, quid peccant? A veteris medicinæ ritu sumptus sermo, qui in ulcere aut vulnere secabant, & deinde sistendo sanguini vrebant. Testimoniis hoc crede, & quod dicitur, Mittatur senex in scholas. Seneca, vt ego, planissime. Hoc erit non molli viâ mederi, sed * vrere & secare. Nescio quis *Inuidiosa vocule: Vnde & quomodo accepta? * Id est asperius mederi & durius.*

Apud Salust. in Coniur.

Consolat. ad Helu. cap. II.

Prisci prae-
tres scilicet
cui.

quis poeta allusit: Fortiter & ferrum, sauos patiemur & ignes. Propert.
lib. i.
In hac ipsâ, ipsâ re, Hieronymus verbo & imagine simili usus: Scindendâ putridâ carnes, & scabiosum animalâ caulis ouium repellendum: ne tota domus, massa, corpus, & pecora, ardeat, corrumpatur, putrescat, intereant. Sed quid ego hac ad te? Oleum perdit & impensas (ut idem sanctus & doctus vir loquitur) qui bouem mittit ad ceroma.

Ad Pam-
trach.

Ridicula
ineptia.

Iterum obturbant tuae nuga. Cicero hæc de Catilinâ scripsit, tu ad Hæreticos malâ fide transfers. Prouide & benè monitum. Nam hercules periculû erat, ne ego aut alius censeret, scripta hæc à Cicero in Hæreticos ipsos. Senior bullâ dignissime, tecû ego cõtendo?

Accuratè
de ratione
puniendi
dictum.

Gradus
pœnarum
faciendi.

Sed de re. Quid volo igitur? non ad ferrum statim omnes aut ignem, ô bone, non: sed pro modo delicti coerceri aut puniri. Puniri dico. & cautè ac circûspectè communi eo verbo semper in hac resum usus, non dixi, Interfici aut Occidi. Pœnarum gradus hic facimus, & nimisquàm rarò ad extremum illum venimus. Ut medicus omnia tentat, priusquam ad sectionem aut uisionem accedat: ita legum Præsidentem ciuitatisque Rectorem decet, quamdiu potest, verbis, & his mollibus, ingenia curare. Trãseat deinde ad tristiorum orationè, quâ moneat adhuc & exprobret: nouissimè ad pœnas, & has adhuc leues & reuocabiles, decurrat. Vltima supplicia sceleribus vltimis ponat, ut nemo pereat, nisi quem perire pereuntis etiam interficit. O Princeps nota, & hos tales sapientes audi potius, quàm istos de viâ clamorosos, & quibus cerebrum omne est in linguâ.

S. n. de Irâ,
lib. i. ca. v.

Nobis illi
quatuor
sunt.

Secundum
genera Tur-
batorum
distinctè
adhibemus.

Quod si mea quoque consilia locum inueniunt, non inuidebo. Quatuor pœnarum genera siue gradus in Turbatoribus istis agnosco: Multam, Ignominiam, Exsilium, Mortem. Omnes utiliter, sed aliter atque aliter adhiberi. Duas primas plerumque in minutis illis Turbatoribus, & quos posui in Classe secundâ: duas alteras in maioribus, & qui in Classe primâ.

Multa,
quid, & in
quos vult
pœnda.

MVLCTAM quid appellem, satis clarum est. pecuniarum nempe aliquod damnum, quod incurrât quoties in hac re peccant. In quos ea utilis? meo iudicio in Sophos illos aut disputatores, & quicumq; publicè liberi nimis aut proterui oris. Hos tales multa, nec sanguinem ab iis, sed pecuniam duce. Veteres quoque fecerunt. & Theodosij lex fuit: quæ in conuictos hæreticos statuit decem librarum auri pœnam. Tu pro tempore & pro re moderare. Quid si contemnant? rarum erit: & apud quosdam proficiet. tamen si pertendunt, alterum scilicet adhibebis

Codic.
Theod. De
hæret.

Ignominia
quid, &
quotuplex?
Excommu-
nicatio.

IGNOMINIÆ telum. Ea est, quæ pudorem publicè adfert, & maculam suffundit famæ. Multa sunt in hoc genere: & varîe usurpata priscis. Vetusissima in Ecclesiâ Excommunicatio, id est, ut à templis

templis arcerent & communi piorum societate. Synodo Laodicensâ veteri canon fuit: *Ὅτι τὴν σκληροῦν τοῖς αἵρετικοῖς εἰσεύαι εἰς τὸ οἶκον τῆς Θεοῦ, ἀπαγορεύεται τῇ αἵρεσι:* De non patiendo vt templum Dei hæretici ingrediantur, quamdiu in hæresi perseverant. *Item interdictio*

Interdictio nuptiarum.

Can. xxxi. cum iis copule aut nuptiarum. Eadem Synodus: Non contrahere cum hæreticis nuptias, nec filios aut filias collocare, etiam si promittant Christiani fieri. Amplius, priuatio munerum & honorum. vt Theodosij, Valentiniani, Arcadij lex fuit: quâ omnis denegatur hæreticis facultas militandi, quinimò extra vrbis mœnia arcentur.

Priuatio munerum.

Codex Theodosij. Georg Cedrenus.

Iustiniani etiam latior: *Ἐλλωλίζοντας μὴ πολιτεύεσθαι ἢ αἵρετικούς, εἰ μὴ μόνους τοὺς ὁρθοδόξους χριστιανούς. ὡρθοδοξίαν δὲ διδοῖς τοῖς τοιοῦτοις, εἰς ὅπως ἐσθλῶς τῶν μὲνων:* Gentiles aut hæreticos non tangere remp. sed solos Christianos orthodoxos: datque iis ad conuersionem tres menses. Potes ad hanc ignominia partem referre, quòd remoti ab omni liberalitate aut successione, quodlibet titulo venienti. *Item inustiones frontium aut stigmata, ritu prisco. Reperio in Angliâ* hac adhibita sub * rege Henrico II. De quo Gulielmus Neubrigen- *inustio frontium.* fis. Tunc Episcopi, ne virus hæreticum latius serperet, eosdem publicè pronunciatos hæreticos, corporali disciplina subdendos Catholico Principi tradiderunt. Qui præcepit hæreticè infamiae characterem frontibus eorum inuri, & spectante populo virgis coërcitos vrbe expelli. Ego pleraque ex istis commode & iudicio admiserim: atque etiam hanc frontium inustionem. Fallor, aut ipsos dedecus illud valdè coërcet, aut aliis certè notabiles reddantur ad cauendum. Nam quæ de discretâ veste aut pileo dici possint, ridicula, & leuia ad talia ingenia refrenanda.

inustio frontium. Anno M. C. LXII.

L. IV. Cod. de hæret.

II. ca. XII

Iam EXSILIUM quoque inter Pœnas, idq̃, creberrimè olim fuit. Constantinus Imp. Arium & Arianos deportari exsilio præcepit. Constantius Aëtium propter confessionem dissimilis substantiæ mulctauit exsilio. Theodosius minor, Nestorium pulsum ex Oriente, relegauit apud Oasim. Et exempla plura atque obuia. Ego hanc pœnam valdè amplectar, & peculiarem maximè huic malo censeam, quòd sepositione istâ & relegatione vitetur. Præsertim si ea sit prisco exemplo, in loca insulasq̃, desertas aut minùs frequentes. Etiam in iis qui summè Turbatores, vide ne conuenientissimum sit istud, & ex Patrum ac Principum veterum mente. Nam etsi

Exsiliu frequens hic olim:

Ecclesi. Hist. paf. sim.

Propria quasi pœna.

Denter. cap. XII

Mors raro hic vsurpata.

Sozom. Ecclesi. Hist. VII. cap. XII

MORS (quarta ca pœna est) in hoc genus seductores & Pseudoprophetae à Morte decreta exercitaq̃, sit: tamen à Christianis olim raro. & paucis ea Principum legibus expressa: idq̃, terrendi fortasse magis, quàm representandi causâ. Theodosij sanè hæc mens fuit: *οὗτος ὁ πᾶς τοῖς νόμοις ἐσθλῶς ἐπιμαρτυρίας ἀλλ' ἐκ ἐπιβουλῆς ἢ γὰρ πωρεῖται, ἀλλ' εἰς θεὸν καλῶς ἂν τὰς ὑπηρεσίας ἐσθλῶς ἐπαρῶντος ὁμοφρονεῖς αὐτῷ γινώσκοντο ὡς τὸ θεῖον. ἐπεὶ καὶ τὰς ἐκοντὶ μεταπηδῶντας ἐσθλῶς.* Graues pœnas

pœnas legibus constituebat, sed eas non exequabatur. Non enim punire, sed metum iniicere subditis studebat: ut concordēs sibi fierent in rebus diuinis: quoniam & sponte conuersos laudabat. Ego

*Et raro, ex
nostrā men-
te vrsur-
panda.*

*Lenem te-
stimonij effi-
ci expediat.
* Sic tamen
ut aperta
supplicia
non dam-
nem, cum
Ecclesijs
inducit
expedire.*

*sententiam meam non dissimulo, Melius magis, è re & mente Chris-
tianā videri, ut maneat quamdiu potest, in mulctæ aut ignominie
gradu: & cum Tertulliano, suffundere malis hominis sanguinem,
quàm effundere. Quod si ulterius progrediendum quoque sit: Ex-
silio contentus esto, aut si ad mortem: simplex tamen ea & mitis sit,
imò (arcanum aliquid audi)* arcana. Reliqua scelera cum castigantur,
ostendi expedit, hoc flagitium oculi & tegi. Causa in prom-
ptu, ut miserationem detrahas, & minuas sermones. Ceterum illud
imbebe: Exquisitior quæque crudelitas, illecebra est magis sceleris.
Simul & hoc scito, quomodocumque rem institues, erunt prauī isti
& refractarij (Deus ipse prædixit, hæreses fore) & multum si effi-
cis, non ut desinant planè, sed ne vincant. Deum precor, tibi o Prin-
ceps, moderatam mentem, illis sanam & penitentem det.*

*In Apol.
cap. iv.*

*Terrull.
Apolog.
cap. vii.*

*Seneca De
ira, lib. i. i.*

*Sistendus
interitum
Legum
cursus.*

*QVAM DIU turbatores coerceri sine maiore turbâ pos-
sunt.] Hæc exceptio & quasi limes est, quo priora illa signo. An
seueritatem indefinitè semper Principi prædicem? non possum. Co-
gunt sæpè diuersas inuenire medicinas, variorum experimenta
morborum, dixit in hac ipsâ re Augustinus.*

Retrac.

PAG. 81.

*Curiositas
nostræ aui
Theologia
profana-
tio.*

*Apud Gra-
ecos inferio-
res idem.*

*FATALIS est ista ingeniorū scabies.] Ita loquor. quia velut
à celo & ut dixerim, astro aliquo est hæc pestis. Atque ut corporum
quidam morbi certis temporibus interueniunt: sic nunc iste animo-
rum. Viri, famina, senes, pueri, quæstiunculis ludunt & lasciuunt:
eoque ventum, ut pro parum sano sit, qui non sic insanit. Mysterium
Theologia erat, facta est popolare oblectamentum. Vis imaginem
clarā horum temporum? Nicephori Gregoræ ista lege. Apud nos
etiam opificibus effusa sunt arcana Theologiæ, atque ita omnes in-
hiant ratiocinatiunculis & sermonibus syllogisticis, ut herbæ &
pascuis armenta. Et illi, qui de rectâ fide ambigui sunt, & qui nec
quomodo credendum sit sciunt, nec quid sit illud quod credere se
dicunt; illi inquam & fora & porticus, & theatra omnia Theologi-
â compleuerunt. neque solem hunc testem facere impudentiæ
sue reuerentur. Quomodo autem non sit absurdissimum, olim
quidem cum florent Gentilium dogmata, ordinem aliquem
fuisse, & arcana quæ Delforum Theologis commissa erant, nulli
alij vel edicere vel indagare licuisse, siue is Plato, siue Socrates, aut
alius sapientia celebris fuisset: apud nos verò, qui purum pietatis
mysterium profiteamur, ita profanari res diuinas, & omnibus, qui
de Theologiâ disserere volunt, id licere suo opte arbitrio & iustitia
gio: iam dissidia & ambitionem quæ inter capita sectarū & duces,
pulchrè*

Hist. li. xi.

pulchrè idem exprimit & deplorat. Factionum verò Principes inter se digladiabantur, & linguas contra sese mutuò armabant, non zelo diuino, sed iracundiæ impetu ducti. Nam qui secundum Deum est zelus, à supernâ potentiâ dependet, & diuinâ quadam ac moderatâ concinnaque ratione gubernatur. Qui verò mentis suæ fores ambitioni aperiunt, ij non vident zelum suum in æmulationem & odium conuerti, & pro frumento, vuâ, ceterisque bonis fructibus, spinas & tribulos in hoc agro produci. Hæc autem sunt lites, ab animo non satis instituto profectæ, & aduersariarum orationum certamina. *Hæc in Graciâ olim fuere. quando? cum paullo post ruit. Nos quid aliud expectemus, nisi malis errationibus finem facimus.*

Partes & factiones. Odia zelo velantur.

Anus ad armillum, Diodorus ad illud. Si fatalis, inquit, ista scabies, cur punis? Nam fato nulla humana vis aut mens resistit. *Pueri in scholis respondeant, Fatali sceleri fatales quoque esse penas. Nexa hæc inter se & deuincta. Quamquam aliâ mente hoc à nobis dictum, & absit ut scelera aut errores velimus esse à Fato vel astris. Sed alterius ista loci sunt.*

Adversus Diodori

Ut disputare omnes malint, quàm viuere.] *Disputationes ergo damno? non: si in loco, si inter idoneos, si cum modo usurpata. Locum censeo, Scholas, Academias, Collegia. Idoneos, rerum sacrarum & Philosophia item peritos. Modum, ut contentio & nimia subtilitas absint. Nec enim quidquam minùs conuenit, quàm subdola ista calliditas, animis conantibus magna. Sed in publico & in populo disputationes omnes valde improbem. Primum, quia per eas excitantur ad nouitates multi, & pruriunt.*

Vbi, à quibus, et quatenus, disputandum. Publica & populares disputationes noxia. Nisi Principi aut us qui praesunt, ob causas, aliter videntur.

Humanum genus est audidum nimis auricularum, ait poeta. Deinde, quia *Sisinnij consilium* (in re quidem ista religionis mihi probum, viri disert, rerum usu periti, in litteris sacris eruditi, & summi item philosophi. Nam hæc *elogia illi dant scriptores.* Is igitur *Theodosio* aiebat: Disceptationes non solum non reconciliare schismata, sed hæreticos præterea ad contentionem magis accendere. Idcirco concertationes Dialecticas vitandas, testesque adhibendis tantum Formulas fidei à veteribus editas. *Antiqua enim & antiquos si reiiciunt, quæ ratio aut argutia eos vincet?*

Sisinnij consilium. Tas ex doctrinis tamen parantur. Mens refractaria semper In doctorum hominum, & nolunt vel cedere veris.

— * αἰεὶ ἀπειρήτων νόος ἀνδρῶν

Δύσμαχος, ὃδ' ἐδέχαστο ἃ ἔρεκέεσσι πιδέχθ.

Andronicus igitur Imp. sapiens. qui tantum abfuit ut morem tunc & nunc receptum de diuinis dogmatibus differendi probaret, aut de Deo nouum aliquid vel dicere vel audire vellet (etsi ipse rerum diuinarum peritissimus:) ut Nouarū Patrarum Episcopum Euthymium virum eruditione clarū & Iohannem Cinamum, in taber-

Andronicus disputationes damnat, aut subtiles inquisitiones.

naculo suo contra Lopadium differentes super isto, PATER MAIOR ME EST, non solum obiurgarit, sed etiam abiecturum se in præfluentem amnem Rhyndacum seridè minatus sit, nisi desisterent talia loqui. Sed & Turca & Moschi hac parte sapiunt: apud quos de religione sacrisq; disputare, capitale est.

Scripta non
passim
edenda.

Platonica
proba lex.

Edita qua-
dam tol-
lenda.

Curiosi in
religione,
malè.

Multitudo
peccantium
pœnâ tollit
aut mittit.

Temporum
habenda
ratio.

Valenti-
niani mo-
deratio.

DISPUTATIONI assidet contentiosa aut curiosa Scriptio, quæ ipsa factionum sapè causa & fomentum. Tollatur. Quomodo? Primum, nequid edatur sine idoneâ approbatione aut consensu: quod Plato palam requirit in rep. benè constitutâ. Τὸν ποιητὴν, αἶτ, ὡς τὰ δ' ἀπολεως νόμιμα, καὶ δίκαια, ἢ καλὰ, ἢ ἀγαθὰ, μηδ' ἐν ποιεῖν ἀλλὰ, τὰ δὲ ποιηθέντα μὴ εἶναι τῶν ἰδιωτῶν μηδ' ἐν πρῶτον δεικνύειν, ἀλλ' αὐτοῖς τοῖς ἀπὸ ταῦτα ἀποδεικνύουσιν κατεταῖς καὶ τοῖς νομοφύλαξι δειχθῆναι ἀρετῇ. Poëta præter ciuitatis leges & iura, item honesta & bona, nequid composito. & quod composuerit, necui priuatorum antè ostendere fas esto, quàm iudicibus super hac re constitutis Legumq; custodibus ostensâ ea approbataque. Secundò, ut si quid aliter editum, tollatur. Factum semper in scriptis impiis. ut in illis Protagora: de quibus Laërtius: Καὶ τὰ βιβλία αὐτοῦ κατέχευον ἐν τῇ ἀγορᾷ, καὶ κήρυον ἀναλεξάμενοι παρ' ἐκάστου τῶν κεντηδρόνων. Et libros eius in foro combusserunt, per præconem eos à singulis qui habebant colligentes. Valerius de Numa libris: Eos quia aliqua ex parte ad dissoluendam religionem pertinere videbantur, L. Petilius Prator urb. ex auctoritate Senatus, per victimarios igne facto in conspectu populi cremauit. Et testimonia plura sunt, etsi aliquando cum saluberrima rei abusu.

ACVLEONES vbique & Curiones.] Quos ego quidem detestor: utique in istâ re, quæ simplicissima, & Fidem non rationem ducem habet. Assentiendum hic, non quærendum. Plato mecum: τὸν μέγιστον θεὸν καὶ ὅλον τὸ κόσμον φασὶν εἶναι ἑνταῦθα δὲ, εἶτε πολὺ θεωροῦμεν, τὰς αἰτίας ἱερειῶντας, οὐ γὰρ εἶδ' ὅσιον εἶναι: Maximum illum Deum, & vniuersum Mundum dicimus neque inquire oportere, nec curiose satagere causas scrutantes. neque enim fas esse.

HORVM quanta multitudo!] Et ideo iure mitiges aut differas pœnam. Seneca: In singulos seueritas Imperatoris distinguitur; at necessaria venia est, vbi totus deseruit exercitus.

AN NON fas tempora paullisper Principi inspicere?] Ego censeo: nam honestè cedit, qui temporì cedit. Plures veterum Principum fecere (Ecclesiastica Historiæ docebunt) tum maxime Valentinianus. De quo ista Ammiani sunt: Valentinianus hoc moderamine Principatus inclaruit, quòd inter religionum diuersitates medius stetit, nec quemquam inquietauit, neque ut hoc colere-

tur imperavit aut illud, nec interdictis minacibus subiectorum ceruicem ad id quod ipse coluit, inclinabat, sed intemeratas reliquit has partes ut repperit. *Idem aut simile Constantius, Theodosius, alij: & nonne nuper in Germaniâ Carolus quintus? De cuius facto qui calidè aut proteruè pronunciat, iniuriam facit maximo Principum à multis retrò annis.*

* Nota
Diodore, nō
instituit.

OMITTERE dico in tempus.] *Non ut eos fallas, aut fidem in octasunculâ frāgas: (indigna hāc alto rectoq; nostro Principe:) sed ut interea cures, verbis factisq; benignè ad meliora traducas. Nonne Princeps semper potest? utinam intellegat! per honores, pramia, pecuniolam, imò per spei solius auram, etiam pertinacissimos ad se trahet. Atqui huic rei quies & pax danda, & species aliqua honesti Transfugij. Hāc concilia Christiani Principes ante aliquot annos si audissent, iam in Asiā & Africā volitarent victricia nostra signa.*

Pax ad re-
ducendos
facit.

Itemq; pro-
missa, aut
pramia.

Damnosa
regibus ci-
uica hāc
bella.

Heu, quantum terræ potuit pelagiq; parari,
Hoc, quem ciuiles hauerunt, sanguine, dextræ!

ISTOS ab atrâ bile Dies plerumque sanat & Quies.] *Deferuescunt enim animi paulatim: & affectum veritas ac ratio vincunt. Sicut autem musto tempus dandum est, ut despumet: sic animis, uti faeces illas ciuciant opinionum. Medici aiunt Melancholicos morbos (nos sensimus) medicinā omni efferari: idem in isto est. quem verè μελαγχολίαν dixeris & Imaginosum quemdam animi morbum. Princeps ille medicorum: Χρόνος ὅστις ἐν ᾧ καὶ ἄλλος: & καὶ ὅστις ἐν ᾧ χρόνος ἀνεσις χρόνου, ὅστις δὲ ἡνίκα καὶ καίρας: Tempus est in quo Occasio: & Occasio in quā Tempus. Medela Tempore, est etiam ubi Occasione contingit. Qui potes, cape.*

Errores
paulatim
exiuntur.

NATURA contumax est humanus animus.] *Et prefer- tim in re hac sensuum, cū opinio accessit pietatis. Clamant enim quod olim Achæorum ille prætor: Veremur vos Romani, & si ita vultis, etiam timemus: sed plus veremur & timemus deos immortales. Itaque cottidie vides. Torque, occide: quasi quadam dulcedine ac nectare ebrij cuncta contemnunt: & eò veniunt, ut dum mori post mortem timent, interim mori non timeant. Si pro verâ pietate, ô constantiam! si pro eius specie, ô peruicaciam! Sed concludo hunc locum Galeni verbis: Οὐ τὰς ἀεὶ δυσαισθησίαν καὶ χόλον ὅστις ἡ πρὸς τὰς αἰρέσεις φιλοπομία, καὶ δυσέκνιπτον ἐν τοῖς μέγιστα, καὶ ψώρας ἀπάσης δυσιατότερον: Adeo contentio hāc circa Sectas malum est, quod nec auertas faciliè nec eluas, idq; omni scabie insanabilius.*

PAG. 78.
In religio-
nis re per-
uicacia.

IN CAPVT IV.

Frustrà
ἀντιπρὸς
accusa-
mur.

PAUCA, vt opinor, in hoc Capite mihi dicenda sunt. De re non lubet hoc tempore: in te non est opus. Pleraque enim probas, & post fella gustas nunc meos fauos. Tamen hoc miraris, quomodo Mors & Vita in vno ore habitent; & qui antea gladios & ignes loquebar, nunc rosas & mulsa. Si res & tempora distinguis (quod serio feci:) non miraberis. atque adeò mirum erit te hoc posse mirari.

Vocula;
vix, Lati-
nis quoque
negat.

Verbum vix, in margine valde te torquet. Scin' quid eo facias? abige & eiice, per me licet. Velim tamen Latianis phrasibus paullo magis te esse peritum.

Domili-
bertas &
imperium.

QUIESCO domi & fileo.] Quisque autem domi sua imperat, si rectè olim Telemachus:

Αὐταρ ἐγὼν οἴκοιο ἀναξέεσσι ἡμετέρῳ.

PAG. 82.

Mentipra-
ter Deum,
nemo im-
perat.

MENTIVM rex Deus est.] Ambigere nemo potest. tamen quia par sententia fortiter expressa à vetusto Indorum Philosopho Calano: lubet adiungere hac ex epistolâ eius ad Alexandrum Magnum. Φίλοι πίδουσι, inquit, χεῖρας καὶ ἀνάγκῃν προσφέρειν Ἰνδοῖν τοῖς φιλοσόφοις, οὐδ' ἐν ὑπνῷ ἐωρακότες τὰ ἡμέτερα ἔργα σώματ' ὅτι μέγιστος ἐν τόπῳ εἰς τόπον. ψυχὰς δὲ οὐ διώσασιν ποιεῖν ἃ μὴ βέλονται, ἢ μάλλον πλίνδοις καὶ ξυλαφονίῃ ἀφείναι. οὐκ ἐστὶ βασιλεὺς, ἔτε ἀρχὼν, ὃς ἀναγκάσῃ ἡμᾶς ποιεῖν ἃ μὴ προαιρούμεθα. Amici suadent, vt manus & vim adferas Indorum Philosophis, qui nec per somnium nostras res viderunt. Corpora enim de loco in locum transferes: animos non coges quæ nolint, facere: aut citius lapides & ligna vocem emittere. Non est rex aut imperator, qui adigat nos facere ea quæ non decreuimus.

Modestia
Getici
Regis.

QUIS enim imponat mihi necessitatem.] Quæ eadem mens Theodahadi regis fuit: Cùm diuinitas diuerfas religiones esse patiatur, nos vnâ non audemus imponere. Quod si regum non est, religiones pro arbitrio imponere: quanto minus priuatorum?

Preces ad
Deum non
fitta.

SVMMS ille Rex regum rogandus (ego ex animo facio) vti hoc miserabili auro aut errantium animos sanet, pertinaciam tollat: aut ipsos reges, benignos mitesq; faciat, & qui sciant sentiantq; homines, in quantum homines sunt, emendandos esse potius quàm perdendos. Sit feruor eorum cum prudentiâ; seueritas cum clementiâ; actiones cum salute ciuium coniunctæ. Audi nos Deus. in cuius manu est cor Regis, & velut riuus aquarum, quocumque voles, inclinas illud.

I N A D M O N I T I O N E M D I O D O R I .

DEFUNCTVM me putabam: ecce vnum adhuc capitulum in hac hydrâ. Admonitio concepta est in fine ad Imperatorem, Reges, Principes: in quâ velut vno fasce complectitur & recolligit calumnias omnes siue probra. Videamus breuiter.

*Ait, clarè & verè iam à se ostensum, Periculosum esse duci à cæco duce.] Id quidem vel cæco apparet, aiebat olim Philip-
pus. A cæco duci, citra controuersiam, periculosum est: sed ille quis?
qui dicit, an in quem dicis?*

Appellasse & nominasse me cærimonias sacras.] *Quid de
iis sentiam, lib. 1. satis dixi. At nusquam ita à me appellatas,
non docebis.*

Homer.
Odyss. 8.

— * Τί σε καὶ ποῖον εἶναι
Μαχιδόνος ψεύδατος; —

* Quid o-
pus te, talis
cū sis,
Menari
asiduè

Nusquam vel verbulo Principi à me designatam Chri-
stianam veritatem.] *Nego. & feci clarè lib. 1. in suo loco, vbi de
Sensu & Cultu diuino scripsi: Vtrique rei vera lux à sacris litteris.
Copiosius aut vberius, non fuit huius institui.*

Sumptu publico me hîc sustentari.] *Ita est. sed nec grandi
nimis, nec inuidendo. Et tamen si oneri sumus, imus.*

Librum hunc meum suspecta facere omnia in Europâ, &
presertim in Galliâ posse.] *Suspecta? pacata, pacata, mi homo: &
id qui paci hostes sunt, sciunt. Tibi tamen pro vigilantia gratias
debemus, quod* * Ταῦτα πολλῇ τῇ διόπτρᾳ σου βλέπεις.

Pifidas.

* Hæcantè
multò per-
dioptram
prospicis.

Velle me in tempus religiones plures admitti, mox qui ad-
hærent omnes è medio tolli atque interfici.] *Planissimè.
Omnes, omnes: à caluo ad caluum. Vbi tamen hoc scripsi? * κακο-
δαίμονας ὧ ἀνθρώποις.*

* Furia te
agitant ô
homo.

Docere me fidem fallere, nec promissâ feruare.] *Mène?
qui nihil magis quàm Fidei partes & sacra stabiliri?*

Homer.
Odyss. 1.

— * σὺ δὲ μάταια ἐκ ἐτ' ἀνεντῶς.

* Tu iam
non tolera-
biliter in-
fanis.

Voluisset hoc Opere omnibus prodesse, nec lædere vel
ipsum Lipsium.] *Quid volueris, nescio: quòd nō laferis, hoc scio.*

Vt tela quadam in calum emissâ, ire eò videntur, non eunt: sic nos calûnia tue petunt, non tangunt. Preme, preme. ego, cum Pindaro,
** ἀλάττις ἰσὶς εἶμι, φειλλὸς αἶς, ὑπὲρ ἔρκος ἄλμας.*

* Immer-
 fabilisum,
 sicut suber
 super ma-
 ris septum.

Non acriter aut asperè se mecum egisse.] *Mimus mihi in-
 susurrat:*

Malus ubi bonum se simulat, tunc est pessimus.
 Tamen de acrimoniâ, fateor, nihil es eâ usus. Antehac putabam
 tibi esse cornua: nunc agnus es. balas tantum.

Publ.

Imò alios iudicatuos, quòd nimis leniter.] *Habeo itaque
 gratiam. nam*

— Pol, siquidem

Plaut. Mil.

Connixus esses, per corium, per viscera,
 Perque os elephanto brachium transmitteres.

*At hic indiligenter fuisti. Ego autem, mea Salus, vitam tibi
 debeo, & CLEMENTIÆ tuæ Aram.*

Omnia quæ scripsit, vera esse, idque se certò scire.] *O con-
 fidentiam! hoc tamen nemo tibi credet, qui cerebrum in capite, non
 in calcaneis gestat. Multa stolida & vana in hoc auo lêgi:*

* Istud ve-
 rò est cul-
 men omni's
 in sauiæ.

* τὸ τοῦ ὅτι ὑπὲρ ὅλην μάλας.

Nihil se in verbis meis exasperasse, sed omnia candidè, pu-
 riter, & ex incrà veritate protulisse.] *Tu candidè? qui me calum-
 niis & mēdaciis ubique oneras? qui ex professo in toto scripto aliam
 sententiam mihi affingis? omnia ad popularem inuidiam deflectis,
 & torques? O pectus niueum! ô germen reliquum priscæ probitatis!*

Non hercle apluda est hodie, quàm tu nequior.

Næuius.

Postremum, Serio considerandum iis esse quorum inter-
 est; annon expediat, imò necessum sit, Latinam SITVLAM
 conscribi atque effundi: vt scintillæ huius latè sparsi incen-
 dij ubique gentium extinguantur.] *Consideraui ego: & ita
 censeo, Prorsus id necessarium, & que republicæ esse. Hoc amplius,
 ut tuus iste liber (nam tu per verecundiam significas magis,
 quàm expromis) in Latinam pluresque alias Linguas transfera-
 tur, excudatur, per omnia opida, fora, conciliabula, diuulgetur; in
 bibliothecis locisque publicis reponatur; & contra casus mortali-
 tatis (exemplo Imp. Taciti, qui scriptori suo gentili honorem hunc
 habuit) quotannis renouetur: ut hoc modo clara æternaque apud
 omnes gentes sit*

SAPIENTIA DIODORI.

HABES

HABES, quæ visum mihi in tempore respondere, atque adeo extempore. Speramus nihil omissum, quod propriè ad rem faciat: siquid est, erit me insciente. Quamquam aliqui nemo reprehensus est, qui è segete ad spicilegium reliquit stipulam. Alius si volet, tollet. De Religione aut Rep. quæ multa & ambitiosè miscuisti, non sum rescutus: quia aliena sunt: quia pro ingenio nostro non sunt; qui haud procaciter inter hos sinus & scopulos nauigamus. denique, quia risimus tam grauitè ea à te dicta. Cleomenes olim Sparta rex, Græculo cuidam multa de Fortitudine differenti, aures non præbuit, & auertit. Illo mirante, Quia enim, inquit, si Hirundo hæc diceret, idem quod nunc facerem, atque affatim riderem: si autem Aquila, darem ei libenter mentem & aures. Simile in te Diodore. quem tam seriò & cum affectu de vtraque differentem ridemus, qui sciamus quo modo in vtramque sis affectus. Siquid autem hîc aut alibi in te lusi, siue ieci (quod modicè à me factum & districtè:) ignoscet: & feres equo animo, tu lasciuus ille Pronocator, pauca non conuicia nostra, sed dicta. Quod si responsum etiam paras: facito. sed iam antè edico: alium tibi quære parem. Non ultra tecum componor: nec contra Retiarium ferula me delectat. Quis etiam finis? erit, quod dicitur, Thuscum iurgium, & per eandem lineam assiduè reciprocabimus serram. Bonis cordatisq; viris satis diximus: tibi ipsi satus. Cede, cede: Bonum est à veritate vinci. Disce, disce: Nulla ætas ad perdiscendum sera est. Erubescat senectus, quæ emendare se non potest. Non annorum canicies est laudanda, sed morum.

Menander

* Οὐχ αὖ εἶχες ποῖσιν αἰ λῶσαι φεγγεῖν.


Quod si aliter tibi visum, fiat. si tamen,

* Cani capilli haud afferunt prudentiâ.

ORDINES,


vobis ita visum: quos ego censeam vtrique nostrum stilo & calamo interdicerè, in hunc quidem usum. Non semper debent esse SATURNALIA. Tu Diodore aternum mihi salue.

FINIS.



SPECIAL	87-B
PA	20914
	V.4
8545	Bound w/
A6	87-B 22391
1602	22406
V.4	22414
	22418

GETTY CENTER LIBRARY



JUSTI LIPSII
OPERA

T O M.
IV.

ANTVERPÆ
1602